

من إصدارات عصير الكتب للنشر الإلكتروني

# هارونيك

ايه صلاح

رواية

تصميم الغلاف : محمد ابراهيم

جميع الحقوق محفوظة © عصير الكتب للنشر والتوزيع

[www.book-juice.com](http://www.book-juice.com)

# هارمونيكا

المؤلفة : أية صلاح

تصميم الغلاف: محمد ابراهيم

والتنسيق الداخلى : عصير الكتب للنشر الإلكتروني

نشر في : سبتمبر ٢٠١٥



fb.com/groups/Book.juice



هارمونيكا



أية صلاح



عصير الكتب للنشر الإلكتروني



FB.com/groups/Book.juice



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

# هارمونيكا

أ

آيه صلاح



الله أكبر، الله أكبر

أشهد ان لا إله إلا الله

أشهد ان لا إله إلا الله

أشهد ان محمد رسول الله

أشهد ان محمد رسول الله

حي على الصلاة، حي على الصلاة

حي على الفلاح، حي على الفلاح

الله أكبر.. الله أكبر.. لا إله الا الله....

..أذان الظهر بيأذن في السيدة زينب وشاب واقف وسط الشارع شايل في ايده شنطة هاندباج والشمس ضاربة في عينه وهو مغمض وخياله معكوس على الأرض وهو سامع الأذان بأستمتاع ورقى وبيشم روايح السيدة زينب من البخور للقهاوى والمطاعم لتسليم مصر...♥

..ويفتح عينه يبص حواليه والنزحمة والوشوش والتجاعيد والشحاتيين اللي على باب السيدة وأطفال الشوارع اللي رايعيين جايين وصوت عجلة الأنابيب والخبط عليها



بالمفتاح الأنجليزى.. وبتاع الروبابكيا وهو بيقول(بيكيا بيكيا).. وصوت زمارة غزل البنات  
وحناق الستات مع بيع الخضار على ٢ كيلو أوطة...

...ويخرج من استماعه وتركيزة على روايح مصر الى صوت شيخ الجامع وهو بيقول(قد  
قامت الصلاة قد قامت الصلاة.. الله أكبر الله أكبر.. لا إله إلا الله..).

..يقوم داخل الجامع مع الرجاله وهو بيقلع الكاوتش برا ويبدأ يصلى معاهم..(الله أكبر)

..السلام عليكم ورحمة الله.. السلام عليكم ورحمة الله.. ويخلص الصلاة ويخرج للباب  
والناس حواليه زحمة بتلبس شباشبهم وتمشى ويقرب للباب وهو بيدور على الكاوتش  
مايلاقيش حاجه!!

..يمين شمال مافيش..يقوم باصص واحد عليه من جوا الجامع وهو شايفه محتاس..يروح  
ضاحك وداخل وخارج بشبشب بصباح أخضر ويدهوله وهو بيقول/معلش ياابنى..عوضك  
على الله

"يمسك الشاب الشبشب وهو بيضحك ويلبسه ويمشى"

..ويوصل لشارع وهو ببص فى ورقه مكتوب فيها عنوان وعلى المنطقه اللي أتغيرت  
ملاحها بتاتا وشوية الذكرى اللي بقياله منها فى ذكرياته من آخر مره زار فيها مصر...

..ويدخل عمارة ويطلع تانى دور ويبص للشقتيين بتساؤل وهو مش فاكرا حاجه ويلاقى  
يافته بأسم(حمدى عبد الستار)..يروح مبتسم ويقف قدام الباب..ويمسح التراب اللي على  
الأوكرا ويطلع المفتاح من جيبه ويحاول يفتح..





..المفاتيح عصلجت معاه..اعد يحاول تانى وتالت ما اعرفش..ويفتح الباب اللى وراه وتطلع منه بنت قصيرة شعرها أسود على كتفها وعينها ضيقه وعسلية ومناخيرها طويلة شويه وشفافيتها رفيعة وبمبى ولايسة جلابية جيل عند الركبه وعليها رسمة ميكي ماوس...

..وتبصله من فوق لتحت وللشيشب بتعجب!!

البنبت/لو سمحت؟

"الشاب ماردرش"

البنبت/لو سمحت؟؟!

"الشاب ماردرش ومازال بيفتح فى الباب"

البنبت وهى بتقرب منه/أنت ياااه

"وراحت خبطه كتفه مرتين..الشاب لف بارتباك"

البنبت/مابتردش عليا ليه؟

الشاب/ثانيه واحده

"ورا حاطط ايده فى جيبه ومطلع سماعة أنن وحطها وهو بيقول"ماكنتش سامع!



البنّت/وعرفت كنت بقول ايه؟

الشاب/عرفت من حركة الشفايف أنك بتقولى مايتردش ليه؟

البنّت بكسوف/تمام..هو أنت تقرب لجدو أحمد؟

الشاب/الله يرحمه..أيوه أنا قاسم ابن أخته

البنّت/وأنا قسمت..يعنى اللي بلغتكم بخبر الوفاة وبعثلك المفتاح فى البريد عشان تيجوا تستلموا الشقة!!

قاسم/أه شكرا جدا وانا اسف على التأخير بس كنت بعمل حاجات تبع شغلى

قسمت بسرعة/أه طبعا..شغلك أهم

قاسم/لا مش قص

قسمت قاطعته/مش محتاجه تبريرات..هات المفتاح

قاسم باستغراب/اتفضلى



"البنبت نتشته من ايده وحططه فى الباب ومسكت الأوكرا وهى بتزق الباب على برا جامد  
ولفت المفتاح والباب اتفتح"

وأدته المفتاح وهى بتقول/استنى

..قاسم بص للمفتاح والباب اللى اتفتح معاها وبصلها وهى داخله شقتها باستغراب..ودخل  
الشقة المطربه وعفشها القديم جداا وصورة خاله اللى متعلقه على الحيطه وقال/الله  
يرحمك

"البنبت دخلت بعصبيه وهى بتقول"انا مش قولت استنى

لف قاسم باستغراب/أنا..أنا أسف بس

قسمت/أنا مش قولت مش محتاجه تبريرات..امسك

"وفتحت ايده وحطط فيها علبه صغيرة ومشيت"

..قاسم بصلها وبص للعلبه وما تكلمش..وراح أعد على الكرسى وهو بيفتح العلبه..لقى  
فيها أله موسيقيه ما تعبش نفسه حتى انه يمسكها ويعرف ايه هى..قام قافل العلبه وسابها  
على الطرابيزة وقام يفتح كوبس النور..وداس على الزرار ما فتحش..بص على اللمبة  
وداس تانى ما فتحش..راح فاتح الشيش والى من خلاله الشقة كلها أتعبت نور ربنا..لف  
قام شاف الحيطه اللى فى وشة مليانة صور من ايام الخمسينات والأربعينات..

..ويبص لأول صورة ويقول/جدو

واللى جنبها/تيتة





وصورة تجمع بين ٣ بنات وولد..ويشاور على كل واحد من الأكبر للأصغر/خالته  
توحيدة..خالته نوال..خالته شوقية..وخالو أحمد..طبعا ماما ماكنتش لسه جات

ويشوف صورة تانيه لخالو أحمد وهو شايل نونه ويقول/أهى هنا كانت جات

"ويبص على كذا صورة تجمعهم ويقول"الله يرحمكم ويطول فى عمرك ياماما!

ويسمع صوت قسمت بتقول/كويس انك فاكرهم

ويلف قاسم يبصلها من فوق لتحت ويقول/نعم!

قسمت/أسفه..تدخلت فمالا يعنينى..على العموم..الهارمونيكا دى بتاعت جدو أحمد ويوم  
مالقيته متوفى كانت فى ايده ودى امانه لازم أوصلها

قاسم/الإية؟!!

قسمت شاورت على علبه الهارمونيكا وقالت/الهارمونيكا..الاله الموسيقية!

قاسم/أها!

قسمت/الكهربا ضربت من يومين وأكيد مش شغاله هنا..أنا اتصلتك بالكهربانى وزمانه  
جاي..إيه الشيشب ده؟



قاسم/كنت فى الجامع وو..وأنتى مالك؟

قسمت بغضب/أنا غلطانة أنى مهتمة ببيك عشان يادوبك من ريحة جدو..أوف

"وخرجت وهى بدبب برجليها"

..قاسم ضحك وهو باصص عليها من فوق لتحت..

"ورن تليفونة ورد/وعليكم السلام..الله يسلمك ياماما..بخير الحمدلله..حاضر..أوكاى..الله  
يرحمة

\*\*\*\*\*

دخلت قسمت شقتها وهى متترفة وبصت لصورة وقالت/عجبك كده ياجدو..بقى ده جزائى  
عشان بهتم بيه وهو ولا هنا..وبعدين أصلا متكبر على ايه..اي نعم طويل بس مش  
أوى..وعيونيه مسبهله كده بس مش أوى..وشعره حلو بس مش أوى ووسيم وسيم  
وسيم بس مش أوى..وجذاب بشبشه ده..يووووة أنا مش مضايقة ياجدوو..أنا  
هنفجر..ده رخم أوى..هاه





"وراحت لصورة ثانيه وقالت" وأنا بقى ياتيته مش هيجيى يوم وأحب زيكم..أمتى بقى يارب يكون قرب..يووووه الله يرحمكم أنا بكلم نفسى ليه

\*\*\*\*\*

دخل قاسم فتح التلاجة مالقاش فيها حاجه..جرب يفتح تليفون البيت ويطلب دليفري..لقى عليه فواتير..دخل أوضة النوم اللي واصلها بصيص نور..ولقاها مكرتبة سابها وخرج ودخل الأوضة الثانيه وهو بيفتح باباها ووصلها الضوء وعرف أنها أوضة المكتب..قرب من المكتبة اللي مليانه كتب وهو بيحرك صوابعه عليهم وقال/فلسفة..علم نفس..روايات..دواوين..أمممم..ده أنت كنت قارئ جيد يا خالو

"وسمع صوت خبط على الباب..راح خارج من الأوضة وكان هيتقعل فى كراتيين على الأرض..راح ساند بسرعة على الحيطه وفتح الباب..لقى قسمت واقفه وشايله صنيه"

قسمت وهى مكلمة/أفضل..أنا قولت أنك جاي من سفر وجعان وعايز تاكل

قاسم بابتسامه/لا شكرا

قسمت بوزت ولفت..

قاسم/قسمت





"قسمت سمعت اسمها من قاسم قلبها فظ من مكانة ولفت"

قاسم/خلاص ماتز عيش..أنا فعلا جعان..هاتي

قسمت ضحكت ضحكة واسعة وراحت هاجمة عليه وهو بيقف على جنب ودخلت الشقة وحطت الصنيه على الطرابيزة..وقاسم يبصلها باستغراب..

قسمت بضحك/حاجة كده خفيفه

قاسم/خفيفه!..هو أنتى داخله خارجه..خارجة داخله..عادي كد..ليه؟

قسمت باحراج/ماهو انا كنت على طول مع جدو أحمد هنا وماكنتش بسببه خالص..عشان كده متعوده على الشقة

قاسم وهو بيقل الباب/طيب

قسمت بسرعة/لالالالا

قاسم وقف/فى ايه؟

قسمت/أحنا لوحدينا..وماينفمش تقفل الباب

..قاسم هنز راسه وساب الباب مفتوح واعد على الطرابيزة وبدأ ياكل..

قاسم/اتفضللى معايا

"قسمت مدت ايديها وكلت بكسوف..وقاسم ابتسم على تصرفتها"

قاسم/أنتى مافيش حد عايش معاكى؟

قسمت/لا..ماما الله يرحمها وبابا عايش برا من زمان

قاسم/وعجباكى العيشه لوحدك؟

قسمت بزعل/أه..أنا بدرس هنا

قاسم/أنتى فى ثانوى صح؟

قسمت شهقت وهى بتقول/نعمعم!!!..أنا فى ٣ جامعة!

قاسم كح/أومال قصيرة ليه؟

قسمت بغیظ/لعلمك بقى القصيرة دى الأولى على الجامعة والتالته على الجمهورية فى شهادة الثانوية وكله بفضل جدو أحمد الله يرحمة..ماكانش سايبنى لوحدة وماكنش خالى اللى زيك يتكلموا



هارمونيكا



آيه صلاح



عصير الكتب للنشر الإلكتروني



FB.com/groups/Book.juice



قاسم/طب خلاص انا ماكانش قصدى قصيرة قصيرة..أنا قصدى انه مش باين عليكى  
وبعدين ده سؤال واحد سألته مش محتاج الأجابات دى كلها

قسمت/هو أنت ماجتش ليه بسرعه..جدو كان تعبان أووى فى الفترة الأخيره..مش كفاية  
كان عايش لوحده كمان مات لوحده

قاسم/أنا عارف أننا كنا مقصريين معاه بس بحكم بعد المسافه ماعرفتش أجي..هو  
ماحدث من أهل مصر جه؟

قسمت/ماحدث جه غير ساعة الدفن بس وكل واحد عمل واجبه زى الضيف ومشى..كله  
كان ناسيه مع أنه كان طيب أووى..يمكن طيبة الزيادة دى هى اللى عملت فيه كده

قاسم/ماتنسيش أن الكبار ماتوا..وماحدث من الصغيريين هيفتكروا..حتى أنا فاكرا حاجات  
ضئيله جدا من ايام زيارتى وأنا صغير لمصر

قسمت/أنا لحد دلوقتى مش فاهمة ليه طلبك أنت بالذات؟

قاسم/مش عارف!

"قسمت هزت راسها وقامت بسرعه وهى بتخبى دموعها"

قاسم/قسم

"أوراح تليفونه رن وفتحه وهو بيقول" هالو أنا..أنتى كمان وحشتينى..وأنا كمان بحبك"





\*\*\*\*\*

دخلت قسمت شقتها وقلت وراها بسرعة وفضلت تعيط وهي واقفه ورا الباب..

..شال قاسم الأطباق فى المطبخ وبص للشقه وهو حاطط ايده على وسطه..وابتدا يلم الملايات بالفرش اللي على الأنتريه ويحطهم فى الغساله ويحط المسحوق..ويمسك مقشه ويكنس الشقه ويمسك حته مبلوله يمسح التراب من على العفش..وبعد شغل دام ساعة وأكثر وقف أول مالالباب خبط..راح ماشى على الباب وهو بيكح وفتحه..لقى واحد واقف ومعاه شنطه كروس صغيرة..

قاسم/ايوة!

الراجل/حضرتك طلبت كهربائى عشان الكهربا؟

"قاسم افكر أن قسمت قالت أنها اتصلت بالكهربائى وزمانه جاى راح قاله/أه أه اتفضل

"ودخل الكهربائى شاف البواط والكوبس وعرف المشكله فين وصلحها وبعد ماخلص حاسبه قاسم ومشى"

..قاسم قفل الباب ونفخ بعمق وهو باصص للشقه وهي نضيفه وابتسم وراح داخل اوضة النوم وهو بيفتح النور وبص على كل ركن فيها وهو بيتخيل خالو فيها..وبص على الكوميدينو لقى نضارة خالو..راح ماسكها جربها..وعينه مزغلله راح قالعها وسابها مكانها..وخرج من الأوضة على الصالة..وفتح الشنطة بتاعته وطلع منها صورة له مع حبيبته (أنا) وخذها ودخل اوضة النوم فى الضلمة وحطها على الكوميدينو..

..ودخل اوضة المكتب وفتح النور وهو يقول/رجعتك

"وابتسم وهو يقرب من المكتبه وطلع اول كتاب وقعت عينه عليه وفتح اول صفحة وقلب بسرعة بين الصفحات وحطه مكانه وخذ كتاب غيره من الصنف اللي فوقيه وقلب فيه باعجاب بعدين عينه جات على كتاب غريب!!..لونة تركواز ومجلد بجلد محفور على شكل (عرجة وعريجه")

..وقرب من الكتاب براحه وكل مايقرب عينه توسع ورغبه معرفة كتاب ايه تزيد واطراف ايده تتحرك على المكتبه كأنها بتعزف لحن بيتردد فى ودنه وهو بيرسمه بتحريك صوابه كده..لحد ماوصل للكتاب ومسكه بصوابه وهو فرحان كأنه انتصر على الوصل اليه..واول ماخرجه من المكتبه شاف قفل مقفول بيه الكتاب على غير العادة..

قاسم/ايه دا؟..فى ايه ياخالو هو سر؟!

"وبعد محاولات كثيرة بات بالفشل والملل..ساب الكتاب مكانه وخرج بره وطلع اللاب توب بتاعه واعد على الكنبه وفتح سطح المكتب اللي كان عليه صورته هو وحبيبته خلفية واللى كان حاضنها فيها من ورا وساند دقنه على كتفها وهى بتبوسه من خده..بص للصورة بحب وعنيه بتقفل وضحك وهو يقول/ I miss you

\*\*\*\*\*

صحى قاسم الصبح لقى نفسه نايم على الكنبه واللاب توب على رجليه والشباك مفتوح على اخره ..راح شايل اللاب ودعك رقبته اللي وجعته من نومة الكنبه..وقام دخل الحمام وهو بيطوح ومش فايق وساب الباب مفتوح ووقف قدام (الأعدة) وفتح سوستة البنطلون وعمل حمام وهو مغمص عليه...

..وراح على حنفيه الحوض غسل وشة..وسمع صوت جرس الباب بيرن...







..راح قافل الحنفية وراح فتح الباب وبص وهو مش فايق..شاف قسمت بتقفل باب شقتها  
ولفت وهي مسكه كتب واول ماشافت قاسم راحت شهقه ولفت وشها بسرعة؟؟

قاسم/what

قسمت مشيت للسلم وهي مازالت مخبيه وشها وقالت وهي بتنزل بارتباك/انا انا كنت  
بشوف الكهريا اتصلحت ولا لا

"اونزلت جرى"

..قاسم عوج بؤة ودخل وهو بيقفل الباب واذ فجائة يبرء وهو بيحط ايده على سوستة  
البنطلون اللي لقاها مفتوحة؟؟

..قام قافلها وجرى بسرعة على الباب فتحه وهو بيبيص على قسمت مالقهاش..قام قافل...

..قسمت خارجة من باب العمارة وهي بتضحك وحنضة الكتب..وقابلت زمايلها على اول  
الشارع وراحوا الجامعة..

\*\*\*\*\*

قاسم ماشى فى ضواحي مصر وهو معلق كاميرا فى رقبتة وبيتفرج ولفت نظرة طفل بياكل  
من الزبالة..راح ماسك الكاميرا وبص فى العدسه وصور اول صورة وهو الطفل موطى  
على الزبالة وبياكل فى بؤة...



..الولد وقف على اخر الشارع وطلع لسانه لقاسم وقال/هاهاها ضحكت عليك

..وراح جارى وقاسم فضل يضحك وكمل مشى..

\*\*\*\*\*

قسمت اعدة فى المحاضره وسرحانة وزمايلها جنبها مابين شرح الدكتور ومابين البص  
على قسمت ..

شاهنده وهى بتخطبها فى كتفها/ايه بقى؟

قسمت/هاه..ايه؟

شاهنده/لاأأ..ده انتى فى دنيا تانيه خالص

قسمت/أأأ

شاهنده/هو هو هوووو هووووو..وكمان مش واخدة بالك!

عزة من الطرف التانى لقسمت/خالص يا شاهنده مش وقته

شاهنده/اوف انا قولت حاجة



هارمونيكا



آيه صلاح



عصير الكتب للنشر الإلكتروني



FB.com/groups/Book.juice









"الأثنين سكتوا وهما متغاضبين"

شاهدة/همممم..سكتنا..قولى مالك بقى

"عزة انتبهت وما تكلمتش"

قسمت/قاسم ظهر

الأثنين فى بوء واحد/مبييين؟!!

قسمت/قاسم

شاهدة/يخر بيتك وساكته مالمصبح

قسمت/ماهو ماطلعش زى ما احنا فاكرين

عزة/ازاى يعنى؟

قسمت/مش السنة اللي فاتت لما قابلت الست بتاعت البخت فى الرحلة قالتلى هقابل واحد اسمة قاسم وهيكون حب حياتى!

شاهدة باهتمام/أأه

قسمت/أهو ظهر..وجدو أحمد يبقى خالو وجه يستلم الشقه بس ماحنبش خالص

عزة/أنتى هتجنينينى هو لحق يريح عشان يقع فى غرامك من أول نظرة

قسمت/الله مش هى قالت كده

شاهنده/وقالت كمان أن نار حبك هتكويكى..وأصلا مابصدقش الحاجات دى

قسمت/ياسلام ياسلام..مش أنتى يعنى اللى قولتى يالا نشوف بختنا هى موتة ولا أكثر

عزة/لا وكمان هى اللى كبرت الحكايه فى دماغك وقالتك قاسم جاى يعنى جاى وأنتى  
ياعينى كل يوم بقيتى تحلمى بيه لحد ماحبتيه عمياني

شاهنده/هااااا..ده جزاتى..طيب

"اوراحت مكدمة"

\*\*\*\*\*

قاسم وصل لجوا حارة والولد كان اختفى..راح باصص يمين شمال وهو بينهج..وقام ساند  
ايديه على ركبته وهو موطى وبيأخذ نفسه..ولقى كذا رجل داخله عليه..راح رافع راسه  
وبص..لقى رجاله كلها اجرام عملو عليه دايره وبيبصلو بشراسه..







قاسم وقف وهو بينحنح و عدل الجاكيث الجينز بتاعه ورجع لورا خطوة راح مخبوط فى واحد منهم..

قاسم لف وهو بيهز راسه وبيقول/أنا شكلى جيت غلط

اللى وراه/لا صح ياروح أمك..طلع اللى فى جيبك يا ض

قاسم/نعم يا فندم؟

التانى/انت واقع على ودنك وانت صغير يا ض..بيقولك طلع اللى فى جيبك

قاسم عدل سماعة الاذن وقال/ايه؟

اللى قدامه/أنت لسه هتقول ايه

"لوراح ضربه بالبوكس فى عينه..قاسم خد الضربه وراح راجع لورا قام اللى وراه مكلبش ايديه"

قاسم/أنا فعلا مش سامع والله

اللى قدامه/هنستعبط..ايفووووه





"وراقت الرجاله هاجمه عليه ونزلت على جسمه ضرب ورمته على الأرض وخذت اللي في جيبه ومشيت وسابته وقورته بتنزل دم ومقرفص على نفسه وبيتوجع"

-----

قسمت شهقت مره واحده وهى مبرعة ويتكح..

شاهنده بخضه/مالك؟

قسمت مش قادره تاخذ نفسها

عزة/ميه بسرعه هاتو ميه

-----

.قاسم مرمى على الأرض وهو فاقد الوعي...

-----





..قسمت حسنت باختناق وماقدرتش تاخذ نفسها وراحت مبربشه بعنيها وغابت عن الوعي  
والكل بي فوقها ..

\*\*\*\*\*

..قاسم بيفتح عينه براحه لقي ضوء أبيض مسيطر على نظرة كله ..راح مغمض بسرعه  
وفتح تانى وهو بيستوعب أن ده ضوء لمبه ..بص حواليه لقي نفسه نايم على سرير  
ومتعلقه محاليل وراسه بتوجهه ومربوطة ....

-----

عزة مسندة قسمت وخارجة بيها من أوضة كشف فى مستشفى وبتقول/أهى الدكتورة  
طمنتنا عليكى

قسمت/أنا مش عارفه ايه اللي حصل ده

عزة/يمكن تكونى شرفتى





قسمت/ممکن

اوكملو مشى وعدوا على الأوضة اللي فيها قاسم و اللي فيها ازاز ومن خلاله هو باين وهو على السرير....

..قسمت أول ما عدت من قدام الأوضة رفعت راسها وهو قلبها بيدق جامد..وراحت لفه راسها براحه فى اتجاه الأوضة..

شاهنده قالت وهى مسكه شنطة الدوا/أناجيببيت

قسمت مالحقتش تشوف قاسم ولفت لشاهنده وهى بتضحك...

شاهنده/حببت شاهنده ياناس..الف سلامه عليكى يابطة

قسمت بضحك/الله يسلمك يمامتى

شاهنده/ادلعى يابيضه..انا عايزاكى تدلعى علينا لحد ماتزهدقى

قسمت/عايزة مئائه يمامى

عزة/اللى يلاقى دلغ ومايدلغش



شاهنده/وبعدين بقى

قسمت/مش وقته..ياللا على البيت عشان تعبانه

-----

المرضه خبطت على أوضة قاسم ودخلت..

قاسم باستغراب/أنا جيت هنا ازاي؟

المرضه/ثانيه واحده

"ولفت براسها للباب وهي بتقول"أدخل ياااا

..ودخل من الباب الولد بتاع الصور والعشرين جنيه وهو باصص فى الأرض ومكسوف...

المرضه/ده اللى جابك هنا وصمم انه يفضل معاك لحد ماتفوق

"وقفلت المحلول وخرجت...الولد وقف قدام قاسم وهو باصص فى الأرض"



قاسم بابتسامه/شكرا

الولد/أنا أس ف

قاسم/على ايه؟

الولد/عشان خدت العشين جنيه

قاسم/ولا يهملك..المهم أنك ماتعملهاش تانى

الولد/والله مش هعملها تانى

..قاسم ابتسم..

"وباستغراب" انت وصلتلى ازاي؟

الولد/مانا دورت عليك بقى عشان ارجعك العشين جنيه لقيتك عند الجامع بتصور..ولسه هلكمك لقيت الولا العجل ابن الحراميه بيسرق الكامرا وأنت جريت ورا..قومت انا جارى على مكان تواجدده وأتخاقت معاه ورجعتها وبعدين بقى لما وصلتلك كان حصل اللي حصل

قاسم/وأنت تعرف العجل ده منين؟..



"الولد عمل نفسه مش سامع"

قاسم مااستناش رد وقال/بس أنت طلعت مغامر بقى

الولد/يوووة من زمان

قاسم بضحك/وجبتنى هنا لوحدك؟

الولد/لا أنا مغامر أه بس ماقدرش عليك..مانا برضو لسه صغير على الحاجات دى

قاسم/اسمك ايه؟

الولد/حمادة

قاسم/عاشت الأسامى

حمادة/وأنت

قاسم/قاسم

الولد/تشر فنا



"وسلم عليه وهو بيضحك ببراءه"

\*\*\*\*\*

عزة وشاهندة بيساعدوا قسمت تعد على السرير وهي بتدلع عليهم..

شاهندة/بت يا قسمت.. هو المز ساكن فى الشقه اللي قصادك طوالى؟

قسمت/أه

عزة/يا بنتى اتهدى

شاهندة/يوووة.. أنتى مالك

عزة/أوف منك بجد او وفر.. قسمت.. انا بحذرك منها.. أوعى تمشى وراها انا عارفة دماغها

شاهندة/بايخه ورزله ودمك ثقيل.. انا رايحه أعمل حاجه سخنه تشرببها يا قسمت

"وبصت لعزة بغيط" يابارده





..قاسم طالع على السلم وهو ساند على الطرابزين وبيتوجع..وصل للشقه وطلع المفتاح  
ودخل وخط شنطة سفر كبيره فى الصاله كان استلمها من المطار..وشنطه الأدوية اللي  
ادتهاله المستشفى على الشوفينيرا ودخل المطبخ يشوف حاجه ياكلها..

شاهنده سمعت صوت باب بيتقفل وكرابه..راحت بصه من شباك المطبخ لقت قاسم بيفتح  
التلاجة..راحت ضاحكة وهى بتفتح بؤها وبتفكر شوية..

..قاسم مالقاش حاجه ياكلها غير جنبه..قام مطلعها على طرابيزة المطبخ..ولقى الباب  
بيرن..راح سايبها وقام فتح الباب..وشاف شاهنده..

شاهنده بكسوف/أأ حضرتك استاذ قاسم مش كده؟

قاسم بتساؤل/ايوة!

شاهنده/أمم..أصل قسمت صاحبتى..وجارتك هنا..أغمى عليها فى الجامعة وجبناها هنا  
وكنت عايزة اعملها حاجه سخنه مالتش..عندك انسون؟

قاسم باستغراب/what/

..شاهنده وهى بتهرش فى شعرها بصوت واطى/وات ولا مواتوتشى بقى أنت هتقرفنى ليه

قاسم/قسمت مالها!؟!

شاهنده بسرعه/أغمى عليها وكانت تعبانه اووى وخذناها المستشفى وعلقولها



محاليل وايله بقى مسخسخه كدهوت على نفسها ومش قادره تصلب طولها

قاسم/طب..هشوفلك اليانسون وأجى

شاهنده بصوت واطى/مانت فاهم أهوو

..دخل قاسم ودور بين التوابل لقى نعاغ جابه وخرج..وشاهند ابتمت..

قاسم/ينفع نعاغ؟

شاهنده/نعاغ..ده ينفع ونص

..وخادته ومشيت ببطء

قاسم/أأ...هو انا ممكن اشوفها؟

شاهنده لفت بفرحه/أه طبعاً

..ودخلت جارى على الشقه ووراها قاسم..





\*\*\*\*\*

عزة/ما اعرفش يابنتي والله.. أتأخرت ده كله ليه

قسمت/شوفيهها يمكن فى حاجه

عزة/يووووة حاضر

..وقامت..

شاهنده بصوت على/أنا جييت

عزة/يخربيتك كل ده؟..بتعملى رجل الكيكي حضرتك..ايه دا؟..فين يابت الحاجه السخنة اللي بتعمليهها

شاهنده/هووس أنتى..طاطااا

..وقفت على جنب وبان قاسم من وراها..قسمت بلمت..



عزة/مين ده؟..وازاي تدخلى راجل غريب علينا كده

"قاسم اؤحرج"

قسمت/لا يازوزو غريب ايه..ده قاسم..جاننا..تفضل يا قاسم

..عزة فتحت بؤها وبصت لشاهنده..شاهنده بصتلها بفخر..

عزة/اهاها..انا اسفه..ياللا أحنا ياشاهنده

شاهنده/أه يا حبيبتي يالا

قسمت براءتلهم وهما بيخرجوا بعدين بصت لقاسم وهى بتضحك باحراج..

قاسم/سلامتك

قسمت/الل..الله يسلمك

..واعد قاسم على الكرسي وهو بيدارى وجعة..

قاسم/صاحبتك قالت انك تعبتى فى الجامعه وانا حبيت اظمن عليكى



قسمت/أه..جاتلى حاله غريبه أوى..اول مره تحصلى

قاسم/حاله..حاله ايه دى

قسمت/حسيت أن روحى بتسحب من وماقدرتش اتنفس واعصابى كلها سابت وأغمى عليا

قاسم/الف سلامه عليكى يمكن هبوط

قسمت/المستشفى قالت كده

..وحاولت تتعدل وهى بتسند على طرف السرير اللى قاسم ساند ايده عليه وايديهم تلامست...

..قسمت بصت على ايديهم وقلبها بيدق وبعدين بصت عليه وقالت/ايه دا هو عينك فيها حاجه؟

قاسم سحب ايده بسرعه وحطها على عينه وقال/اتخبط فى الباب بسيطه بسيطه..أنتى احسن دلوقتى صح..كويس انى اطمنت عليكى

..قسمت هزت راسها وخرج قاسم بسرعه وعيون قسمت ملحقاه..

شاهنده من الصاله/ايه دا أنت هتمشى قبل ماتشرب عصير؟

قاسم/مره ثانيه ان شاء الله





شاهنده/أهو كله فى مصلحة قسمت

عزة/طب ياختى يالا

..وخذتها ودخلوا..

\*\*\*\*\*

قاسم دخل المطبخ أكل الجبنة وهو مضايق بعدين خد الدوا ودخل أوضة النوم فتح اللاب  
بعدين دخل على الصور وبص على صورو هو وحببته بحب وفتح تليفونه اتصل بيها  
ماردتش كعادتها..أضايق..وقام يدور على أى حاجه يعملها...

..وشاف علبه الهارمونيكا على الطرابيزة مكان ماسابها..لقت نظرة أنه لقي العلبه بنفس  
زخرفه الكتاب المغلق ونفس اللون التركواز المميز..

قام ماسك العلبه باهتمام فتحها وطلع الهارمونيكا وهو ببصلها وسمع صوت مادليه وأول  
ماخرج الهارمونيكا كلها شاف مفتاح نازل بمادليه من الطرف وجنبه عروسه لعبه قد  
الصباغ..







..ماهى اللى شهدت على كل ألم خدته جوايا..وكل لحظة ضعف حصلتلى كانت معايا..وكل دمعة نزلت من عيونى كانت ويايا..وكنت دايمآ أهرب من الدنيا ومن نفسى معاها..وهى اللى شهدت على أول وآخر حب ليا...

..أعرفكم على نفسى...أنا أحمد حمدى عبد الستار..السن ٧٢ سنة..معيد بكلية الموسيقى العليا..واللى كنت بدرس فيها وطبعا على اله هارمونيكا..واللى كان زمايلى ساعتها بيتريقوا عليا عشانها..مايعرفوش أن الهارمونيكا دى قصة حياة...

...عارفين أول مرة شوفت فيها قسمت كانت أمتى..قسمت مين؟!..حببىتى..يوميا كان عيد ميلادى(١٤/٤/٢٠١٤) ولأنى الولد الوحيد على ٣ بنات فاكنت ليا الأولوية فى كل حاجة وكانوا بيسمونى آخر العنقود سكر معقود..وكان عيد ميلادى يتعمل ويتعزم فيه الأقارب والجيران يعنى مش قورديحى..

..صحيت يوميا وانا فرحان وحاضن هديتى من والدتى(جزمة برباط)ماهى كانت مودة جديدة بقى وانا من عادتى بحب ابقى مميز..

..فوقت وانا بطمطع وروحت قايم جرى على المرايا ولبست الجزمة للمره المليون وكانت بتلمع أووى..وعشان ماتبوظش قلعتها وشلتها فى علبتها جوا الدولار..

وخابط أختى نوال بالمخدة وهى قامت تزعق وانا جريت فوريرة على بره واتفجنت..أصلى شوفت الزينة بتتعلق وخالتى أمال بتحضر الحلويات اللى بحبها من ايديها..وعمال النور بيحاسبوا والدتى على التعاليق..وتيته كعادتها بتتكلم مع أخواتها فى التليفون ونازله رعى على ماما ومصاريفها وجيب بابا اللى هيتخرم..

..دخلت أوضة أخواتى..توحيدة الكبيرة..وشوقية الصغيرة..قومت بايس توحيدة من خدها وشادد شعر شوقيه..ياعيني دايمآ كنت مستقصدها فى شعرها ده..وكرهتها فيه..أصله كان خشن وبيضايقها..الله يرحمهم..



..أختى توحيدة ردتلى البوسة وأختى شوقيه عيطت وجريت لماما(المنقذه)..)

ماما/بتعيطى ليه؟

شوقيه/أحمد شد شعرى

ماما/أحمد بيه

..أنا خرجت راسى من ورا الباب وبصيت..

ماما/لو عملتها تانى مافيش لعب كره..سامع

..أنا هزيت راسى واعدت اضحك لأن ده عمره ما يحصل..

..وجه بابا ببدلة الجيش بتاعت الشغل وقلع الطاقية لتحت ايده ونده عليا..أول ماسمعت  
صوته جريت..جريت..طبعا مش عشانه..لا ده عشان هديته واللى كانت مفاجأة  
ليا... (الهارمونيكا)..)

..ماكنتش فاهم هى ايه بس اول ما مسكتها ولمستها عرفت معناها الحقيقى(الحب)..)

..حضنت بابا وبسته من خده..وبعدها سمعنا صوت صرريخ..وجاى من الشقة اللى  
قدمنا..من عند السكان الجداد..اللى كان ليهم يومين فى الشقه ولحد دلوقتى ما حدش شافهم  
ولا مره..





ماما/ايه دا..صوت مين؟

بابا/حد بيصوت

تيتيه/يالهورى ده جاى من الشقه اللي قدامنا..اجرى ياحمدى شوف فى ايه

..بابا جرى وانا فى ديله وماما ورايا وخالته امال..ولسه بابا هيخبط لقي الباب بيتفتح  
وواحد واقف خايف..

بابا كعادته الصارمه فى الكلام/فى ايه عندك

الراجل اللي فتح الباب واللى بعدين عرفت اسمه(عمو وحيد)/مراتى..مراتى بتولد

بابا/عفاف..امال..ياللا بسرعة

..وشاورلهم يدخلوا..وخذ عمو وحيد فى شقتنا عشان يهديه..وانا وقفت فى النص مش  
عارف اروح فين..

..روحت داخل لماما وانا بتفرج على الشقه..وسمعت صوت صريخ جاى من ناحيه  
الأوض..روحت جارى عليه..وشوفت من خلال الباب الموارب..خالتي وهى مسكه ميه  
سخنه..وماما بتولد جارتنا اللي كانت على السرير بتتألم ومغطيه بالملايه..وشوفت ماما  
وهى مبتسمه ومخرجه راسها من الملايه وفى ايديها نونه..

ماما بفرحة/بنت

..وشرفت قسمت ..قسمت حياتى...

...عمو وحيد جه على صوت قسمت اللى ملا البيت وقلبي...وبما أنه أول لقي وما اعرفوش  
لحد دلوقتي..فاتعرفوا فى الوقت ده وسلموا على بعض وأنا أعد فوق راس قسمت ...

ماما/هتسموها ايه؟

مامت قسمت/اللى يختارة وحيد

عمو وحيد/والله أنا مش عارف ..نسميها ايه؟

ماما/حلو اسم إيمان..جديد

بابا/جميل جداا وجاى من الإيمان

مامت قسمت/ايه رائيك؟

وحيد/اللى تشوفيه

أنا/قسمت !!



هارمونيكا



آيه صلاح



عصير الكتب للنشر الإلكتروني



FB.com/groups/Book.juice



"الكل أنتبهلي"

بابا/اسم غريب يا احمد..جبتة منين؟

أنا/مش..مش عارف

وحيد/خدوا فالكم من عيالكم..وهو كذلك يا احمد

مامت قسمت/ماشاء الله ربنا الهم أحمد بالأسم الجميل ده

ماما/أحمد ابني..طول عمره لماح وشاطر

..وهي دي حكاية أسم قسمت اللي انا مش عارف جبتة ازاي؟...

\*\*\*\*\*

1954@..



مرت السنين وكبرت قسمت وكبرت معاها..وبقيننا نروح المدرسة سوا ونيجي سوا...

ماما/أحمد..ياأحمد..أطلع نتغدا يالا

أنا من تحت البلكونة/حاضر

قسمت بشويش/هنلعب شويه..أحنا مالحنناش

أنا/حاضر..يالا

..ومسكت ايديها وطلعنا نجرى وماما تزرق من فوق وأحنا ماوقفناش..

..ووصلنا لآخر الشارع وأحنا بننهج جامد..

قسمت بضحك/هناكل علقه لما نروح

انا/مش مهم..المهم اننا نلعب..اصلا ماحدثش هبيقدر

قسمت/كويس..تعالى بقى سمعنى هارمونيكا شويه

أحمد/عايزة تسمعنى





قسمت/أبوة

..وظلعت الهارمونيكا من جيبي وبدأت اسمعها النغمات اللى بتحبها وهى تسمع بانبساط  
وتصقيف مع كل نغمة...

\*\*\*\*\*

1958@..

أيام ماكنت فى ثانوى..كان فى ولد بيعاكس قسمت قدام مدرستها الإعدادى وكنت بشوفه  
وانا معدى عليها أخذها ونروح..وأخر مازهقت منه روجت دابب معاه خناقه...

قسمت/شوفت بقى..بهدلتنى قدام صاحباتى..أفضل صلح الموقف

أنا/ماقدرتش اشوفه بيعاكسك وانا وسكت ياهانم



قسمت/وبتاع ايه أنت تدافع عنى

..بساعتها أتكسفت وزى ماكون اتفاجئت من السؤال ده ...

\*\*\*\*\*

1960@..

سقطت سنتيين على التوالى عشان الحق قسمت ونبقى مع بعض فى نفس السنة.. وللأسف  
أخذت قلم من بابا ماكنتش متوقعه!!

بابا/ولد فاشل..كنتى فىن ياهانم وقت مذاكرته وسقوطة

ماما/حمدى..ماظننش أنه ده واجبى لوحدى ولازم تطرح السؤال ده على نفسك أنت كمان





تيته/ست البيت هي اللي تعرف شغل البيت وتربي يا عيال يا ست عفاف..مش هو ده كلام  
الناس العاقلين..ولا هو واجبه كمان بعد ما يجي من الشغل تعبان يربي ويدادي ويهنن  
ولادك كمان..هاه..ستات فارغه

حمدي/ماما..أرجوكي الكلام ده مش وقته..أحنا في مستقبل الولد

ماما/من فضلك يا حمدي..أدخله واعرف منه بيسقط ليه؟

بابا/أما الشوف

..ودخل بابا وانا في قمة الرعب منه وباصص في الأرض بعد سماع المحادثه الحاده دي...

..دخل بابا وسند ايده على كتفي وهو بيعد قدامي وبيقول/أحمد يا ابني..أنت أكيد سمعت  
المحادثه اللي دارت ما بيني وبين والدتك وأنت عارف ومدرك اني بشتغل وبتعب عشان  
أكمل مصاريفكم وبعرض حياتي للخطر عشانكم وعشان أنت بالذات تتعلم وبيقالك وظيفه  
حلوه بشهادتك تتسند عليها مع الزمن..صارحني وقولي الحقيقه..أنت بتسقط ليه..أنا  
عارف قدراتك كويس وأنت نبيهه قد ايه!!

أنا برعب/أأ..أقولك ولا تضربنيش..أنا عارف أن ده عيب بس مش قادر

والدي بخوف/أحمد يا ابني..صضقتني..أنا هعتبر اللي هتقوله ده طيش شباب وهاخده  
بصضر رحب



أنا/أنا بحب قسمت ♥

..بابا اتصدم..

روحك مكمل موته بموته بقى/وعشان أبقى معاها فى الصف..قولت اسقط كام سنة وأبقى  
معاها دايما...

..بقيت بابا ابتسم على تفكيرى وقال/ياابنى ده تفكير صبيانى وأنت ماشاء الله بقيت  
شب..وعشان أمشى على كلامك لازم انصحك..الجواز ياابنى عايز راجل يعتمد عليه..وسند  
لعيلته وحيطة لمراته تدارى وراها..وكل أم تتمنى لأبنها شاب محترم وعنده وظيفة بمعاش  
للزمن..مش واحد كل شويه يسقطلى..طب رد عليا أنت..أما تسقط وتتخرج معاها سنه  
بسنة..تكوون نفسك أمتى؟..طب لما يجيلها عريس جاهز من مجاميعو ويوافقوا..هتعمل  
ايه؟

أنا بخضه/لا..عريس وانا موجود..خلاص خلاص..أنا هسمع كلامك وأذاكر والسنة الجايه  
ان شاء الله هنجح

بابا/هو ده أبنى اللى رببته

..وطب طب على وشى وهو مبتسم...

\*\*\*\*\*

1962@..



هارمونيكا



آيه صلاح



عصير الكتب للنشر الإلكتروني



FB.com/groups/Book.juice



أنا بفرحة/٩٣ في الميه يا قسمت

قسمت/هايل

..وكانت أول من عرف بالنتيجه ..ولأول مره أحضن قسمت وأطول في الحضن وأنا مش  
قادر اسيبها...

..بابا/وناوى تدخل ايه ياابنى؟

أنا/ان شاء الله كليه الكونسرفتوار..قسم موسيقى

تيته/نعم!!

ماما/ايه الكليه دى يا احمد؟

بابا/دى بطلع كلام فاضى

أنا/لا ياوالدى دى بطلع فنانيين وموسيقيين عمالقه

بابا/ده كلام فارغ..واحد مجتهد زيك وجايب ٩٣ في الميه يدخل طب ولا هندسة ولا حتى  
يمشى على خطى والده ويدخل كليه الشرطة ويطلع ظابط له مركزة وهييته..مش مزيكاتى



أنا/دى رغبتى ياوالدى

بابا/هتدخل طب يعنى طب

أنا/بس أناا

بابا قاطعنى/ولد..هتعضى أوامرى

أنا بزعل/ماعاش ولا كان ياوالدى

..وراحت فتحت الباب..

بابا/على فين؟

أنا/هطلع اشم هوا فوق

ماما/خلاص يا حبيبي اطلع

..وخرجت وأنا سامع صوتهم وهما بيتخانقوا..وشوفت قسمت قدامى وهى زعلانة..راحت  
جاريه عليا وحضناني وأنا بعيط..وباست خدى وهى بتقول/ماتزعلش





نوال/حبيبي ماتز علش..بابا اما يفكر ويعقل الموضوع في دماغه هيعرف قد ايه الموسيقى  
تهمك و هيوافق صدقتي

شوقيه/بالتأكيد

..ولقينا بابا واقف مره واحده قدامنا..

شوقيه/طب انا هنزل بقي

نوال/وانا

بابا/استنى أنتى يانوال..روحي أنتى

..واعد بابا على الكرسي وأنا مكاني على الأرض ونوال جنبى بخوف..

بابا/أنا فكرت!

..وأنا قلبى طب..

بابا/أنا ما بعرفش أرفضك طلب

..أنا عيني دمعت..



بابا بابتسامه/ماقدرش از علك يا ابو حميد

..أنا بوى وسع والضحكه وصلت لودانى وقومت على ركبتى وبوست ايده وهو طبطب  
على راسى..

نوال/طب وانا؟

بابا/أنتى ياستى جالك عريس

..نوال وشها أحمر وجاب ألوان من الكسوف..

أحمد/أخيرا هنرتاح منك والبيت هيفضى علينا..نوال ضربتنى فى دراعى ونزلت جرى..

بابا/يا بنتى استنى أعرفك الأول هو مين

انا/اتكسفت يا بابا

بابا/والله وكبرت يا حمدى وولادك هيتجوزو واحد ورا التانى..

\*\*\*\*\*



هارمونيكا



آيه صلاح



عصير الكتب للنشر الإلكتروني



FB.com/groups/Book.juice



وأتلقت الزينه بتاعت فرح نوال وقسمت تناول ماما فرش وكوبيات وأنا طالع نازل اجيب  
فى طلبات وبابا يستقبل الضيوف وجه وقت كتب الكتاب ..

..أختى نوال اعده فى الكوشه ولايسه الفستان والطرحه وبابا ماسك فى ايد العريس قدام  
المأذون وشوقيه جنبها فى الكوشه وهى ماسكه الشمع وتوحيدده بطنها قدامها ومش  
قادره ..وقسمت مسكه ايدى وهى لابسه فستان ميني جيب كروهات وعمله تسريحة لمارى  
انطوانيت وانا لابس بدله وعامل شعري على جنب ...

..وتم كتب الكتاب وتشغيل الزغاريط والأغانى وتوزيع الشربات ...

..وقسمت جاتلى وانا واقف مع صحابى ..

قسمت/أحمد أحمد..ماما عايزاك

انا/حاضر

..وكملت كلام مع صحابى ..

قسمت/أحمد أحمد..ماما بتقولك عايزاك ضرورى

انا/طيب حاضر..هكمل الكلام واجى

صديقى محمود/والله وكبرتى ياقسمت ..آخر مره شوفتك كنت مقروضه كده







..قسمت اتكسف وانا الدم جرى فى عروقي..

انا/امشى يا قسمت دلوقتي

قسمت/تعالى معايا

محمود/ماتسيبها براحتها يا احمد

..انا بصتله و عنيا كلها شرارة..

انا/بقولك يالاااا

..راحت قسمت ضربتني بكعب الجزمة بغيظ في رجلي..روحت ماسك رجلى واعدت انتظ  
والكل اعد يضحك عليا و قسمت تشاور عليا وتضحك...

..قومت جارى وراها وهي تجرى وتضحك..ونزلت على السلم وانا وراها وهي مطلعالي  
لسانها وانا اتعاظ اكثر..وكملت جارى لتحت وانا اجرى وراها واحنا بنضحك..

..لحد ماوصلت للجنيه اللي جنب البيت روحت شايلها من وسطها وهي بتجري وأعدت  
الف بيها وهي تضحك جامد...وروحنا واقعيين على الأرض واحنا مش قادرين..

..قسمت ضربتني على صدرى واحنا بناخد نفسنا وضحكت وانا بصتلها..وفضلت باصص  
عليها..وهي بصتلى وسكتنا..





..إلقى قسمت واقفه بتتر عش..

قاسم بخضه/مالك

قسمت/خ..خايفه

..قاسم مسك ايديها اللي مكلبشه فى بعض ودخلها جوا الشقه وقفل الباب واعدها على الكنبه وهو مازال ماسك ايديها وهى بتتر عش..

قاسم/طب اهدى وبراحه..فين اصحابك؟

قسمت/مم..مشيوا

قاسم/استنى اجبك ميه

..وجاى يقوم راحت قسمت مكلبشه فيه اكثر وهى بتقول ببراءة/ماتسبنيش،،انا انا بخاف من الضلمة

..قاسم اعد وهو بيضحك ويقول/ وعملالى فيها زين العابدين

..قسمت ضحكت ودموعها نزلت من عنياها..راح قاسم مسحهم بطرف ايده وهو بيقول/ليه الدموع؟



قسمت/من وانا صغيرة وانا لوحدي..ماشوفتش يوم عدل..ويوم مالنور يقطع  
اترعب..الوحده وصوتها اللي بيتملك كياني ومالقيش غير جدو احمد بيطببطب عليا  
وبياخذني في حضنه

قاسم/الله يرحمه..للدرجه دي كان حنين؟

قسمت/أوى..حتى بابا لما كان يجيلي زياره ويشوفني معاه..كان بيغير منه ومن حبي له  
ويقولي بتحبيه اكثر مني

قاسم بضحك/وأنا كمان بحبه..ما اعرفش ليه

قسمت/هو انسان يتحب

قاسم/قوليلي يا قسمت..هو كان في حد ساكن هنا قبلك أو مثلا اجرتو الشقه

قسمت بسرعه/لا لا دي ورث أجدادي من زمان أوى

قاسم/أممم..او مال اسم قسمت جه منين؟

قسمت/ده بتاع جدتي اصلا..كان اسمها قسمت

..قاسم فهم اللي عايز يفهمه..

قاسم/أه

قسمت/بتسأل ليه

قاسم/لا مجرد سؤال.. ماتحكيلى شويه عن خالو احمد.. انا ما اعرفش عنه حاجه!

قسمت اتكلمت

بسرعه وهى بتفتكر/يوم ماجيت هنا الشقه وأول ماشافنى رسم ابنتسامه برئيه أووى على وشه.. وهو اللي تولى تربيتى.. تخيل كان أفضل معيد فى كلية الكونسرفتوار.. من بعد ماحقق نجاح برا بالعزف على الهارمونيكا اتعين هنا ومن حب الطلاب فيه بقى تخصصهم الهارمونيكا.. وياسلام لما تشوفه فى حفله ليه فى المعهد ياااه كان بيعزف عليها ويروح فى دنيا تانيه.. وفى يوم بعد ماخلص العرض روحته ورا المسرح لقيته بيعيط.. وحكالى عن حبه لجدتى "قسمت" سألته ليه سبتو بعض اتهرب من السؤال.. أنت تعرف حاجه عن الموضوع ده؟

قاسم/هاه.. لا لا أبدا

..وفجاءه النور جه.. وعنيهم وجعتهم وبصوا لآيديهم اللي مازالت مسكه ايد بعض.. راحت قسمت ساحبه ايديها براحه ووقفت وهى بتقول/شكرا

قاسم/you are welcome

..ابتسمت قسمت وقام قاسم وصلها للباب.. ودخلت شقتها وودعته بعنيها وقفلوا الباب...

..وقف قاسم لحظات ورا الباب وفاق على صوت التليفون..



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

..قسمت وقفت ورا الباب وهى مسكه ايديها وبتبوسها وهى مبسوطة..

..قاسم/انا..كنتى فين أتخضيت عليكى I miss you so much..

\*\*\*\*\*

..قسمت واقفه فى البلكونه بتشرب كابتشينو والشمس ضاربه فى وشها وسرحانه..شويه وفاقت على صوت كركبه جايه من ناحيه المطبخ..راحت داخله براحه وبصه مالمقتش حاجه..

..قامت لفه وسمعت صوت تانى بس المره دى جاي من مطبخ قاسم..قامت لفه وبصه عليه بشويش وهى مستخبيه..

..كان قاسم واقف بيعمل بيض والطاسه وقعت فوق راسه والبيض وقع من ايده واتفشفش على الأرض والطاسه نزلت على الأرض والدنيا بايظة خالص عنده..

قسمت بعد ماضحكت عدلت نفسها وظهرت وهى بتقول/مش محتاج مساعده ياكابتن

قاسم بصلها وهو كله عابس بعدين ضحك وقال/ياريت

..راحت قسمت جرى عليه وخرجت من شقتها وفتحتها..





..قسمت وهى بتلم البيض معاه وتمسح الأرض أعدت تضحك/معلش هى حياة العذوبيه كده

قاسم/أنا متعود على العيشه لوحدى

قسمت/يعنى مش انا لوحدى..أومال كنت مستغرب ليه على عيشتى لوحدى؟

قاسم/فى نيويورك العيشه غير هنا..أنا يوم ماعرفت اعتمد على نفسى بقى ليا استقراريه مع نفسى وشقتى وعيشتى لوحدى..انما هنا..عيب البنث تبقى لوحدها

قسمت/أولا دى حرية شخصيه..ثانيا ظروف..ثالثا عرفت منين البنث والولد كأنك مولود فى العتبه؟

قاسم بضحك/أولا انا عايش ٦ سنين هنا ثانيا أمى ووالدى مصريين يعنى عايش فى بيت مصرى اصيل ثالثا بقى أنا بعمل دبلومة عن أحوال مصر واللى وصلتله من بعد الثورة

قسمت/معنى كده أنك جيت مصر عشان الدبلومة مش عشان خالك؟

..وراحت راميه الحته اللى كانت بتمسح بيها ووقفت..

قاسم وهو بيقف/هى كانت السبب الرئيسى فى مجيتى هنا عشان خالى..والا ماكنتش جيت

قسمت بغلاسه/لا برافو عليك وتعبت نفسك ياابو دبلومة

..وراحت سيباه وداخله شقتها ورزعه الباب..وسابته واقف وهو مش فاهم حاجه..





\*\*\*\*\*

قاسم داخل جوا حاره وهو يببص على أحوال الناس ومعالم الفقر اللي كاسيه بيوتها  
والخراب والتشقق والصدى اللي فى البيوت وعشش الفراخ اللي على الجناح وتزغيط  
البط فى الشارع ورغى الجيران على المصطبه ودخان الشيشه اللي بيتنفخ فى وشه من  
واحد على القهوة...

..وراح موقف ولد من كتفه وهو بيقوله/قولى ياشاطر..بيت حماده فين؟

الولد/حماده أخو العجل؟

قاسم بصدمة/ايبيبيه؟

الولد/هو..هو مافيش غيره..تانى بيت على اليمين..أسأل على بيت الحراميه..ألف مين يدلك

قاسم/نعم!!!



الولد/أنت ما بتفهمش ولا ايه يا أفندى بقولك تانى بيت عاليمين.. سامو عليكوو..

..وطلع يجرى ...

قاسم وقف لحظات بعدين اتحرك ومشى زى ما قالوا الولد.. ولقى بيت قديم مهقع على الأخر  
ومكون من دور واحد..

..قام داخل وهو بيفتح الباب الحديد المكسور.. وطلع على السلالم المكسرة وهو بيبيص  
لفوق.. بعدين خبط مرتين..

..وفتح عيل صغير فائلته مقطعه وعمال يشن بمناخيره ويمسح بإيده..

..ولسه قاسم هيسأل على حمادة.. لقي أبوة عمال يضرب فيه وبيقوله/بقى تحت محفظة  
جعانه مش عارف تسرقها.. وكمان خدت من أخوك الكمرا يا ابن \*\*\*\*\* غور من  
وشى تاك نصيبه تاخذك ومانشوفش خلقتك العكره دى تانى.. أنا مش عارف بس بنخلفوكو  
ليه عشان تاكلوا على الجاهز وأنتو ولا صانعه ولا زفت.. فالحيين تفتحوا بوكوا على الأكل  
وبس.. ولا عارفين تأيفو زيون ولا نيله.. طب مش عارفين تأكلونا أكلوا نفسكو.. ده حتى  
ربنا بيقول عول أمك وابوك اللي ربوك وشالوك تسعة اشهر بحالهم.. والنهارده بقى  
محروم من الأكل يا ابن الجزمة.. وياتشتغل زى أخواتك ياهتشوف ايام اسود من قرن  
الخروب

..ويمشى حماده وهو مكسور.. ويرفع راسه يلاقى قاسم فى وشه اللي كان واقف مصعوق  
من اللي حصل..





حماده/ق.ق قاسم

الأب بص وقال/وده مين ده راخر

قاسم لسه هيتكلم راخ رادد حماده بسرعة/ده زبون لورشه الحج نعيم ياابا وعائزنى  
اوصله..سامو عليكو

..وراح جارى على قاسم وقافل الباب وهو ماسك ايده ويزقه لتحت..

الأب/أنتى ياوليه يابوز الفقر..تعالى عمرى الجوزة

..وياخد نفس من الشيشه وهو اعد على الكنبه بفانلته الحملات وهو متجعلص أوى..

\*\*\*\*\*

حمادة أعد تحت بئر السلم جنب قاسم وهو حاطط ايده على خده..

قاسم/أنتوا ازاي كده؟

حماده/الفقر يا قاسم يعمل اكثر من كده

قاسم/أنت عارف انى وصلت لبيتك عن وصف ولد قالى بيت الحراميه؟!!

حماده/عارف..ماهى دى شهرتنا

قاسم/أنا ماكنتش متخيل أن الحال فى مصر وصل للدرجه دى

حماده/لا وفى أكثر مننا..ده أحنأ يادوب حراميه محافظ وخرده..مش بياعين مخدرات ولا أسلحه ولا تجار أعضاء..ولا حتى بلطجيه

قاسم/وعجباكم العيشه كده والأب الظالم اللى مشغل عياله حراميه؟

قاسم/وهو أحنأ لاقيينا غير كده؟..أحنأ احسن من غيرنا يا قاسم

قاسم/وأنت ليه مش عارف تسرق زى أخواتك وليه اتخانقت مع أخوك وخذت الكاميرا منه؟

حماده/ماحبش السرقة وشغلانه الحراميه دى..مش بطقها من يوم ماابويا سرحنا فى الأتوبيسات وأنا بحس أنى باخد حاجه مش من حقى والكامرا كمان مش من حقى وبالذات مع واحد طيب زيك

قاسم/تصدق..اتصدمت اول ماعرفت ان العجل يبقى أخوك وكمان بيتكم يبقى بيت الحراميه!..بس بعد اللى عرفته وشوفته ده..مش هتفاجئ من أى حاجه بعد كده

حماده/يعنى مش زعلان أنى ماقولت الحقيقه؟





قاسم/لا يا حماده مش زعلان..وانا واثق أن أنت من جوا نضيف أووى وأكيد هتبقى حاجه مهمه لما تكبر،،بس لازم تحافظ على النضافه دى وهى دى اللى هتشفعك وهتبقى واقى لىك..وانا مش هسيبك صدقتى

حماده/وعشان اثبتلك نضافتى دى هرجعك الكمرا

..وراح قايم وهو بيبيص يمين وشمال ومد ايده من تحت بير السلم وطلع صندوق ومنه الكاميرا وأداها لقاسم اللى كان متابعه باندهاش....حماده/اتفضل..عشان تعرف أنى حقانى

قاسم بضحك/لا بجد حقانى

..وخط ايده على كتفه وعنيه مليون دموع وراح شده عليه مره واحده وحضنه وهو صعبان عليه وحماده حضنه جامد وهو مبتسم ومبسوط..

\*\*\*\*\*

شاهنده جايه من ورا قسمت براحه وراحت حطه ايديها على عنيتها وهى بتقول/أنا مين

عزة/هى هى..الرزله

شاهنده وهى بتعد/يارخمه



قسمت/وهتبتدى رده كل يوم

عزة/لا هنتبدي ولا نيلاه

شاهنده/خلاص ياكوكو بلاها رده النهارده

قسمت/شوفتى الدكتور..والله العظيم عنده حق..أحنا مش نافعيين

شاهنده/أحنا سجانا خطر عنده خلاص

قسمت/لا ومش بيحللنا الرغى غير فى المحاضره

شاهنده/شوفتى الواد ماجد..النهارده ضربتت خمسايه بعربيته..كنت هموت عليه

قسمت/خليكى أنتى فى سى ماجد بتاعك ده

شاهنده/أومال أخلىنى فى استاذ قاسم بتاعك

قسمت/هاع أنتى تطولى

عزة بدون مقدمات/أنا جالى عريس!!



هارمونيكا



آيه صلاح



عصير الكتب للنشر الإلكتروني



FB.com/groups/Book.juice



..الأثنين سكتوا من محادثتهم الطويلة وبصوا لعزة اللي طول الأعدده ساكنه وقالو/نعم!!

عزة بتأكيد/أنا جالى عريس

شاهنده/أمتى وشوفتية ولا لا وشافك ولا لسه ووافقتى ولا مستتية رأينا

قسمت/اهدى ياشو عشان باين الحكايه فيها أنه..احكى يا عزة

عزة/هو بيقى من جيران خالتى..وكان بيدور على عروسه ومامته رشحتنى اكمناها

عرفانى..بس هو مايعرفنيش

شاهنده/جواز صالونات يعنى!!

قسمت/هشش..كملى

عزة/جه امبارح..وشافنى وشوفته

شاهنده/وحصل قبول يابت

قسمت/يووة اسكتى

عزة/حصل..!!





شاهنده/موصفاته ايه دا؟

عزة/بياع فى سنتر وشقته هتبقى نفس شقة مامته لأنه اصغر ولد والباقي متجوزيين  
فى شقق تانيه وجاهز فى خلال سنه نتجوز!

شاهنده/يعنى هتعيشى مع حماتك؟!

عزة/أه

شاهنده/وهطيقى تعيشى معاها..طب وجوزها عايش ولالا،،واتفاقتوا على ايه..انطقى

قسمت/يا بنتى اهدى وهنعرف..مالك يا عزة

عزة بزعل/كان مصمم أعد من الجامعه

شاهنده/نعم!!..وكمان بيتأمر مش كفايه وافقتى بيه وبظروفه كمان هيتأمر

قسمت/طب وانتي؟

عزة/هو اينعم وافق وخايفه يتحكم فيا بعد كده بس مش هلاقى عريس احسن كده يا قسمت



شاهنده/ليه وأنتى وحشه .كفايه ادبك وحجابك .يابت ده انا لو كنت ولد كنت اتجوزتك من  
أخلاقك مايغوركيش خناقنا يعنى

عزة ضحكت وعينيها مليانه دموع وقالت/يعنى مش تخينه

شاهنده/لا فى دى ماقدرش اكذب

عزة/ماتنسوش انى يتيمه وهو راضى بحبه العفش اللى هجبههم

قسمت/ياحبيبتي والله الموضوع مش كده

عزة/عارفه .ببس انا كمان حاسه انى تقلت على أخويا وحملى زاد وهو عايز يتجوز  
والشقه تفضى عليه .فاهمينى؟

شاهنده/بوصى يابنتى المهم أنك ارتحتيله والباقى على ربنا وان شاء الله يطلع كويس

قسمت/أحمدك يارب .بقولتى بؤيين عدليين من ساعة ما اعدنا

شاهنده/يووة بقى .مانا لازم افرحها

عزة/هتوحشونى يابنات

الأثنين/وأنتى كمان







..ومسكوا ايد بعض على الطرابيزة وهما متأثرين...

\*\*\*\*\*

قاسم طالع على السلم وهو بيبيص للكاميرا ويعدلها ويضبطها..قابله جاره من العمارة نازله من فوق وبتماختر..وراحت واقفه قدامه..

..قاسم بص على وقفت قدامه وهو مستغرب..

الجاره/هو أنت بقى خالك الولهان؟

قاسم/أفندم!

الجاره/اسفه..جدو أحمد

قاسم/أه..أنا



الجاره بدلع/طب وهو انت اسمك ايه بقى؟

قاسم وهو بيحاول يعدى منها/قاسم

الجاره مسكت ايده وهى بتقول/لا استنى بس

..قاسم وقف وبص على ايديها بعدين بصلها وهو بيثيل ايدها بغيط..

الجاره/أنا..أنا اسمى حنان..نونه هي هي

..قاسم رفع حاجبه ولف ..حنان مسكت ايده تانى وطلعت سلمه وبالإيد التانيه على رقابته  
من وراه وقربت من ودنه ووشوشته وقالت/لو عوزت اى حاجه أنا فى الخدمه

..قاسم ابتسم..

حنان/هي هي..بيقى اتفقنا..عندك ولا عندى

..قاسم ابتسم اكثر وشال ايديها من على رقبته ورمى ايديها التانيه من على ايده

وقال بابتسامه/اسف..أنتى مش من النوع اللى بحبه



..حنان بصتله من فوق لتحت...وبصوا مره واحده على قسمت اللي كانت بتتفرج على اللي  
حصل ونحنحت وطلعت وهى ماسكه اكياس وبصه فى الأرض..

..قاسم طلع المفتاح وفتح شقته..

,,حنان اتعرفت ونزلت وكعبها بيطلقق وبتمايع/ازيك ياقسمت

قسمت برزاله/كويسه

..وطلعت لشقتها وفتحت وهى بتقول بابتسامه/ازيك ياقاسم

قاسم بابتسامه/الحمدلله..عامله ايه دلوقتي

قسمت/الحمدلله احسن

..حنان بصت عليهم بغیظ وهى رافعه حواجبها ونزلت..

..وفتحت قسمت الباب ودخلت وبصت لقاسم بابتسامه وقفلت..قاسم فتح الباب اللي كل مره  
بيصلج معاه وبص على باب قسمت وهو قلبه مخطوف عليه من غير مايعرف السبب..

\*\*\*\*\*





بالليل..قاسم معدى قدام أوضة المكتب وفى حاجه بتسحره يدخلها..ومشى ورا سحره ولقى نفسه بياخد كتاب(الهارمونيكا) وبدون مايحس ويفتح الأباجورة ويعد..

..ويفتح الكتاب على آخر صفحه وقف عليها..ويبدأ يقرأ وهو بيتخيل الأحداث..

\*\*\*\*\*

فى يوم خدت قسمت وحضرنا مولد النبى فى الحسين..ودخلت وانا ماسك ايديها وهى فرحانه..وشاورت على المرجيحه..

..وروحنا راكبين قصاد بعض واتمرجنا واحنا بنضحك وصوت ضحكات قسمت يعلى ويعلى لحد دلوقتى بيرن فى ودانى..وأول ماخلصنا دورنا روحت ادفع للراجل الفلوس..

..ولقيت ٣ شباب ملموميين حوالين قسمت وبيعاكسوها..روحت مخلص مع الراجل بسرعه وجريت وانا بقولها/قسمت

قسمت بنرفزة/قولتلکوا بقى ابعدوا

واحد منهم/ماهو بس لو تقولينا..الجميل زعلان من ايه؟

التانى/أجمالو اجمالو





..أنا كنت وقفت فى وشهم وخذت قسمت ورايا..

واحد منهم/ايبيه..حيك حيك

التانى/اللى ياكل لوحده يزور..

انا/قسمت..امشى

واحد منهم/أنت هتعملنا فيها وحش الشاشه

انا/طالما فى اللى زيك

واحد/أنت بتغلط فينا..بيننا يارجاله

..وراحو هاجمين عليا..وضرب من هنا وبوكس من هنا..كانت عاركه المولد اتلم علينا  
فيها وسلكونا بالعافيه من بعض وكانت النبيجه خصام قسمت ليا...

..طول السكه واخدها جارى ورا قسمت ولتحت العماره وقفته وانا بلحقها..

قسمت بصريخ/عاليز ايبيه

أنا/اسمعينى الأول بعدين احكى

قسمت/يعنى تشاغب وتعمل مشاكل وكل مره تقلب بخناقه وتقولى اسمعيني  
وبعدين احكى..يعنى ايه احكم..١٠٠ مره قولتلك مابحبش المشاكل

أنا/يعنى كت اسبهم يعكسوكى ويضايقوكى وانا اسكت مش كده

قسمت/همممم..خلصت..أنت مشاغب يا احمد وانا مش هكلمك ومخصماك هاه

..وراحت سايبانى وطالعه تجرى وانا وراها ودخلت شقتها وقفلت فى وشى،أنا فعلا  
اتصدمت لأنها كانت أول مره تخاصمنى قسمت فيها..

..لفيت وانا مكسور وخبط الباب مرتين وفتحت ماما وأول ماشافتنى برعت واتخضت  
وخذتنى بالحضن..

..طبعا من شكلى وبهدلتى اللى بعد العرکه..وتانى يوم الصبح صحيت وانا مكسر..وأول  
حاجه عملتها..كالعادة..دخلت البلکونة وصفرت زى العصافير لقسمت..

..ماخرجتش زى كل مره..صفرت تانى..واستنيت شويه..وصفرت تانى..ورابع  
وعاشر..بدون نتيجة...

عرفت فعلا أن الخصومة حقيقیه..مش دلع من قسمت..





..دخلت جوا وأنا مضايق وبرمى فى الكتب على الأرض..ونديت على أختى شوقيه بصوت  
عالى وأنا ماسك كتابنا ويكتب فيه...

شوقيه وهى بتفتح الباب/أفندم

أنا/خذى الكتاب ده أديه لقسمت

شوقيه/حاضر

..وخذت الكتاب وخرجت من الأوضه وأنا اعد على نار..

خبطت شوقيه على الباب وفتحناها قسمت وابتسمت..

شوقيه/الكتاب

..قسمت خدته وقلبت الكلام والمراسيل بتاعت كل مره وشافت آخر كلام وكنت

كاتب/مش معقوله يعنى اصحى من النوم مالاقيش حبيبتي..صباح الفل

..جاتلى شوقيه وقالت أنها ابتسمت وهى بتقرى الكلام بعدين ادتها الكتاب بدون رد على  
الكلام..أنا اضايقت أكثر..ورocht لابس وخارج ووقفت قدام شقه قسمت وأنا رايح وجاى  
ولسه هخبط لقيت مامتها بتفتح الباب ووقفنا مبلميين..



انا/أأ أن..ماما كانت..عايزة..عايزة..أأه ف فلفل..فلفل صح؟

مامت قسمت/يابكا/اش..ماما برضو عايزة فلفل؟..اممم قسمت مش على بعضها..قولى فى حاجه؟

انا/ايه..لا..ولا حاجه..اسف

..وراحت نازل تحت فوريرة..ووقفت تحت البلكونة ومسكت طوب وبقيت احذف على بلكونة قسمت..وما فيش اى حاجه حصلت..فضلت واقف على لحد ماجه بابا من ورايا وهو بيقول/بتعمل ايه ياولد

..أنا اتخضيت وماقدرتش اتكلم..

بابا/انا فاهمك كويس..اطلع فوق يااالا

انا/بيب

بابا/بقولك على فوق

..ولما طلعت اخدنى بابا فى اوضتى وكلمنى/أحمد ياابنى هقولك نصيحه اب لآبنه..الست عايزة الخشونة..عايزة الشده..عايزة الراجل اللى يشكومها..عايزة العين الحمره من أول لقا..يااما هتخليك شبشب تحت رجليها

..انا بلعت ريقى ووشى احمر من كلام بابا اللى بيتكلم بجديه وانا ما اعرفتش انطق..





بابا/فاهمني ياابني

انا/فاهم ياابا

..وبعد ماخرج من عندي فكرت في كلامه وقولت ليه مايكونش كلامه صحيح..ماانا دايم  
حنين مع قسمت..وبسمع كلامها في كل حاجه وعمرى ماعرضتها..عشان كده مستهتره  
بيا..لا انا قررت ابين رجولتى قدامها ومش هعبرها..هاء..كلام والدى ماينزلش الأرض..

..وبقيت مطنش قسمت غصب عنى واروح وأجى وهى تبص من البلكونه وانا مش مهتم  
ولو صدفت فتحت الباب وانا خارج ارواح داخل وقافل وانا بموت من جوايا..

عدى على الحال ده ٩ ايام..٩ ايام وانا مخاصم قسمت وهى ماحاولتش تقرب وانا كل مدى  
بيعد...

..وفجاءه لقيت تاريخ النهارده ٣/١٤/٤..اي دا معقوله..عيد ميلادنا بكره وانا وقسمت مش  
مع بعض..معقوله يعدى عيد ميلادنا واحنا بعاد..ولأول مره نحتفل بيه من غير بعض..

\*\*\*\*\*



دقت الساعة ١٢ ..وقسمت راحة جايه فى أوضتها منتظرة هدية كل سنة وانا شايف خيالها من البلكونة ..

..قومت مصفر زى العصافير..وشوفت خيالها مقرب جرى وعند البلكونه راحت داخله ببطء وهى مربعه ايديها ومبوزة وبتبصلى من تحت لتحت ..

..ملت جامد على السور وحطتلها الكتاب ورجعت مكانى..هى عملت نفسها مش واخده بالها بعدين سحبت الكتاب براحه وفتحت على اخر صفحه وابتدت تقرا ..

قسمت ..بإذات العيون العسلية ياوردتى الشقيه ..كل يوم اراك به فهو بهجة وسرور..كلما رأيتك فى الصباح اسرح بخيالى بعيدا واطير معك كالفراشات الزرقاء كما تحبين وكما تعشقين نسيم الصباح وهو يداعب خصلات شعرك البنى وصوت تغريد العصافير الأسطوري ..قسمت يافتاتى الحمقاء ..لا تعيدها ..جنتك وانا حامل اعدارى بين يداى فأنت أجمل ما فى دنياى ..اليوم هو أجمل ايام السنة ..يوم ولدتى لى ..حبيبتى وزهرتى البرية ..كل عام وأنتى لى هدية ..أنا أسف )

..وقفلت الكتاب وهى بتبصلى وبتقول/أحم..انا كمان ..أسفه

..قربت شويه على السور وانا بقول/احنا الأثنين غلطنا ..أنا غلط عشان بفقد اعصابى بسرعه وانى غلطت عشان خاصمتينى وغلطنا مع بعض عشان تماديت فى الخصام وكبرياننا منعنا من المصالحة،،حتى كان هيوصل الخصام ليوم ميلادنا ياقسمت

قسمت بكسوف/ماهو عشان كده بقولك انا اسفه ..وبعدين انت عارفنى بطلع مره واحده وينزل على فشوش ..ورقبتي تتكسر يااحمد

أنا/سلامة رقبتك يا حبيبتي ♥



قسمت/ابيه.. هو فى الشعر حبيبتي وهنا حبيبتي.. هو هو هو يا استاذ.. أنت نسيت نفسك.. ده انت زى أخويا!!!

..أنا من الصدمة وقفت مكانى متجمد ومش قادر اتحرك.. وكل اللي فى بالى.. طب الرسائل ومشاعرى والورد والقصيد وخوفى وحبى اللي باين فى عنيا.. كل ده مش فى الحسبان!!.. وطب وكل سنة وهى بتورى اصحابها الكلام وتيجى تحكىلى وهى فرحانه ده كمان مش فى الحسبان؟.. وحبى وأحاسيسى وكيانى اللي بنيتة عليها مش فى الحسبان؟!.. وفى الآخر طلعت مجرد "أخوها..."

..وسابتنى وسط تساؤلاتى وحيرتى ودخلت وهى بتقرا تانى فى الكتاب وفرحانه..

فى عيد الميلاد.. كنت أعد على الكرسي وسرحان والضيوف داخله خارجه من شقة قسمت لشقتنا وتهنيها وهى واقفه مع اصحابها وعماله تضحك وتوريهم هديتى.. بل جرحى!!





واحد من اصحابها اللي معروف عنها أنها غريبه وانطوانييه بعض الشئ ومعروف ان وراها حاجه..جات واعدت على الكنبه وقالتلى وهى بتبص لقسمت/سيبك منها

أنا خرجت من شرودى وقولت لها/بتقولى حاجه؟

صاحبته/بقولك سيبك منها..أنت بالنسباليها تسلايه مش اكثر..ولو تماديت هتبقى شخشيخه فى ايديها..قسمت بضحك عليك المدرسه كلها..بص..بص كده لزمائلها وانت هتشوف السخريه فى عنيتهم..فوق من أو هامك وهو ويامك فيها وبص لنفسك وانتبه لمستقبلك

ولانى كنت بشوف وبحس بنظرات صاحبها دول صدقت/وأنتى مش واقفه معاها ليه..روحى كملى مهزءة عليا..ياللا..أنا راضى

صاحبته/ماتحاولش تغير الموضوع الأساسى..اسمعنى..أنا كمان حصلى زيك

أنا قاطعتها/مش كل الناس زى بعضها

صاحبته/أنا بنصحك ولو مش هتقبل بنصحتى يبقى اعرف ان هيجيك يوم وهتندم..الحق نفسك قبل ما نار حبك تكويك!!

..وقامت وسابتنى سرحان فى كلامها...وجات قسمت جنب ودنى وقالت/عو

..روح فابق..

وأول ما بصتلها وهى بتاخذنى من ايدى وبتقول/ياللا عشان نطفى الشمع





..وقومت معاها لحد طرابيزة التورته والكل حوالينا بيغنى اغاني اعياد الميلاد  
ويصفقوا..وبمجرد ما بصيت فى عنيا نسييت كل اللي قالتها صاحبته وطفيت معاها الشمع  
وانا بضحك ...

\*\*\*\*\*

قفل قاسم الكتاب وهو مرهق وبيتاوب..وقام حطه مكانه وراح على أوضته ونام..

\*\*\*\*\*

..قسمت بتصحى الصبح وهى بتمطع على الآخر وكسلانه..وترن عليها عزة وهى  
بتقولها/ايه يازميله صحيتى





قسمت بكسل/أمممم..صحيت خلاص

عزة/ايوة بقى..عايزاكي تفوقى كده عشان تختاريلى فستان الشبكة حلوزى صاحبك

قسمت/حاضر يابنتى..من امبارح ماكدالك و ٥٠ تليفون عشان اصحى بادرى والنهارده مافيش محاضرات اصلا..ياللا.أنا قومت اهو

عزة/اوك..نتقابل يازميله

..وقفلت معاها بعد ماودعتها واتمطعت تانى ودخلت الحمام وفتحت حنفيه الحوض ووطت وشها تغسله..

..قاسم بيقوم بوشه بعد ماغسله على مرايه الحمام وهو بيدعك سنانه ويغسلها وبعدين يخرج..





قسمت/صباح الخير

قاسم وهو يعدل سماعة وده/صباح النور..بقيتي احسن دلوقتي؟

قسمت/تمام..بقيت احسن

..ويقفوا لحظات ساكتيين..

..وتكسر قسمت الصمت وهي/طب حنزل انا

..قاسم يتجنب شويه ويشاورلها تنزل على السلم..وهو ينزل وراها

..ويقفوا تحت وهي قسمت بتشاور على اخر الشارع وتقول/أنا همشي كده

قاسم/وانا كمان

..وتتكسف قسمت ويلفوا يمشوا تروح جايه حنان قدام قاسم وهي بتقول بمياعه/قاسم..ازك  
ياقاسم

..قسمت وقاسم بصوا لبعض باستغراب..





حنان/الله..أنت مش كنت مواعدي تطلعلى فى يوم..نعد مع بعض اعده حلوة..نسهر سهره  
جميله هى هى مانت فاهم

قاسم باستغراب/أأ..أنا وعدتك

حنان/اومال عم فتحتى البقال..مالك..مالك كده..مش تاخد وتدى فى الكلام..وبعدين مش  
على بعضك ليه هو انا ماوحشتكش ولا خايف من حد

..وتبص لقسمت وهى بتضرب ايدها على صدرها وتقول/يووه ست الحسن والدلال هنا  
لمواخذة يااختى ماشوفتكيش

..قسمت بعد ماشافت المنظر وسمعت اللى سمعته وغيط حنان ليها راحت بصلهم باستحفار  
وسابتهم ومشيت بغيط..

قام قاسم ماسك درعها بغيط وهو بيقول/الحركات دى ماتمشيش عليا..أنا متربى برا اه انما  
صايح..والمره اللى فاتت سكت لكن المره دى مش هسمحك

حنان/أى..ايدك ايدك هو كل الطير يتاكل لحمه ولا ايه ياباش مهندز

قاسم ساب ايديها بغباء وقال/حقيرة

حنان شهقت وقالت/حوش حوش..رايح جاى فى ديلها وجاى يقولى حقيرة

..قاسم بصلها من فوق لتحت وسابها وطلع يجرى وراه قسمت اللى بعدت بخطواتها  
السريعه ونده عليها/قسمت قسمت





..قسمت ماوقفنش..

قاسم وقفها من ايديها وقال/بليز استنى

قسمت شدت ايديهاوقالت/مش هستنى

مشيت وقاسم ماشى جنبها بالجنب وبيقول/انا عمرى ماكلمت الست دى الا مره  
واحده...يوم ماقابلتينا على السلم..وعمرى ماوعدتها باى معاد..دى بتقولى اى كلام

قسمت وقفت وهى بتقول/وبتقولى الكلام دح ليه

قاسم ماعرفش يرد ولقلق فى الكلام/عشان عشان بس حاسيت أنى لازم اقولك واشرح  
موقفى

..قسمت هزت راسها وهى مبوزة..

قاسم/أوووف..رايحه الجامعة

قسمت/لا..خارجة مع اصحابها..هنجيب حاجات!!

قاسم/ممكن أوصلك؟



قسمت/ممكن يبقى بعيد عليك

قاسم/فين؟

قسمت/هنتقابل فى محطة العتبه

قاسم/وانا كمان رايح العتبه يالا

..قسمت رافعت حاجبها..

قاسم/لا لا..واللح رايح بجد

..قسمت هزت راسها ومشيت معاه للمترو وبعد ماقطعوا التذاكر نزلوا وكان يادوب هيقل  
راح قاسم ماسك ايدها و جريوا على الكبينه اللى فى الوش وركبوا بسرعه والباب اتقفل  
وراهم واعدوا يضحكوا..

..وبصوا حواليههم..وكانت كبينه رجالة..قسمت اوخرجت..بالنسبه لقاسم عادى..بس كان  
ملاحظ بعض الأشخاص فى المترو لقسمت..الكبينه اتزحمت اكثر من المحطه اللى وراها  
وواحد حاول يقرب من قسمت ويلزق نفسه فيها وهى بتحاولو تبعد ومافيش مكان..راحت  
مره واحده لقت ايد بتشدها على الباب المعاكس للمترو..



...الإيدى كانت ايد قاسم..اللى كان شايف كل حاجه...وأول ماخدها على الباب راح واقف فى وشها وهو مخبئها بأيديها اللى سندها على ازاي الباب وهو بيبيص للى كان بيحاول يلزق فيها بغيظ!!

..قسمت قلبها دق بسرعه من مسافه قاسم القريبه..وبصتلته وهى فرحانه انه خاف عليها..وشمت ريحة برفانه وهى مغمضه عنياها وبتعبنى نفسها كله بيه..

..وفاقت قسمت على هزة للمترو وهو بيقف ومن كتر ماهى مش مركزة أتخبطت فى صدر قاسم غصب عنها وهو عشان مايجرحهاش بالخبطه رجع لورا وهو بيسند ايديها..

قاسم/وصلنا

قسمت/أه أه

..ونزلوا..وظلعوا على سلاالم المترو..

شاهنده/هى أتأخرت كده ليه

عزة/الغايب حجة معاه وبعدين ايه اللى جانبك بادري ماانت كل مره اللى بتتأخرى

شاهنده/نصيب ياست عزة..ماجد خطب):



عزة/احسن سبيك منه..واسكتي بقى ولا عايزانى امشى

شاهنده/لا خا...ايبيبيبيبية دااااااه؟

عزة/ايه؟

..شاهنده شاورت على سلام خروج المترو اللي طالع منه قاسم وقسمت..وبصت عزة..

..قسمت/أهم

..قاسم ابتسملهم وهما ردوا الأبتسامه..

قسمت/ازيكم يابنات

عزة/الحمدلله

شاهنده/عالل..عال العاالل..أوى

عزة ز غضتها/أحم..ازيك يااستاذ قاسم

قاسم/الحمدلله..أنا همشى



قسمت/تعبتك معايا

..قاسم ابتسم ولف مشى..

شاهنده/هارسود لوماحتيش ياسوسه على اللي حصل بالتفاصيل

عزة/يابنتي سببها تاخذ نفسها

قسمت/هحككم بس واحنا ماشيين يالا

..وذاقتهم وهي شاهنده عماله تلوح رقبته ورا..

...وبصت قسمت لورا وهي مبتسمه فى نفس لحظة بص قاسم عليها..راحوا الأثنين  
مبتسميين ولفوا بسرعه قدامهم...

\*\*\*\*\*





الحجه/فيك الخير ياوالدى..بس الحمدلله انا بشتغل وكسيبه ومش محتاجه غير رحمة ربنا

قاسم/بس انا محتاج يا حجة

الحجه/يوه..قول ياابنى محتاج ايه؟

قاسم/محتاج ارسم الضحكة على وشك

..الحجه ضحكت وبانت سناتها اللي معظمها واقع وارتسمت على وشها تجاعيد زمن خطط على وشها بالعرض والطول وحفر احزانها جواهم..

..ولقط قاسم الصورة وهو فرحان واعتبر انها أجمل صورة ياخذها فى حياته..

قاسم/أنا كده خدت اللي محتاجة..وسعيد بكلامى معاكى يا حجه

الحجه/وانا فرحانه..ع عشان ناس اكابر زيك بتفكر فى الغلابه اللي زينا وأوعى تنسانى..أنت هتمشى اهو..والزمن تلاهى..ابقى تعالى زورنى واطمن عليا..انا بيتى اللي ورايا ده..ولو ليا اجل فى الدنيا نتكلم تانى..ده انا يااما اتمنييت من ربي أن حد زى حالاتك يجيب ويشوق علينا ويشوف احوال البلد والحارة..وأدى ربنا نولهالى عقبال باقى امنياتى يارب،،،ربنا يكرمك ياوالدى زى ماكرمتنى وضحكتنى

قاسم بابتسامه/ربنا يطول فى عمرك يا حجه

الحجه/لا..أنت تدعيلى ربنا يرجعلى الغايب





قاسم/وربنا يرجعك الغايب..واوعدك انى اجيك تانى

الحجه/يحيينى ويحييك ربنا

.قاسم قبل مايقف رمى.. ١٠٠ جنيه جنب رجليها من غير ماتلاظ..

وقال/سلامو عليكو

..ومشى..الحجه بتعدل قفص الخضرة شافت ال ١٠٠ جنيه راحت مخضوضه ومسكتها  
وهي بتقلب فيها بعدين بصت على قاسم اللي بعد وابتسمت وباست الفلوس وهي فرحانه  
وحطها في كيس مربوط في صدرها ودعتله/الهي وانت جاهى يحميك ويكفيك شر سكتك  
ويكتبك في كل خطوة سلامه يا قادر يا كريم

\*\*\*\*\*

مشى قاسم جوا الحاره وهو بيتفرج على سكانها واللى هما كمان بيتفرجوا على الغريب  
اللى داخل الحاره..

..بعدين وقف قدام شله أطفال صورهم وهما بيلعبوا..وظلع من جيبه فلوس فضه ادا لهم  
واحد واحد..وصور أحلى ضحكه برئيه منهم..



..ومشى وهما وراه بيزفوة من فرحتهم..بعدين لاحظ اتنين بيتخانقوا على حاجه وباين  
انها مهمة..راح واقف ورا حيطه وبدأ يسمع اللي بيدور بينهم...

الأول/فكك منى ياعم زينهم بلا ميات بلا عشرات

التانى/عاطلاق مانت متحرك من هنا ياض غير لما تقب بالفلوس..ده أكل عيش ياابا ولا  
أنت فالج تطفح وتسف المشروب وتدونا على قفانا

الأول/يااعم بقولك كفارة..حين ميسرة..انترنى من على ودانك..ماعيش فلوس..ارحمونا  
بقى عشان ربنا يرحمكو

..التانى فتح المطوا زقوا على الحيطه وهو بيقول/وللايه..أنا غبي وهتغابا عليك..هطلعها  
بالرضى ولا اوصلك جتتك لبيت أهلك على نقاله

الأول/أمين يازينهم

..التانى نزل المطوا وحطها فى جيبه وهو بيقول/هى فلوس حرام ياولاد الكلب

..ولسه ماخلصش الكلمه لقي ازازة بتدخل فى بطنه من الأولانى..



قاسم اتخض وكان هيروحله بس وقف نفسه..التانى وقع على الأرض وهو  
بيشتمه..والأول طلع يجرى..

..راح قاسم جارى عليه بسرعه واتزلق على ركبته وهو بينزله وأعد يحرك فى وشه  
والتانى مش مستجيب..

..صرخ قاسم عشان حد يلحقوا محدش رد..واللى باصص من البلكونة واللى بيتفرج والكل  
خايف يتدخل..

..راح قاسم حاول يقوموا..بعدين رفعه مره واحده وكان التانى فاق من دفهه  
الرفعة..وساعده فى انه يسنده ومسك بطنه وجرى بيه قاسم برا الحارة..

..ووقف فى المواصلات ماحدثش رضى يقفله..وبالعافيه تاكسى رضى يقف وخدمهم على  
مستشفى حكومى ترضى تستقبلهم..

\*\*\*\*\*

عزة خرجت من البروفا وهى مكسوفه وتبص قسمت وشاهنده على فستانها البنفسجى  
وتطريزاته الرقيقه التاعمه وتجسيمه عليها..





شاهنده/كنتى مخبيه كل ده فين يابت

عزة/فى المخزن يابت

قسمت/ايه يامزة الحلاوة دى

عزة/بجد يابنات حلوة؟

شاهنده/حلوة!!..ده أنتى حلوة وحلوة وحلوة وحلوة وكل الحلويات الللى فى الدنيا

..وسرحت قسمت بخيالها فى قاسم وكأنها هى الللى لابسه الفستان ده له..

راحت شاهنده مفاهاها/ها.روحتى لحد فين؟

قسمت/سرحت فى قاسم

عزة/ليكى عليا ياكوكو أعزمهولك فى خطبتى عشان يبقى قريب منك

شاهنده/هو ده الكلام

قسمت/لا طبعا يا عزة يوم مايقرب ليا يبقى بقلبه ومش بتوجيه من حد



عزة/ماهو لازم الهمسات عشان الغراميات تحصل

شاهنده/هش أنتى ولا فاهمه أى حاجه دى خطط عوليا

..وبصت لعزة وهما فاهمين بعض..

\*\*\*\*\*

قاسم أعد على كرسى فى اوضة المستشفى وقرفان من قذارتها جدا وإهمال التمريض  
وكثر المرضى فى نفس الغرفة..

زينهم/ياباشا ده كده نضيف

قاسم/هله؟

زينهم/بقولك كده نضيف

قاسم/كده نضيف؟!!



زينهم/يووة ..ده احنا فينا قذارة وعفانه لو اعدت تنضف فيها سنة مش هننضف..أصل  
الواسخه ولمواخذة يعنى..فى دمنا..بالك أنت الولا صباح الكفته ده..انا مأنقذه من الحكومة  
٣ مرات

قاسم/ما أية؟

زينهم/مأنقذه...

"وكمل بغيظ"والندل ابن النادليين يضربنى عشان ١٢٠ جنى تمن صباح حشيش

قاسم بتريقه/لا مالهوش حق

زينهم/هو فاكر ان سلك كده..ده المعلم هيعلقه..بس سبيك أنت..هو أنت اباشا مأنقذتى  
ليه؟

قاسم/مأنقذتك يازينهم عشان ماينفعش انسان من لحم ودم وجواه روح ضميره يسمحله  
يشوف انسان زيو بيموت ومايأنقذ هوش..فى بعض دول الغرب يمنع قتل الحيوانات لأنها  
روح نلزه من الخالق..وحقوق الإنسان لا تقلل من أهمية حياة الإنسان..والإنسانية تحتم  
علينا انقاذ الحياة البشرية مهما كانت قدرتها

زينهم/هاه..تصدق بالله..أنت حركت شئ جوايا

قاسم/ضميرك





زينهم/لا ياباشا دي حشرة كده بتمص فى دمنا..سيبك أنت بس جميلك ده فوق راسى

قاسم/وأنا محتاج خدمة

زينهم/رقبتي

قاسم/أنا بعمل ابحاث عن أحوال مصر من بعد الثورة..ومن خلال اللي شوفته فيها..أكتشفت ان مصر مش من برة بس لا ده فى حاجات جواها مش عارفنها وانا محتاج اعرف الحاجات دي

زينهم/حاجات ايه ياباشا

قاسم/زى اللي حصل معاك واكيد مع غيرك..وجوا وقر الحارات فى فيروس أم بينتشر فى نفوس وعقول البشر وكل فيروس له مصل عشان يقضى عليه

زينهم/هاه!!

قاسم/يعنى فى حد كبير جوا مستنقع الفقر بينشر الفساد على الغلابه اللي زيك واتجاهات الفقر بتولد العنف وتزيد نسبه الإنحراف..فهمتني؟

زينهم/باشا..أنت مباحث؟



قاسم بنرفزة/هو انا لو كنت مباحث كنت جبتك هنا اصلا..ماكنتش قولت حيوان ومات زى مايقولوا

زينهم/صحيح..ارواح الناس مالهش شخصيه عندهم..وانا عشان الحكوية داهيت هساعدك

قاسم/ازاى؟

زينهم/أنت قولت ان فى حد كبير فى البتاع ده..منبع يعنى بينشر الفساد على الخلق..اهو احنا عندنا المعلم بتاعنا..أم الفساد كله..وانا بصراحة مخنوق من أمه..بس المؤكد ان فى اكبر منه اباشا..بس مين وفين الله اعلم..انا مهمتى احطك على أول الطريق وأمنك حمايتك وكل المعلومات اللي تحتاجها وانت عليك الباقي

قاسم/وهو ده اللي انا عايزة

زينهم/أنا بس اشد حيلك واهندمك..احسن هدوم الاوبها دى ماتنفعش فى قارنا أه..وبعديها اعلمك حركتين حلويين تخوش على المعلم بيهم..وبعدين ازركك وسط الأنغام..أمان

قاسم/أمان

\*\*\*\*\*







شاهنده واقفه فى مطبخ قسمت بتغسل مواعين وعزة تعلق اللي اتغسل فى المطبقيه  
وقسمت بتعمل عصير على الخلاط..

شاهنده بشويش/أول مايجي نفذ الخطه

عزة/أيوه..البت هتموت عليه..يارب يطلع كلام الشوافه ده صحيح

شاهنده/شوافه..O.O.شوافه ايه يابن اسمها دجاله

عزة/أهو..كذب المنجمون ولو صدقوا

شاهنده/أحنا هنعمل اللي علينا والباقي على ربنا

عزة/يااارب

قسمت/توتوتوتو دودودو..بتتوشوشوا على ايه؟!!

عزة بلقلقه/هاه..ك..كونا..أه..لا

وبترجي/شاهنده

شاهنده/بتسألنى على الفستان اذا كان طو ولا نرجعوا

قسمت راحت سندات على كتفهم وقالت/الفستان!!..أمم..لا حلو الفستان جميل الفستان

..وبصوا كلهم لبعض وضحكوا ..

..صبت قسمت العصير وكل واحد فى ايده كوبايتيه وسمعت شاهنده صوت نحنحه على السلم..قامت بصبه من شباك المطبخ اللى بيطل على السلم وشافت قاسم طالع..راحت سايبه الكوبايتيه بسرعه ..

شاهنده/زوزا..ياللا نمشى اتأخرنا

عزة/تأخرنا على ايه؟..مالسه بادرى

شاهنده وهى بتزقها/ياللا ورانا حاجات نعملها وشوافيين لازم نحقق كلامهم

عزة وهى بتحاول تستوعب/ايه دا..أه صحيح..معلش ياكوكو..الشوافيين والحاجات فعلا..

قسمت/ايه يابنات ده لسه بادرى

شاهنده وهى بتجرجر عزة للصاله/لا بادرى من عمرك..ياللا يا عزة

..وفتحت الباب فى نفس وقت طلوع قاسم وهو بيفتح شفته ..





شاهندي/ياسلام على الصدف..لا كده كثير..مرتين النهاردة

..لف قاسم وبص على اللي بيتكلم..شاف شاهنده وجنبها عزة..راح مبتسم

وقال/أه..فعلا

عزة/ده من حسن حظنا يااستاذ قاسم..وحظي انا بالذات..عشان اعزم حضرتك على  
خطوبتي يوم الخميس ان شاء الله لازم تشرفنا

قاسم/بس

عزة/بس ايه..لا ده انا لازم اشكرك بطريقتي علشان وصلتنا قسمت والله..ده شئ في  
منتهى الرجولة

شاهنده/هاها والرجال قليل الیومین دول والبنات مش لاقیه

..قسمت عماله تبراءلهم من جوا الشقة ومش عارفه تطلع صوت..

قاسم/حاضر

شاهنده/قسمت عارفه الطريق ابقى تعالى معاها..ياللا ياكوكو سلام

..وشدت قسمت من ايديها عشان تظهر وسلمت عليها بسرعة هي وعزة ونزلوا جاري..



..وقفت قسمت وهي متوترة..وقاسم مبتسم..

قسمت/ش شكرا على التوصيله

قاسم/العفو

..ودخل شفته وقفل و قسمت دخلت وهي مبسوطة وقفلت .

\*\*\*\*\*

بدأ ياكل قاسم و قسمت من شقتها تشيل العصير اللي ما تشر بش..خلص قاسم أكله وشاله..دخلت قسمت البلكونة تنشر غسيل..غسل قاسم الأطباق و خد طبق غسيل ودخل البلكونة والأثنين اتقابلوا..

قسمت/قاسم!!

قاسم/أهلا





قسمت بحب/طبعا

..ومسكت طبق الغسيل الفاضى وبصت لحظات لقاسم وقالت برقه/تصبح على خير

قاسم/وانتى من أهل الخير

..دخلت قسمت وبعديها قاسم..نامت قسمت على المخده وهى مبسوطة..ودخل قاسم على  
اوضة المكتب وخذ كتاب الهارمونيكا وفتحه على اخر صفحة سابها وكمل قراية

\*\*\*\*\*

لأول مره أخرج عشان الدراسه من غير قسمت..بس المره دى أول يوم كلية..

..صحيت الصبح وانا مستعد لأول يوم كلية..ولبست وماما دعتل هو اخدت عليه  
الهارمونيكا فى ايدى وفتحت الباب..وافتحت قسمت الباب وهى لابسة مريئة المدرسة  
والشنطة وبتقولى بفرحة/خلاص يا احمد هترتاح منى

انا/عمرى ما ارتاح من غيرك

قسمت/ياسيدى هتبصى فى كليه خلاص ومش هتوصلنى و هتتعرف على بنات



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

110



قاطعتها/أنتى بتقولى ايه يا قسمت

قسمت/أنا بقول..اللى سمعته

أنا/مين قالك كده؟

قسمت/صاحبتي قالتلى أن أخوها من ساعة ماراح الجامعة وهو متغير من الحرية الزايدة

أنا/بس انا عمرى ماتغير عليكى يا قسمت

قسمت بابتسامه/عارفة..ماتزعلش منى يا احمد

أنا/طب يالا عشان اوصلك

قسمت/والكلية؟

أنا/قدامك دقيقتين لو مانزلتنيش قدامى همشى واسيبك

..قسمت ضحكت ونزلت جرى على السلم وأنا وراها..ووصلتها المدرسة..ودورت على مواصلات..ونسيت ان كليتي مالهاش مواصلات من عند المدرسة..









الطلاب/لا لرفع المصارييف

كمال/فلتسقط كلية الإستعمار

الطلاب/فلتسقط كلية الاستعمار

كمال/يسقط يسقط ح.ش

الطلاب/يسقط يسقط ح.ش

كمال/يسقط يسقط عميل الملوك

الكلاب/يسقط يسقط عميل الملوك

..وفضل كمال يهتف والطلاب وراه وانا بتفرج عليه ومبهور بشخصيته الجامعة واللى  
مابتسكتش عن الحق مهما كان..

..صوت الهتاف لحد دلوقتى بيرن فى ودانى..

\*\*\*\*\*



## "فى المحاضرة"

الدكتور/أهلا يا شباب بأول يوم للكلية..أعرفكم بنفسى..دكتور فتحى سرور ان شاء الله  
معاكم فى مفاهيم حقوق الإنسان

كمال قام فجأة وقال/طب وحقوق الإنسان دى بتسمح بظلم العميد وزيادة مصاريف الكليه  
على فقراء ماعهوش حق الرغيف؟

الدكتور/كمال..بقالك سنتين ملتزف فى الصف ده وبسبب كلامك مش عارف تنجح

كمال/أنا اللي مش عارف انجح ولا ظلما المجتمع اللي مش عايزيين صوتى يوصل  
وبيسقطونى!!

الدكتور بز عيق/كمال..أنا متهاون معاك انما الدكاتره التانيين هيوصلوا كلامك ده للعميد  
وابقى عرفنى هتنجح ازاي..بقولك ايه عدى السنى دى على خير

كمال/انا عارف يادكتور ان أنت مابتراضاش بالظلم وفاهم كمان ان أكل العيش احسن من  
قلته

..واعد كمال وانا باصص عليه من اخر المدرج وكمل الدكتور المحاضرة..



..وكلنا ضحكنا ..

سلامة/سلامة ابو طاقية

سعد/يا ابو الطاقية الشبيكة

..وكلنا ضحكنا ..

سلامة/الله يسامحك يا ابا خليت حفيد القولالى يتريج على

كمال بضحك/وبعد هالك ياسلامة

سلامة/خلاص ياكامل سكت

أحمد/أنتو من الصعيد

كمال/ومن الغربية كمان..اللى خرجت سعد زغلول الزعيم اللى ماجابتهوش ولادة..الوطنى  
والصورجى الأصيل والبطل القومى اللى محصلش

مدحت/الراجل بصراحتة فى القول وإخلاصه فى العمل..وهو فعلا كان كده..مخلص لوطنه  
وصريح كعادته

سلامة/سبنا بقى يا جده أنت و هو وهو من السياسة وندخل فى الجد..وأنت يا احمد دخلت  
الكونسرفتوار ليه؟



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

117



..وقمنا كلنا وكل واحد دخل القسم بتاعة وانا دخلت قسم الاوركسترا..

..مانكرش ان جاتلى رهبه اول مادخلت أوضة الاوركسترا ومن منظر الطلاب وألاتهم الضخمة ونظراتهم ليا اللى كلها تساؤل عن "ألتى" اللى هى كانت فى جيبى..

..دخلت وأعدت فى آخر كرسي كالغريب..

..ودخل استاذنا الموسيقى والكل راح مكانه وبدأ يتعرف علينا وعلى طبيعة ألتنا وجه الدور عليا

الأستاذ/وأنت

انا/أأ..أحمد حمدى عبد الستار

الأستاذ/ألتك ايه يا احمد؟

..أنا طلعت الهارمونيكا من جيبى وقولت/الهارمونيكا

..الطلاب كلهم بصولى وضحكوا باستهزاء..

الأستاذ/سكوت..سمعنى يا احمد مقطوعة حافظها







..أنا بصيت لكل الطلاب بقلق ورفعت ايدى وهى بتترعش وخطيتها على شفائفى وغمضت  
عيني وبدأت أسمعهم ونسيت توترى وقلقلى وانسجت معاها وفوقت على صوت الأستاذ  
وهو بيقول/برافو أحمد

..وفتحت عيني على نظرات الحقد اللى بانى فى عيون زمائلى وابتسمت للأستاذ  
واعدت..وكمل محاضرتة عن الموسيقى..

..كملت باقى اليوم ولقيت مره واحده صوت طالع من بره المبنى وهتاف بيقول/يسقط  
يسقط ح.ش..

..كل الطلاب اللى فى المحاضرات خرجوا يشوفوا فى ايه ولقيت مظاهرة شغاله وكمال  
يرأسها وكلهم حماس وقوة..

..خرج العميد وهو بيقول/كمال..دى مهزلة ابدية..أنت وطلاب جامعتنا تقفون اما المبنى  
بتاعى انا وتعيقون حركة الكلية..وتشتتون ازهان زملائكم..أخرج أنت وهؤلاء الفوضويين  
من كليتنا حالا

كمال/نقف مكتوفى الإيدى امام ظلام اسود بجناح كليه الفن والرقى..لن نهده الا عند  
اصدار قرارا بانخفاض المصاريف..فنحن من فقراء البلاد مكملين مسيرتنا الى  
النهاية..سنمشى على خطى سعد باشا والسيد الرئيس جمال عبد الناصر..يسقط يسقط  
ح.ش





..وبدا الهتاف مرة اخرى واذ بالعميد يشاور للامن بالهجوم على المتظاهرين..وبدأت معركة الأمن ضد المتظاهرين وانتهت بعدد كبير من الجرحى وتنفيذ مطالب الطلاب وانخفاض المصاريف على أسس عدم التظاهر مره اخرى وتم التكتم على خبر المظاهرة بأضرارها والإساءة الى الكليه وعميدها..

\*\*\*\*\*

قفق قاسم الكتاب وهو بيتاوب وحطه مكانه وراح على السرير وهو كسلان ونام..

\*\*\*\*\*

..الصبح تصحى قسمت تفطر وهى بتفكر فى قاسم وانه لحد دلوقتى ماكلمهاش فى مشوار خطوبة عزة وأنه طنش..



..يصحى قاسم وهو بيتمطع على الآخر ويشيل الغطى ويدخل الحمام..بعدين يخرج على  
الصالة وهو معدى يشوف موبايله..

..يروح مسكه ويلاقيه مقفول..يحطه فى الشاحن ويفتحة..يلاقى اكثر من ٥٠ مكالمه  
من(أنا)..وفوق ال ١٠٠ رساله..زائد مكالمتيين من مامته وده كله عشان نسيه يوم واحد..

راح متصل ب(أنا)لقا تليفونها مقفول..قام متصل عبي مامته وسلم عليها واطمنت عليه..

..لبس قاسم وخذ موبايله وكاميرا صغيره فى جيبه وفتح الباب فى نفس لحظة فتحت  
قسمت للباب..

قسمت/قاسم!..ازيك

قاسم/الحمدلله وانتى

قسمت/الحمدلله

..وينزلوا مع بعض وقسمت بتحاول تبص وراها من تحت لتحت..





وعند الحوش )

قاسم/أه .قسمت

..قسمت لفت ..

قاسم/انا كنت بس هسأل عن صاحبك وخطوبتها ..فين ..امتى ..هنروح ازاي

قسمت بفرحة/اه طبعاً ..بوص هو بعد يومين ان شاء الله وهيكون في بيتها على ٦ هكون  
جاهزة نمشي مع بعض وانا عارفة الطريق

قاسم/طيب كويس

..وهي مشيت في اتجاه وهو في الاتجاه التاني وهو بياخد نفسه ويخرجه من بؤة من  
المشى ..

\*\*\*\*\*



بعد ساعتين تقريبا كان قاسم واقف قدام شقة فى بيت قديم وبيخبط على الباب ..ويتفتح الباب وهو قاسم منتظر الفاتح!!

ويفتح زينهم الباب وهو بيوصله ومفتح عين ومغمض الثانية ..

زينهم/نعم!!

قاسم/أنا جيت زى مااتفقنا يازينهم!

زينهم/ياكبير أحنأ مااتفقناش على كده ياكبير

قاسم/ايه؟..لا أحنأ

زينهم قاطعه/أه عارف..بس اتفقنا ماكنش انك هتيجى تقلب دماغ امنا عالصريح..ايه

ياكبير الساعة ٩..ده انا لسه نايم بقالى نصن سزاعه ياكبير

قاسم/يعنى امشى؟

زينهم/هطردك يعنى..ادخل ياكبير

..ورزع ايده على ازاز الباب وهو بيقول/وماتخفقناش بقى ياكبير..خوش خوش







قاسم/لا يازينهم مش هينفع..أهل البيت نايمين على الأرض ماينفesch

زينهم/هاه..فين..أه

..وراح قايم وهو بيطوح وراح لأخواته زقهم وهو بيقول/قوم يا ض أنت وهو من هنا..قومووووو

..راحوا قايمين بزمزعة ودخلوا أوضه من غير مايسألوا حتى مين ده اللي اعد..وراح زينهم نايم مكاتهم ومغطى ظهره بوشه والباقي عريان..

قاسم برء عينه وقال/زينهم

زينهم/نخخخ خ..هاه..ياكبير حرام عليك بقى..اديني قومت

..وراح اعد بنرفزة ومطلع من جيبه شريط برشام وبلبع برشمتيين وقال/أهو فوقت

قاسم/أنت خدت ايه؟

زينهم/لا ده حبيتين سطلايت كده لزوم الفوقه

قاسم/فوقه ايه..أنت خدت ممنوعات؟!!

زينهم/لا ممنوعات ايه لا..لاسمح الله ده ترمادول بس



قاسم/وانا بقى مستنى اتعلم من واحد زيك ايه؟

زينهم قام وقف وعدل التيشيرت المهرول عليه وقال بكل فخر/الحياة

ورجع شعره لورا وهو بيقول/زينهم مدرسة وتعالى اتعلم يا هندسة

..قاسم ضحك ونسى الغيظ اللي كان فيه..

زينهم/ايوة كده فوقها ياكبير..دلوقتي اجبك هدمتين من بتوعى وهتبقى قلة

..قاسم بصله من فوق لتحت باستحقار..

زينهم/لا بقولك ايه اهندسة..أنا معفن اه انما تتريق على غسيل أمى لا..دى الحارة كلها  
تشهد بنضافته

..وراح داخل الأوضة اللي أخواته دخلوها وجاب بنطلون جينز مقطع من كل حته وتي  
شيرت اسود الكلور مغير ملامحه وخرج..

قاسم/لالا أنا هلبس ده؟

زينهم/ولمواخذه هتنزل ازاي غير بده؟





قاسم خد اللبس بقرف وقال/طب هغير فين

زينهم/هو ياهندسه أنت شايبنى حريم قدامك ..ماتغير هنا

قاسم/باللى انت بلبعته ده ..no فين الحمام؟

زينهم شاور على الحمام وقال/تفضل

قاسم راح الحمام وهو ببيرطم/ده انا لو فرخه قدامك هتشوفنى مزة

..ودخل الحمام وسد مناخيره من الريحه وغير وهو قرفان وخرج ..

زينهم/أهو دلوقتى نقدر ننزل ياكبير

\*\*\*\*\*

قسمت وعزة وشاهنذة اعدين فى الاسكيشن جنب بعض ومش مدين للككتور اى انتبهاه  
وبيتكلموا بوشوشه ..









..طبعا زينهم بياكل السندوتش على قطمتين وقاسم بياكل براحه..

زينهم قطم قطمه كبيرة وكلم قاسم وهو بيتفتف/هنا بقى حارة الملوك..وكل بيت فيكى  
ياحاره بيترعب من زينهم الأصيل

..قاسم مسح وشه بقرف وتجنب زوايا تفتيف زينهم وكمل اكل اتيكيت...

زينهم/أهو حرتك

قاسم قاطعه/ايه؟

زينهم/حرتك

قاسم/اسمها حضرتك

زينهم/ايوة..حرتك..بتاكل كده ليه؟

قاسم/انا اللى باكل كده ليه

زينهم/أأأه

..وكل باقى السندوتش وهو بيقول/بوصلى

..وبعد مابلعه تجشأ..



قاسم بقرف/ياالمقرف

زينهم وهو بيخبط على صدره/صحه يازينهم..عم سيد..الحساب يوم الحساب

..وراح حاظط ايده على كتف قاسم وخده يمشو..

..مشى قاسم وهو قرفان من ريحة زينهم ومن نفسه ورجعوا على شقه زينهم..

..زينهم اول ما دخل قال/أما..أما اعاهاه..القطار

قاسم بصله بشراسه وقال/أحنا مش لسه كنا بنفطر

زينهم/هاه..اه..يبقى الغدا..ياالما

..وتخرج مامته من الأوضة وهي بتقول/غدا ايه دلوقتي ياابن المفجوعه

أول ماشافت قاسم قالت/هارك اسود..هي المشرحة ناقصه قتلا

..قاسم بصلها وهو ساكت..

زينهم/لا ياالما يخربيتك ده الأستاذ قاسم اللي ودانى المشتشفى يومها



مامته/ياحبيبي..اتفضل اتفضل

..وراحت عدله الكنبه بسرعة واعدته وهو مبتسم..

مامته/حالا هبدأ فى الأكل

زينهم/هتعملينا غدا ايه يااما

مامته/كشري

زينهم/مش لسه واكليه أولت امبارح

مامته دارت بضحك/هههههه..تشرب ايه..اعملك شاي

..وراحت داخله المطبخ..

قاسم/كان..فى..فى أولاد هنا نايمين على الأرض ودخلوا جوا هنا..هما فين

زينهم/فى المدرسه

قاسم باستغراب/يعنى بيروحوا مدرسه؟!!



زينهم/لا تكونش فاكر انى هقعدهم..ده انا كنت اقطع رقبتهم..بقى اشقى واتمرط فى ام دى  
شغلانه عشان يجولى فى الآخر من غير علام..مابكفايه انا واخذ لأبتدانيه واعد

..قاسم افكر حالة حماده وأخواته وقسوة ابوهم..وابتسم من كلام زينهم وخوفه على  
أخواته..

زينهم/من يوم موت ابويا وانا اللى ماسك البيت..وامى رفضت الجواز وتدخل اب تانى  
علينا احسن يزلنا

..خرج قاسم من شرودة وانتبهله..

زينهم/أنا امى كات حلوة أوى زمان..حتى ابويا ماكنش يستاهلها أوى كده..ده..ده حتى هو  
اللى سلمنى بإيده للمعلم عشان اشتغل واسيب المدرسة..وامى ماكنتش راضيه بده وسابت  
البيت وكانت شغلانه..بس رجعت..اصل بيت ابوها ضاق والمصاريف كترت ويرضو الست  
مالهاش غير بيت جوزها..وانا عشان ماامر مطهاش كملت فى دى شغلانه

..وضحك ضحكة مكسورة مع دمعته متحجره فى عينه وقال/وأنا كنت انصف من كده

وشاور على البطشه اللى فى خده وقال وهو بيضحك/وأحلى من كده

قاسم/أنت راجل يازينهم ومافيش زيك

..زينهم ضحك وقاسم طبطب على كتفه..مسحت الأم دموعها من جوا المطبخ بعد ماسمعت  
الكلام..وخرجت وهى بتضحك وتقول/أنا عملتكوا كوبايه شاي..تستاهل بؤكوا







زينهم بهزار/ايه ياتوحة الحلاوة دي..يخربيتك كل ماتكبرى تحلوى

مامته بكسوف/اختشى ياواد

..قاسم فضل يتفرج عليهم وهو مبسوك وفرحانه بعلاقه زينهم بمامته..

\*\*\*\*\*

قسمت اعده على كرسى بالكافيتريا وهى سرحانه وعزة وشاهنده عماليين يرغوا..بعدين انتبهوا لسكوتها..

عزة/سرحانه فى ايه ياكوكو

شاهنده/فى حبيب القلب طبعا

شاهنده/مش عارفه مالى خايفه كده ليه

عزة/من ايه ياكوكو



زنيهم واقف قدام حيطة وبيقول/ركز معايا

..وراح ماشى وهو بيطوح وتانى ركبته لقدام ومنزل راسه وهو بيقول/المشيه كده..مش  
تعملى زى البهوات وتمشيلي بأعرة

قاسم/أحم

..وراح قايم وقف قدام الحيطة وتنى كتفه لقدام ونزل راسه لتحت واتعوج على الجنبين  
ومشى

زنيهم/نظرتك..نظرتك تبقى يمين وشمال وتقف عيناك شويه ماتفنجلهاش هتودينا فى داهيه

قاسم/طيب طيب

..ورجع للحيطة تانى وعملنى مقاله زنيهم..

زنيهم/خووت دماغ امانع الصبح وكمان مش عارف تتعلم..يا عم كدهو كدهوو

..وراح ماشى..ومشى وراه قاسم وهو بيحاول يتعلم..

زنيهم/نيجى بقى للأعدة

قاسم/كمان الأعدة مخصوص



هارمونيكا



آيه صلاح



عصير الكتب للنشر الإلكتروني



FB.com/groups/Book.juice



## زينهم/أومال

..واعد على كرسى خشبى وهو فاتح رجليه على الآخر وساند ايد على ظهر الكرسى..وقاسم اعد على كرسى جنبه عادى..

زينهم/ياجدع ماتعصبنيش..بقولك احنا داخليين على بوء السبع يعنى اى غلظه هنتبلع..بوصلى واتعلم

..وراح قايم عدل التى شيرت المعفن واعد بأعره نفس اعدته..

بصله قاسم وقام عدل التى شيرت زيو واع وهو بيقلده..

زينهم/الله ينور عليك..كده ابتديت تتنور

..وكمال يومه مع زينهم وتعليمه اصول الصياغه وكل الكشرى فى صنيه واحده مع عيله زينهم وهزر وضحك معاهم من قلبه ودخل الفرحة على قلوبهم..وروح على البيت..

\*\*\*\*\*



قسمت واقفه فى البلكونه وهى قلقلانه على قاسم وتأخيرة لأنها خبطت عليه مارش وشايفه كل أنوار الشقه مقفوله.. ووقفه سقاعانه من كتر البرد اللى فى البلكونه ومتغطيه بشال وعمال تتاوب وتدعك فى ايديها عشان تدفا...

..وأخيرا قاسم جاى أهوو.. راحت مطمئه وبصت عليه وحو داخل العماره..

..قاسم طالع على السلم وهو هلكان من تدريبات زينهم وعمال يدعك فى رقبتة وهو بيطلع المفتاح فى نفس لحظه طلوع قسمت باسكت الزباله(كحجه)..

قسمت/قاسم

قاسم لف وهو مبتسم/ازيك يا قسمت

قسمت/الحمد لله.. انت اتأخرت النهاردة مش كده؟

قاسم بصلها من فوق لتحت وهو مضايق..

واتنرفز لسبب ما وقال/اسمعى.. انا مش ح

..وراح النور قاطع و قسمت ارتجفت



ولأن قاسم عارف خوفها قد ايه خاف عليها اكثر وقال/قسمت

..قسمت بتعيط من غير صوت وهو مش شايها..راح مطلع موباييله نور بيه ولقى قسمت منكمشه فى نفسها على الأرض جنب الحيطه..راح جارى عليها بخوف ومسك كتفها وقفها وحضنها..وخدها ودخل شقتها وقفل الباب واعدها على الأنتريه واعد جنبها وهو ماسك ايديها..

قسمت بعياط وشحتفه/أنا..أنا..أسفه..اسفه

قاسم/ليه ياقسمت؟

قسمت/أنا..أنا عارفه انى مش نافعه فى حاجه..الخوف بيسيطر عليا..والضلمه..الضلمة بتبقى وحش بالنسبالى..وبيتهيلنى انه هياكلنى

..قاسم ساكت وهو سامعها..قسمت مسحت دموعها وعيطت تانى وهى بتقول/دى عاده ملزمانى..من بعد وفاة ماما وهى معايا

وتمسح دموعها بقسوة وهى بتقول/من يوم ما مرات بابا حبستنى فى الأوضه الضلمة عشان بعيط على ماما

قاسم بصلها باستغراب وقال/باباكي متجوز؟!!

قسمت هزت راسها وقالت/وكمان..وكمان كان على ماما وده كان سبب تعبها وموتها بسرعه



قاسم/يعنى أنتى مش اعده لوحدك بمزاجك؟!!

قسمت ضحكت جامد وقالت/هنا..بمزاجي فعلا

"وبقهرة"كنت دائما اسمع صوت عياطها وانا فى اوضتى كل ليله وكل لحظة..بابا شغله دائما سفر بس جه فتره مابقاش يجيبى زى الأول وأستحلى السفر وكل يوم ماما تضعف عن اليوم اللي قبله وترفض تاخد الأنسولين عشان السكر..لحد ما منعت الأكل ودخلت فى غيبوبه شهر..شهر جدى بيعت جوابات لابنه مايردش..لحد ماماتت وهو جه بعد الدفن وخذنى معاه السفر..وكطفله ماكنتش اقدر ارفض..وهناك عرفت بالصدمة..أنه اتجوز وكون عيله..وفهمت ساعتها ليه كل مايرجع ماما تتخانق معاه وتقوله سايبنى عشانها وتتحايل عليه عشان يعد لبيته وعيلته..مايرضاش ويسبها ويسافر لحد ماسبها تموت لوحدها

وبصت لقاسم وضوء الفون على وشوشهم وقالت/عرفت ليه كنت قاسيه عليك لما جيت..عشان انا عارفه عذاب الموت فى الوحدة بيعمل ايه..والخوف اللي الروح بتبقى فيه..يمكن لو كان بابا موجود وعایش معانا..كانت ماما صحتها باقت احسن واحسن وعاشت وعشنا وياها فى سعادته وماكنتش هبقى خايفه من الضلمة وووو..كتير أووى

قاسم/ماكنتش اعرف انك حزينة أوى كده

قسمت عملت نفسها مش سامعه وقالت/تعرف انها كانت بتحبسنى كل يوم فى الضلمة ومما اصرخ واطتت ماتعبرنيش وكل مايجيبى هو تعمل نفسها برئيه حتى لما كان يغمى عليا ماكنتش تهتم..فى حد قاسى أوى كده؟

قاسم/يمكن كرهك ليها مخليكي شايفها على الحال ده

قسمت/ولا يمكن عشان أنت مامرتش بنفس ظروفى فاكر انى بتبلى عليها



..وراحت ساحبه ايديها منه وانكشيت فى الضلمة..

قاسم/أنا كمان مریت بظروف..مش لوحك على فكرة!!

..قسمت بصتله بجرح وألم..

قاسم بسر حان/تعرفى عدد خيانات بابا لماما قد ايه؟

قسمت/ايه؟!!

قاسم بصلها وقال وهو بيضحك ضحكه مكسورة/بعدد شعر راسه..راجل مصرى اصيل زيو..عايش برا..يبقى لازم كل عيون الأجانب تبقى عليه..فى كل مره يخون ماما فيها يجيبى سكران ومدروخ وحاله زى الطينه ويترمى على الكنبه وماما تفهم حالته وتتخانى معاه وهو سايبها وعمال يضحك..يضحك جامد اوى كأنها بتهزر معاه وتقوله أنت بتستفزنى؟..يقوم ضاحك اكثر..تقوله طب لنل هسيبك البيت وامشى..يضحك اكثر وتطلع هى اوضتى وتعد تعيط وهى حضنانى وكأى مراة مصرية بيت جوزها أولا بيها ومايصحش الست تسيب بيت جوزها وعادات وتقاليد ماتت تعرف قد ايه الست دى بتعانى..وتصحى الصبح تحضر الفطار وهو يضحك ويهزر معاها ولا كأنه عمل حاجه

قسمت/عشان ما عملتش موقف من أول مرة

قاسم/مممكن..ابهاتنا مستقصدانا يا قسمت

قسمت ضحكت وهى بتقول/باين كده





..وأعدوا يتكلموا والنور طُول في القطعان لحد ما قسمت نامت على كتف قاسم وهو نام من  
كثر التعب بدون وعى..

\*\*\*\*\*

صحي قاسم الصبح على صوت الزبال وهو بينادي (زباله..زباله..).

..أتأوب وفتح عنيه وهو بيركز وراح بص حواليه لقي نفسه مش في شقته..وبيبص جنبه  
لقي قسمت نايمة على كتفه..

..راح ساندها براحة وخذ موبايله وقام خارج بسرعة من شقتها..ويقل الباب في نفس  
لحظة نزول حنان من فوق..

..وتشوفه وهو بيتسحب وبيقفل باب قسمت براحة ويدخل شقته ويقفل..



حنان/ايش ايش..التعلب المكار بيغش..طب مش عليا ياسى قاسم أنت والست قسمت اللي  
عامله فيها الطاهرة الشريفة..وربنا لآكون فضحاكى فى العارة كلها..بس امسك عليكوزله  
توديكونا المروستان

\*\*\*\*\*

قسمت بتقوم من النوم وهى بتدعك رقبتها وتفوق وهى بتبص حواليتها وتقول/ايه دا..أنا  
نمت هنا؟!..هو النور جه أمتى؟!..طب قاسم مشى أمتى؟!..يبقى اكيد لما نمت  
..وراحت قايمة وهى مكسرة ونامت على السرير وهى بترمى نفسها عليه..

\*\*\*\*\*





قاسم دخل شقته وفتح التلاجه طلع كنز بريل شربه وبص فى الساعة لقاها ٧ الصبح..راح  
ماسك موبايله و متصل ب(أنا)..لقى موبايلها مقفول..راح سايبه ودخل على الأوضة ونام..

..على الضهر فاق قاسم على صوت موبايله..بص على المتصل لقاها(أنا)..)

رد بسرعة/أنا where are you

أنا/أنا مبسوطة كتير قاسم..ماما عملت حفلة كبيره وسكرت كتير ونمت..ولما صحيت لقيت  
نفسى فى جزر ماليزيا..زورت الجزر وانا مبسوطة..أنت زعلان انا مش اتصلت  
وقولتلك على الزيارة

قاسم بزعل/لا..بس كنت قلقان عليكى ياانا

أنا/بيبي..أنا كلمتك كتير كتير بس أنت ماردتش واصحابى..خادونى بس انا ماعرفتش ازاي  
وأمتى..أنا مش فاكهه بس مبسوطة

قاسم/أوكاى انا..بس ابقى طمنيى عليكى بعد كده

أنا/أوكاى بيبي..I miss you..

قاسم/I miss you too





\*\*\*\*\*

قسمت فى المطبخ بتعمل فطار..سمعت موبايلها بيرن راحت جرى عليه ومن غير  
ماتشوف المتصل ردت بسرعة/ألو!

والد قسمت/قسمت حبيبتي..انا بابا..عامله ايه وحشتيني

قسمت سمعت صوته اضايقت وماردتش..

والدها/ألو..سمعاني..قسمت!

قسمت/سمعك

باباها/حبيبتي انا عارف انى مقصر معاكى ومش بجيلك..المهم أن الفلوس اللي بتعوزيها  
بتوصلك ومافيش حاجه نقصاكي

قسمت لنفسها/مش كل حاجه الفلوس..انت اللي ناقصنى





قاسم نزل حضنه جامد وقال/حمادة..وحشتنى اوى

حمادة/وأنت كمان يا قاسم

قاسم/بص يا حمادة انا جبتك ايه

..وفتح شنطه من اللي فى ايده..

حمادة وهو ببص جواها/الله..دول كلهم عشانى

قاسم/ايوة طبعا

حمادة/طب والشنطة دى!

قاسم/لا الشنطه دى لحد تانى

حمادة/ماشى يا عم

ابو حمادة من فوق/انت يا ض يا حمادة الزفت

حمادة بص لفوق بزعل وقال/مش هعرف اعد معاك



قاسم/مش مهم يا حمادة.. المهم انى شوفتك واطمنت عليك

وخط ايده فى جيبه وطلع فلوس اداها لحماده وهو بيقول/أنا كنت ناوى أعزمك يا عم على  
أكله حلوة بس خلاص..كل اللي أنت عايزة

حماده شهق وقال/كل دا؟!..لا يا عم انا اخذ عشه جنيه بس هجيب حواوشى ليا ولاخويا  
الصغير بس

قاسم/لا خليه معاك وكل ماتعوز تاكل حاجه تاخذ منهم

..حماده بص حواليه وخطهم فى جيبه بسرعه وقال/ماشى..ابقى تعالى يا قاسم

قاسم/حاضر يا شقى..ياللا

..وعمله(باى باى) وطلع حماده فوق ومشى قاسم بين الحارات لحد ماوصل لحارة بيعاه  
الخضره اللي كلمها قبل كده..

..ولما وصل لمكانها مالقه اش أعدده..

راح سأل البقال/هى الحاجه اللي بتعد هنا فين؟



البقال/الست زينب تعبانه بقالها يومين ونايمه فى سريرها

قاسم/البيت دا صح؟

البقال/أه..هتلاقى الباب مفتوح

..مشى قاسم للبيت اللي فى وش البقال والمكون من دور واحد بدون عمدان ولقى قاسم الباب مفتوح فعلا وخشبي مكسر..خبط عليه مرتين ماحدش رد..

..راح داخل وهو ببص على البيت الفقير والحيطان اللي مش متمحره وسقف البيت الخشبي والحمام اللي بيطيير عليه والأرضيه اللي حتى مش مبلطه..وبرغم وسعه ألا أنه من قديم الأزل وبابن عليه بيت فقير من الدرجة الأولى..

وبجانب باب البيت حمام بلدى مقفول بستاره مقطعه..ووسع المكان اللي مافهوش غير اشوله خضرا وسرير حديدى قديم نايم عليه الست ومتغطيه ببطانيه مرقعاه..

الست/مين؟!!

قاسم وهو بيقرب وحزين/أنا..أنا قاسم يا حجه بتاع الجمعيه الخيرية

الحاجه/يا اهلا وسهلا..تعالى

..قاسم ضحك واعد على كرسي رجله مكسورة..





الحجه/معلش البيت مش قد المقام

قاسم/أنت المقام كله يا حجه

الحاجه/انشالله يخليك يا بنى..تعيش ويراضيك ربنا

قاسم/ربنا يخليكى..الجمعيه بعناك الحاجه دى يا حجه

الحاجه/ان شالله يخليها..هى عرفانى

قاسم بضحك/أه يا حجه ماانا حكتهم عنك

الحجه/ربنا يستها ويعلى مراكبها

قاسم وهو بيبص حواليه/هو انتى عايشه لوحدك هنا

الحجه/ماهو ابنى الوحيد سافر بلاد بره بعد موت ابوة واتجوز هناك بقى ومن ساعتها  
مارجعش

قاسم/اكيد وراه شغل وان شاء الله يرجع

الحجه/أه..١٨ سنة وراه شغل



قاسم/ايه؟!!!

الحجه/يووة..ده انا قربت انساه..بس بدعيه بيعتله فى كل خطوة سلامه ويسهله  
طريقه

قاسم/وبيكلمك ويسأل عليكى؟!..طب جه زيارة ولا لا

الحجه وهى بتتوهه الكلام وعنيها مليانه دموع/أنت عارف بقى..لولا أنى بعافيه بقالى  
يومين كنت قومت عملت معاك الواجب

قاسم/انا فى بيتى يا حجه

الحجه/مانا عارفه بيتك ومطرحك يا ابنى

"وبعياط"أنا حاسه يا ابنى انى هموت ونفسى اشوف ابنى..انا عارفه انى مابقتش قد المقام  
وانه مستعر منى..بس الضنا غالى..وانا مسمحاه..مسمحاه من كل قلبى

قاسم/لا إله إلا الله..هتشوفيه يا حجه..وهتقومى على رجليكى وتبقى زى الفل

الحجه/الموت علينا حق يا ابن ادم..بس عشان روحى تطلع محتاجه اشوفه

قاسم/تعرفى عنوانه او تليفون او طريقه نوصله بيها



الحجه بفرحه/هاه هاه..هتجبهولي؟

قاسم/ان شاء الله يا حجه

الحجه مدت ايديها تحت مخدتها وطلعت ورقة وادتهاله بايديها اللي بتترعش وقالت/دى نمرته..منصور سيد العالى ابن زينب..انا..بس يارب مايكونش غيرها..دى بقالها يا اما معايا

قاسم مسك الورقه وطلع تليفونه وكتب الرقم واتصل..واستنى يرن كثير بعدين حد رد

وقال/ألو

قاسم/ألو..مستر منصور السيد العالى؟

الحجه هزت راسها بفرحه هى بتدعى ربنا..

اللى على التليفون/ايوة..مين معايا

قاسم/أنا..قاسم..الحاجه زينب والدتك..كانت عايزة تشوفك

اللى على التليفون بسرعة/النمرة غلط..تيت تيت تيت تيت



..قاسم اتصدم ومانزلش التليفون وسكت ..

الحجه/ايه..مش هو؟

قاسم/أنا اسف يافندم..النمره غلط

..وقفلوه

الحجه/غيرها ونسى يقولى على الجديده

قاسم/لا..ان شاء الله خير

الحجه بأمل/هيجيلى..ده ابني برضو

قاسم/ان شاء الله

..وسكت وهو سرحان..

\*\*\*\*\*



شاهنده/ايبيهه؟!..يعنى ايه الكلام دا؟

قسمت/ما عرفش ياشاهنده..جاي بعد ايه..مابقاله كتير ما بيتصلش دلوقتي بس افكر ان عنده بنت

عزة/بس ياشاهنده..ماتقسهاش عليه

قسمت/لاااا..أنا قلبى قاسى عليه من زمان ومابقاش جوايا زرة حب ليه

عزة/لا يا قسمت أنتى مش كده ولا عمرك هتبقى كده..أنت حنينه وكلك حب يسعى العالم كله..أنتى وردتنا يابت

شاهنده/ايوة صح

قسمت/سيبكو بقى منى وخلينا فيكى..زوزا..هتروحي الكوافير أمتى

عزة/مالكيش دعوة أنتى..أنا ظبطت مع شوشو حبيبتى كل حاجه

شاهنده/ايوة..ركزى أنتى بس فى لبسك وتظبيطك واناقتك عشان قاسم..وتجيانا بكره أنتى مع اللى عليه العين

قسمت بضحك/ماشى



\*\*\*\*\*

بالليل قاسم راح مع زينهم للمعلم بالزى التنكرى ودخلوا من بوابه خشبيه مقفوله بجنزير حديد ..

..وأول مافتح الباب دخل زينهم وهو بيرمى سجارتة على الأرض ووراه قاسم وهو بيبيص على المكان من تحت لتحت ..وهو عبارة عن قش كثير وكراتين أكثر فى مكان واسع وسلم ممحر تحتيه باب وفوقيه باب وصناديق خشبيه فوق بعض ..

..وكذا راجل وشاب باين عليهم الأجرام عماليين بيصوا على قاسم بتوحش ..

..ويقف زينهم فى نص الصف وجنبه قاسم ..ويتفتح الباب اللى فوق السلم والكل بيبيص عليه وينزل منه المعلم وهو لابس جلابيه بيضه زى المسطرة وعليها العمه البنى وفى ايده سبحة وعمال يقرا قراعن ..

..وينزل وهو بيبيص على قاسم بجنب عينه ويعد على كرسي مذهب فوسط كوم قش ويمد ايده لأول واحد فى الصف ..

ويوطى الأولانى وهو بيقول/حجه مبرورة يااح



ويبوس ايده والمعلم يهز راسه وقاسم يبص باستغراب..وتهنيه الرجاله بالدور..لحدده ماجه  
لدور زينهم..

..ويوطى زينهم يبوس ايده وهو يقول/حمدالله على السلامة يا حج

المعلم/عامليين ايه يازينهم

زينهم/عاشيين الحمدالله

..المعلم هز راسه وهو يبص قاسم من الجنب ويلعب بالسبحه..

زينهم/محروس..ابن خالتي يامعلمى..جاي طالب رضاك وشغلانه ياكل منها عيش من بعد  
البلديه الله يحرقهم ماهدولوا الكشك بتاعه فى المربوطيه

المعلم/ومحروس عارف طبيعة الشغل يازينهم

زينهم/أومال ايه..دا ولاه ايده زى اللهلوبه ومخه مفتح وفهلوى ومتعلم علام عالى ياكش  
الظروف بس..جربوا يامعلم ومش هتندم

المعلم/زينهم..عمر ك ماجبتلى حاجه وحشه

وبص لقاسم اللى ابتدى يتوتر وشاورله براسه عشان يجيلوا..



..راح ماشى قاسم بخطوات ثقيله ووطى على ايده الممدودة وباسها ومن جواها بيغلى..

المعلم هز راسه وابتسم وقال/اخبار الشغل ايه

زينهم/كله تمام..ساعتك..والولاه صباح الكفته الله يحرقه لطشنى بازاة فى بطنى  
عشان بطالبه باللى عليه

المعلم/حقك هيجيك يازينهم

زينهم/ده عشمى يامعلمى

المعلم/هاتوه

2..رجاله من اللى كانوا واقفيين دخلو الاوضه اللى تحت السلم وقاسم متابعم  
بنظره..وظلعوا الولد اللى ضرب زينهم وهما جرينه من ايده ومضروب ووشه كله  
دم..ورحوا رمينه قدام المعلم..

..الولد بربش بعنيه وبص للمعلم وهو بيعيط وزحف لحد رجليه باسها راح المعلم زقه  
برجله فى كتفه قام الولد مرمى على الأرض وقاسم بيتقطع من جواه..

المعلم/خد حقك يازينهم







زينهم بلقلقه/أنا انا بقول المسامح كريم يا حج

المعلم بعصبيه/خد حقاك يازينهم

زينهم/مانا بقول

..المعلم بصله بغضب لدرجة خلت زيتهم يخاف..وراح مشاور لرجالته قام واحد فيهم كسر  
ازازة وحطها في ايد زينهم..

..زينهم بلع ريقه وبص لقاسم اللي مش مستوعب اللي هيحصل..

..زينهم اتحرك خطوتين لقدام وبص للولد اللي مش قادر يتحرك..بعدين بص للمعلم اللي  
منتظرة..بعدين وجه البوز المكسور لتحت..وراح نازل مره واحده على بطن الولد وطلع  
بالازازة على طول وهو زعلان..

المعلم/ماحدثش يقدر يمد ايده على واحد من رجالتى..ولا ايه يارجاله؟

الرجاله كلهم/أمان يامعلمى

..المعلم/خدوة ارموة قدام بيته عشان يتربى

..اتنين من الرجاله خدوه بره وقاسم متابع اللي حصل وهو مبرء وزينهم ماسك الازازة فى  
ايده وهى بتنقط دم الولد وساكت..



المعلم/فى طالعه الليله دى عند السبع

واحد من الرجاله/عيون النسر باقت علينا يامعلمى

المعلم/رجالتى ما بيخافوش من حاجه..والخطة سليمة..زينهم!!

زينهم بسرعه/او امرك يامعلمى

المعلم/الطالعه دى بتاعتك ومحروس معاك

زينهم/مش خطر لأول طالعه دى يامعلمى

..قاسم بصلهم ومش فاهم..

المعلم/محروس نضيف..وماتخافش أنت معاه

زينهم/او امرك يامعلمى

\*\*\*\*\*



تحت قصر النيل فى حته ضلمه وعلى مرسى مراكب زينهم واقف بيشر ب سيجاره ..

قاسم بز عيق/لالا وانتى بقى راضى عن اللى حصل هناك ده

زينهم/يقولك ايه اطلع من دماغى..انا راجل عايز اعيش..ولو ماكنتش عملت اللى عايزة  
كان هيتعمل فى انا كده

قاسم/بس..انا لا يمكن اسكت على اللى حصل

زينهم/يا باشمهندز..انت قصدتنى فى خدمه وانا بنفذا وقولتلى مهمه وانسانيه وكلا  
مجعلص ماليش فيه..فيا ريت تركز فى مهمتك وتمثل حلو بدل ماتتكشف وتحصل صباح  
الكفته

قاسم لسه هيزعق تانى راح زينهم قال/وصلوا

..وصفر لهم مرتين وهما ردوا الصفارة..وراح زينهم ماسك الحبل اللى اتحدفوا وربطه  
فى حديده وقرب المركب اللى وصلت وقاسم وراه ..

..وراح ناظف زينهم للرجال وهاتكلم معاهم وخذ منهم صندوقين خشب ونازلهم لقاسم  
وسلم عليهم ونزل من المركب وحدفلهم الحبل وخذ قاسم من ايده وشده وهو شايل  
الصناديق وراسه لورا عليهم ..

زينهم وهو طالع على السلم/بتبص على ايه



قاسم/عليهم!

زينهم/بص قدامك كده هيشكوا فيك

قاسم وهو بيقلب الصناديق/هي الصناديق دي فيها ايه؟

زينهم/بضاعة

قاسم/أه مانا فاهم بس بضاعة ايه؟

زينهم بتلقانيه/حشيش

..قاسم وقف متسمر مكانه..

زينهم/ياللا

قاسم/يعنى ايه؟..ولو البوليس شافنا..ولو اتقبض علينا ولو

زينهم قاطعه وهو بيحط ايده على بؤء بغباء وقال/أظاهر انى غلط لما وافقت على كلامك

قاسم/أنا عمرى ما تخيلت انى هشارك فى جريمة زي دي



زينهم/اومال أنت فاكرايه ..هنتاجر في لبنان؟

..وراح فاتح صندوق العربيه اللي قدام سلم الكوبرى وخذ الصناديق من قاسم وحطهم  
وقفل وهو بيبيص حواليه..وركب وركب جنبه قاسم وطلع بالعربيه..

\*\*\*\*\*

زينهم للمعلم/البضاعه في المخزن يامعلمي

المعلم/عفارم عليك يازينهم..وأنت كمان يامحروس وشك حلو علينا..بكره هتنزل أنت  
وزينهم تلم ايراد البضاعه القديمه والجديده..مقدما للي عايز طبعا..واللى يعترض..أنت  
عارف يازينهم

زينهم/ كده ممكن يقاطعوا الجديد

المعلم/كلب يمشى يجيبى غيره..محروس!

قاسم بتوتر/أ..أوامرك يامعلمي!

المعلم/فتح مخك وودانك واسمع وافهم من زينهم اصول الشغل..وشوف الدنيا ماشيه ازاي

قاسم/حاضر يامعلمي

..المعلم لعب بالسبحة وهو بيحرك بؤه بكلام وبيبص على قاسم من فوق لتحت وهو  
بيفكر..

\*\*\*\*\*

قسمت اعدة في الصالة قلقانه على قاسم وغيابه..وتبص في الساعة تلاقياها ٦ الصبح  
تقلق أكثر ولسه هتقوم من على الكرسي عشان تبص عليه من البلكونة..تسمع صوت فتح  
الباب عند قاسم..

..تقوم جاريه على باباها وبصه من العين..تلاقى قاسم داخل من بابها ويقفله..تطمئن شويه  
وفي نفس الوقت تخبط على الباب عشان تعرف اسباب رجعوا الصبح..وترجع تنام بقله  
حيلة..



هارمونيكا



آيه صلاح



عصير الكتب للنشر الإلكتروني



FB.com/groups/Book.juice



\*\*\*\*\*

قاسم فتح نور الصاله ورمى جسمه على الكنبة وأحداث اليوم تتوالى قدام عنيه..مرض الحجه زينب وحرمانها من ابنها وأملها فيه وفرحة حماده وحضنه له والمعلم اللي كل من يشوفه من براه يفتكره راجل صادق ومتقى ومن جواه تاجر حشيش كبير..وضرب زينهم للولد بالإزارة واستلمهم البضاعه ونظراته لزينهم وهو بيقوله(حشيش) وخنقته من العفن اللي كان فيه طول اليوم..

..راح رامى مخده الأنتريه على الأرض بنرفزة..وراح قام يدخل اوضته ووقف على بابها وهي فى حاجه شداه لأوضة المكتب..

..راح لافف ومشى للأوضة وفتح النور وخذ الكتاب وأعد على المكتب وفتح عليه الهارمونيكا وطلعها وجرب انه ينفخ فيها نعمات راح مطلع النعمات مش مطبوطه..قام رجعها مكانها وفتح الكتاب وتاه مع أول حرف قراه..

\*\*\*\*\*



أنا لك على طول خليك ليا

خد عين منى وطول عليا

وخذ الأثنين وأسأل فيا

من أول يوم راح منى النوم ♥ ..

عبد الحليم حافظ.. عندليب أغاني قسمت اللي دائما تبقى مشغلاها في الراديو وتوصلني من  
بلكونتها لبلكونتي واسمع وانا مبسوط..

خرجت من أوضتي للبلكونه عشان اقرب من الصوت وانا مبتسم وسامع الغنوة ومن يوم  
مليان ارهاق وتعب وحياة جديدة لقسمت حياتي كلها..

..خرجت قسمت من بلكونتها وهي بتحرك ايديها وتغنى/خد عين منى وظل عليا

وأول ماشافتني قالت/أحمد..حمدالله على السلامة..باقيت جامعي خلاص ومابتسألش على  
بتوع المدارس

أنا/ابدا ياقسمت..أنا سألت عليكى وطنظ قالت أنك عند مها صاحبك واستنيتك تسألني  
ماسألتيش

قسمت/أنا..أه صح..نسيت





أنا زعلت وقولتها/نسيته أنك روحتى لمها ولا نسيتهني!

قسمت/أممممم..أنت زعلت

أحمد/قسمت!

قسمت/نعم

أنا/مممكن اسألك سؤال وتجاوبى بصراحة؟

قسمت/اممم على حسب السؤال؟

أنا/أنا بالنسبائك ايه؟

قسمت/أحمد!..هو انت متوقع أقولك ايه؟

..أنا سكت وأنا باصص فى الأرض..

قسمت/أنت بتحبنى؟!!

أنا اتخضيت وبصتلها ولقتنى بقول بسرعة/من غير ما احس لقيتني بحبك

قسمت بكسوف/أخيببيير!!..تعبتني

أنا مش مصدق نفسي/ايه!!..يعنى أنتى!!

..قسمت هت راسها بكسوف..

أنا/وأنا ..من زمان

..قسمت بصت فى الأرض..

أنا/طب ليه كل مااحاول اقرب منك تبعدينى..ليه كل مااحميكى تصدينى..ليه كل مااحاول  
اقولك ترجعينى..ليه ليه

قاطعتنى وقالت/عشان تعقل..مش كل ماتحاول تدافع عنى تعمل مشكله وتشاغب..وبعدين  
مافيش بنت بتقول لولد بحبك..وانا حاولت اغيظك كتير واخليك تغير وانتى تمشى  
وتسيبنى..اعملك ايه تانى وأنت مش بتفهم

أنا بضحك/عشان حمار

..قسمت ضحكت بعدين اتكسفت..

أنا/يعنى بكره..اروح لعمى وحيد اطلبك





قسمت/لا..أنا لسه قدامى سنة ثانوى وبعدين الجامعة!

أنا/أنتى ناويه تكملى لجامعة؟

قسمت/أه..وهبقى جامعيه يااستاذ

أنا/ولسانك هيطول زيادة

قسمت/بقى كده..يطب مخصماك لحد بكره

أنا/لا..قسمت..يطب بحبك

قسمت/وأنا كمان..بس مخصماك بس

..وراحت داخله البلكونه بسرعه وانا واقف انتنظ من الفرحة..

-----



صحيت الصبح وأنا فرحان ودخلت البكونه وانا بنفخ فى الهارمونيكا(أنا لك على طول  
خليك ليا)كانت دايمًا الأغنيه دى ليها رنين خاص بالنسبانا ..

بفتحت قسمت الشيش والشمس ضربه فى عنيا وبارزة لون عنيا البنى..

أنا/ولا تشرق الشمسى إلا بصباح قسمت..ماذا فعلت بأحمد..لقد بات صباحيه بكِ نعمة

قسمت ابتسمت وقالت/صباح الخير

أنا/صباح الفل

قسمت/على فكره أنا جاهزة وهنتأخر

أنا/وأنا كمان جاهز

قسمت/ياسلام..فين دا؟

بصيت على نفسى لقيتني بلبس البيت روت داخل جرى..

قسمت بسرعه/ماتتأخرش

أنا رجعت خطوة وقولت/لو اتأخرت على الدنيا كلها مش هقدر اتأخر عليكى





..ودخلت غيرت بسرعه وخرجت على الصاله لقيت ماما بتحضر الفطار مع أخواتى وبابا  
كالعادة فى الشغل..وتيته بتكلم عمتى فى التليفون وبتشرحلها طريقه خرم جيب بابا من  
ماما..

ماما/أحمد مش هتفطر

وأنا بلبس الجزمة/لا ياماما متأخر

تيته/دى بتصرف فوق ال ١٥ جنيه..بيت ابنى هتيخرب

ماما/نينيا..أنا سمعاكى

تيته/هاها..هو انا قولت حاجه

انا/ماما..خلاص مش كل يوم

..ماما سكتت وكملت تحضير الفطار وانا خدت الكتب من على الشوفنييره وفتحت الباب  
وخبطت على قسمت ...

قسمت/انا اللى هفتح

باباها/استنى أنتى





..وراح فاتح الباب وهو مكشرف/نعم

أنا/عمو وحيد!..نهارك سعيد..ممكن قسمت

باباها/ليه

أنا/ه..هوصلها..المدرسة

باباها/قسست

..قسمت جات وهي خايفه وبصه فى الأرض..

باباها/أنتى عايزة أحمد يوصلك للمدرسة!

قسمت/لا بابا

..ولأول مره أحس قسمت بتضيع منى..

باباها/ماتقربش ناحية بنتى تانى

..وراح قافل الباب فى وشى كأنه قفله على قلبى..وسمعت اللى حصل..

باباها/سيرة بنتك هتبقى على كل لسان وأحمد بيه رايح جاى فى ايديها وولا همه..والست  
حانم ماشيه تتسرمح معاه فى كل حتى وهو جارها وراه

مامتها/ياوحيد بنتك متربيه وعارفه الصح من الغلط وأحمد كمان قدامنى وعارفن أخلاصه

باباها/هى كلمة ورد غطاها ماشوفكيش واقفه مع أحمد تانى وإلا قسما عرما لآكون  
ماعدك من دى مدرسه وحبسك فى البت وأول عرييس يدق باباك لآكون مجوز هولك

..قسمت طلعت تجرى على أوضتها وهى بتعيط وانا نزلت على السلم مكسور من  
جوايا..وأول ما نزلت بصيت على بلكونتها..لقيتها واقفه بتعيط..

..بشاورتلها وشاورتلى أنى استناها بعيد..ودخلت جوا وانا استخبيت ورا الشجرة البعیده  
فى الشارع وبصيت على بوابه العماره واستنيت..





..شويه ونزلت قسمت وهي حزنه شنطيتها وحزينه ..وأول ماوصلت عندي مسكت ايديها  
وانا مخضوض وبقولها/ايه اللي حصل

قسمت بعياط/بابا سمعنا واحنا فى البلكونة يا احمد وأول مادخلت زعق معايا ومع ماما  
واتهمنى انى بعرض شرفه لل..هو احنا بنعمل غلط يا احمد؟

انا/الحب عمره ماكان غلط يا قسمت ..وطول ما احنا حبنا طاهر وبرئ عمر ما حد يقدر يفرقنا

قسمت/أنا خايفه

أنا/ماتخافيش ..طول ما انتى معايا وايدى فى ايدك أوعى تخافى

ومسكت ايديها جامد وكملنا الطريق وأنا بقولها/وهشبتلهم أن حبنا ابدى

قابلت اصحابى فى الكليه وانا مكتئب وسلمت عليهم ..







كمال/ أهلا يا احمد..أتأخرت

سعد/وفاتك نص عمرك ياللى ماشوفتش اللي حصل

انا/ايه اللي حصل؟

سلامه/عصام خد حنت شوط حلو اوووى

أنا/يعنى ايه؟

مدحت/يعنى كمال أداله قاموس فى الأدب قد كده عشان البنات اللي بيضحك علي عقولهم

أحمد/يا كمال كده غلط عليك أنت بكده بتزود فى اعدائك وعصام مش هيسكت ده ابن حاجه مهمه فى البلد

كمال/وأنا ابن البلد..أنا اللي ابويا عزج فى الأرض لحد ما عرج وأنا اللي أمى خدمت فى البيوت وخلفت ١١ عيل فى بيت قد الخناجه وربتهم احسن تربيته وكانو بيتحرموا من أحلى حاجه مش من حقى أقول الحق

أنا/لا..ده انتى محمل على الآخر



سعد/هيترشق قريب

..وكلنا ضحكت..

مدحت/ياللا بينا عشان المحاضرات

..وكل واحد راح لطريقه..

..وبعد ماخلصت المحاضرات اتقابلت معاهم قدام الباب الرئيسي..

كمال/أهلا يا احمد..خلصت محاضرات خلاص؟

أنا/الحمد لله

مدحت/ماتيجو نتمشى يويه

سعد/ايووة..نتمشى ثم نجرى ثم نسهر ثم نشرب..ياجدع

سلامة/هههههههههه سهر وشرب ايه..قول نذاكر قم نذاكر ثم نذاكر ثم ننجح بعون الله

أنا/وانا كمان بقول بلاش ياسعد انا ماليش فى السهر



كمال/أحسن حاجه يا احمد

سعد/ماشى ياتلامذه..أنا مش فاهم بس هتكبروا أمتى؟

كمال/كل ماتتعلم تكبر ياسعد..وده شئ أنت عمرك ما هتفهمه

سعد/لا ياخويا..أنا افهم فى بت حلوة..نظرة تسحر..ثم غمزة تلوح

سلامة/ثم المأذون يادق

سعد/لا..إذا كان فى مأذون يبقى مش هنظر

..وكلنا ضحكنا ويافرحة ماتمت..

فى وسط ضحكاتنا المتعاليه جه عصام وشلتة وهما بيهجموا علينا ومن ضهر كمال راح  
ضربينو ووضعوه على وشه..

عصام/عشان تبقى تتعدى على اسياك يا هلفوت



أنا/الهللوت ده بيبقى أنت..جايب شلتك تتحامى فيهم..ولما كنت قدامه وجهها لوجه هربت  
زى الفار يا جبان

..بسعد وسلامة شالوا كمال..

مدحت/وده هيبقى جزاءك على اللى عملته

..وراح ضار عصام بالبوكس فى وشه..وقامت الخناقه مابينا ومابينهم..وما دريناش  
بحاجه الا على صوت صفاره الأمن وهما واخذنا على العميد..

..ووقفنا صف واحد قدامه وأحنا متبهلين وكل واحد حامل جواه كره للتانى..

العميد/دى مهزله..ولأول مره تحصل بين طلاب فى كليه محترمه زى  
الكونسرفتوار..هتكبروا أمتى دى ولا كأنها عيليين بيتخانقوا على دور كره شراب

أنا/عصام هو اللـ

العميد بنرفزة/أخرس..عصام ولد مهذب..عمره مايعمل حاجه

..أحنا بصينا لبعض وبصينا لعصام اللى كان بيضحك من تحت لتحت..ومن ساعتها فهمت  
كل كلام كمال عن الفقير والغنى وطغيان العميد..

العميد/كمال..مدحت..بسعد..سلامة..أحمد..متحوليين للتحقيق





هارمونيكا



آيه صلاح



عصير الكتب للنشر الإلكتروني



FB.com/groups/Book.juice

..وبكده بدأ كره عصام لينا بالأسم وظلم العميد فينا..

\*\*\*\*\*

قاسم ساب الكتاب زي ماهو وراح على أوضته نام..

-----





..وقفلت معها وحطت التليفون على الكوميدينو وشالت الغطا وهي بتتمتع وقامت ..دخلت الحمام وخرجت عملت فطار واعدت تبص على مطبخ قاسم وماحستش بأى حركة فيه ..

خلصت قسمت فطار وشالته والساعه باقت ٣ العصر ومافيش حس ولا خبر ..

قسمت/لا..أنا كده هتأخر وماينفesch

..وراحت فاتحه الباب بتاعها ومشيت لحد باب قاسم ووقفت لحظات ماده ايديها ومابين تخبط يالا ..وحسمت الأمر وخبطت بل رزعت ..مرة أتنين ماحدث رد ..

..راحت لفه عشان تمشى وسمعت صوت الباب بيتفتح ..راحت واقفه ..ولفت ..لقت قاسم لابس ونازل ..

قسمت/قاسم!

..قاسم كان بيعدل القميص ومش واخذ باله من قسمت وأول ما بص قدامه

قال/قسمت! ..أنتى كنتى بتخبطى؟

قسمت/أه..كذا مره

قاسم/ثانيه واحده

..وراح مظه السماعه من جيبه وحطها فى ودنه وقال/كده تمام..كنتى بتخبطى!

قسمت/أه خببطت كذا مره مره ومافتحتش

قاسم بهزار/معلش اصلى واقع على ودنى وانا صغير

قسمت بضحك/عمرى ماشوفت حد بيتريق على نفسه

قاسم/ولا أنا الحقيقه..بس معنى كده أنى ممكن اشارك فى موسوعة جينيس لأول

حد يتريق على نفسه

قسمت/أحم..طب هو انت هتتاخر؟

قاسم/اشمعنى؟

قسمت/شكلك نسيت!

قاسم/أمم..مش فاكر..فكرينى كده نسيت ايه؟

قسمت بزعل/لا خلاص..بعد انك





..ولفت..

قاسم/قولتيلى هتكونى جاهزة الساعة كام؟

قسمت ضحكت بعدين بوزت ولفت/مانسيتش يعنى؟

قاسم بضحك/لا

قسمت/ماشى..٧ هكون جاهزة..متأخرش

..أول ماسم جملة" ماتتأخرش" أفكر موقف قسمت جدتها وهى بتقولها لخالو..

..وراح فايق وهو بيهز راسه يمين وشمال ومبتسم..وقام قافل شفته ونازله وقسمت بصره عليه..

ودخلت شقتها جرى على البلكونه وبصت عليه..وبالصدفة قاسم خد باله من الشجرة اللى استخبي وراها خالو أحمد..راح واقف مبتسم وهو بيلمسها وبيرفع عينه عشان يتخيل قسمت(الجدة) وهى بصره لخالو..راح شايف قسمت جارتة..

..راح باصص للشجره باستغراب وبعدين بص على قسمت تانى وعى عمله نفسها مش واخده بالها..راح لافف وماشى..





قسمت ضحكت وجريت على التليفون عشان تحكى لأصحابها..

\*\*\*\*\*

قاسم بيغير هدومه فى اوضه زينهم وبيلبس هدوم محروس وبيقول/هو احنا كده هنروح  
نلم فلوس المعلم من التجارة

زينهم/أه

قاسم/طب هنروح نقولهم هاتو فلوسنا ولا مثلا فلو البضاعه ولا هاتو فلوس اللي بالى  
بالك؟

زينهم/ماتشغلش دماغك أنت..هنروح وهتشوف اللي هيحصل

قاسم/هو انت مضايق يازينهم



زينهم/مضايق من نفسى يا قاسم

قاسم/عشان اللي حصل امبارح

زينهم/امبارح وأول وأول وكل يوم

قاسم/زينهم!

زينهم بصله وهو بيقول/نعم!

قاسم/لأول مره ماتنادنيش ياكبير ولما ناديتك رديت بنعم!

زينهم وهو بيتوه الكلام/بص ياكبير..أحنا هننزل نروح للمعلم راشد..هنبتدى بيه ويالا  
عشان ماتأخرش

..وراح خارج من الأوضة بسرعه وهو بيقول/أما

..قاسم حس أن فى حاجه غريبه بتحصل مع زينهم او مخبى حاجه عنه ومش راضى  
يقولها..

..راح عادل هدومه وخارج



-----

..نزل زينهم معاه ولفوا على تجار الحشيش فى المنطقه ولموا فلوس منهم وعرفوهم ان  
البضاعه الجديده الفع هيكون مقدا..وجم لآخر معلم وهو المعلم "حنفى"..

..المعلم حنفى وهو وسط رجالته جوا دكانه مكرابه وبيشرب شيشه ويخرج الدخان فى  
وشهم/فلوس..فلوس ايه يازينهم؟

زينهم/فلوس البطاعه المكرتله يامعلم

حنفى/بضاعه..بضاعه ايه..اصل انا بنسى

زينهم/بضاعه الحج نعيم يامعلم

حنفى/زينهم..أمك فى الشع ولا طاريت

زينهم وهو بيفتح مطوته/طاريت مع رقابتك يامعلم



قاسم برء والمعلم شاور لرجالته بكل برود..والرجاله لفوا حواليين زينهم وقاسم..راح زينهم محاوط على قاسم..

..والرجاله هجمت عليه وبقي زينهم يضرب بالمطواه اللي يهجم ومنهم ضربه كانت هتيجي في شهر قاسم راح زينهم لافف وجات في صدره هو..وراح واقع ..وقاسم سنده بخوف

زينهم وعروق وشه بارزة وصوته مش طالع/جه الدور عليك..دافع عن نفسك لآخر نفس

..قاسم مابقاش عارف يعمل ايه وبقي يسند زينهم اللي بيقع ويبص للرجاله اللي بتلف حواليه..

..زينهم وهو بيتوه أداه المطواه في ايده..قاسم مسك المطواه وايده بتترعش وبص على الرجاله اللي ابنتت تهجم عليه..وساب زينهم على الأرض ووقف وهو بيبيع ريقه وراح متبت على المطواه واللى يهجم يهوشله بالمطواه يرجع خطوة لورا..وهما يتقدموا لحد مااترنق في الحيطه ومدوا ايديهم يضربوه..

ولقوا حديده عماله تضرب فيهم وهما يمسكوا دماغهم ويقعوا واحد ورا التاني..وراح قاسم باصص لقي زينهم طايح في الرجاله بالحديده ومافهوش أي حاجة !!

..الرجاله كلهم وقعت على الأرض وقاسم بببصله بز هول..وراح زينهم وكله غضب موجه الحديده على رقبة المعلم ورفع دقنه بيها وهو بيقول/أطير دلوقتي ولا افتكرت؟

المعلم/لا لا..افتكرت..في عرضك..الفلوس أهي أهي





..وراح مطلع شنطه من تحت الكرسي بتاعه ماياته فلوس واداهما لزينهم وهو بيبلع ريقه  
وخايف..

..خدها زينهم بأيده التانيه وهو بينتشها ونزل الحديده بشویش وهو بيقول/غلطه تانيه  
وهطيرها

..وخبطه بالحديدہ على رقبتہ وهو بينزلها وحذف الشنطه لقاسم راح قاسم لاقيفها  
بسرعہ..قام زينهم لافف وهو بيرمي الحديده على الأرض وجرى قاسم وراه وهو بيعدي  
على الرجاله وراح دايس غصبا عنه على ايد واحد منهم..قام الرجل متوجع..

قاسم/سوري

..وراح معدى عليه وجارى ورا زينهم..

قاسم بفرحة/ازاي عملت كده..قومت وضربت ده ووقعت ده وطاخ طوخ..ده أكشن بجد؟

زينهم بصله بعبس وقال/أومال هزار؟



قاسم/بس ازای..ده أنت كنت شبه فاقد الوعي!

زينهم/لا..دی حرکه اتعلمتها من ستي..فی كل خناقه تحصل بينها وبين الجيران تروح  
عامله نفسها مسورة يقوموا بعدین عنها وتقوم هاجمه هی عليهم من الضهر..ده تمويه  
عشان الدائرة تتفك

قاسم/لعبه يعنى..واو..أنت مزهل

..زينهم بصله وسكت..

قاسم باثاره/واو..مش مصدق

..ولسه هيكمل كلام لقي المغرب بيانن..

زينهم/ماتأخرناش كتير

قاسم/ايه دا؟..المغرب/الساعة كام؟..أنا تأخرت

وراح رامى الشنطه لزينهم وقال/انا لازم امشى

زينهم/استنى..مش هتسلم الفلوس معايا

قاسم وهو بيجرى/لا..سلمهم أنت





..وراح جارى على بيت زينهم وغير هدومه بسرعه وجرى..وخذ تاكسى وبقى يبص فى  
الساعه ويستعجل السواق وقبل مايوصل للبيت عينه جات على محل موتسيكلات ..

\*\*\*\*\*

وصل قاسم البيت وهو ببص على الساعه وطلع بسرعه على الشقه ودخل..

..قسمت طلعت الفستان من الدولاب وهو على الشماعه وهى فرحانه..

..قاسم دخل على الحمام ياخذ دوش..

..قسمت لبست الفستان وتنزله على جسمها وهو بيتزلق عليه وهى بتلبس الجزمة..

..قاسم بيتشرف وهو داخل اوصته..

..قسمت اعدت على كرسي التسريحة وابتدت تتمكيج..



..قاسم بيابس بنطلون البدله وهو مستعجل ويحط القميس جواه بسرعه..

..قسمت بتحط الايلينر وهى مغمضه عنيا..

..قاسم بيابس الجزمة ويربط الرباط..

..قسمت بتحط المسكرة وهى بتبريش..

..قاسم بيابس الجاكت قدام المرايا..

..قسمت بتحط الروج الفوشيا وهى فاتحه بؤها..

..قاسم بيابس الساعة وهو بيعدل الكرافيت..

..قسمت بترش البرفان على رقبتها وهو بيتناثر على صدرها..

..قاسم بيرش البرفان باستعجال..

..قسمت بتبص على نفسها فى المرايا وتأخذ شنطه سوده بتلمع وتقوم..





..قاسم ياخذ نفسه قدام المرايا ويخرج من الأوضة وهو ناسى موبايله من استعجاله وياخذ من على الشوفينيرا المفاتيح ويفتح الباب باستعجال وهو بيعدل سماعة ودنه ويببص فى ساعته وهو بيقلل الباب..فى نفس لحظة فتحة قسمت لبابها..

..ويبص على صوت الباب وهو بيثبت نفسه..وتخرج قسمت بكامل اناقته..ويوصلها قاسم من فوق لتحت ويبص على فستانها الفوشيا الستان الطويل والحزام الأسود اللى تحت صدرها والجزمة السوداء العاليه وتسريحة شعرها وهو مفرد وملموم من الجنبين بلحنتين لورا بتوكه سودة صغنه وفيونكه الحزام الأسود وهى بتقلل الباب..

..وتلف قسمت لقاسم وقلبها بيدق بسرعة وتبص لقاسم اللى مابطلش نظراته ليها والابتسامه مرسومه على وشه لا ارادى..

قسمت باحراج/ما..ماتأخرتش عليك صح؟

قاسم/تؤ..خالص

..ويوصلها تانى وهو مبسوط..

قسمت بكسوف/طب هنقف كتير؟

قاسم/ايه؟..احم..لا..ياللا

..وراحوا متقدمين خطوات لبعض..وشاور قاسم ل قسمت عشان تنزل الأول..وراحت قسمت مبتسمة ومسكه طرف الفستان ونازله قدام قاسم وهو نزل وراها وهو مبطلق فيها..و بظهر ايده بدون وعى يلمس شعر قسمت براحه وهو بينزل بايده عليه..قسمت تحس





بحاجه وتلف..يقوم قاسم فايق ومنزل ايده بسرعه..تبتسم قسمت لقاسم ويكملوا نزول وهو قاسم بيتنفس بسرعه..

..قسمت خرجت من الحوش وهي ماشيه لقدام..

قاسم/بسس..هشت

..قسمت لفت وهي بتسأل بوشها!!..

قاسم/تعالى هنا

..قسمت اتقدمت خطوات وقاسم راح لموتسيكل وهو بيحط مفتاح فيه..

قسمت/ايه دا؟

قاسم/موتسيكل

قسمت/بتاع مين؟

قاسم/موتسيكل ومفتاح وأنا..يبقى بتاع مين؟

قسمت/أول مره أعرف ان عندك موتسيكل



قاسم وهو بيركب/لأن أول مره يبقى عندي

قسمت/يبقى ضمنا حادثه والحمدلله

قاسم/ربنا يستر..خايقة

قسمت/لا..هو بسـ

قاسم مديها ايده وقال/ماتخافيش

..قسمت بصت فى عنيه ومدى صدقها فى كلمه ماتخافيش وبصت لأيده وراحت مسكاها  
وقلبها بدا يدق جامد..وراحت حطه رجليها على المسند واعدت وراه ولما تمكنت من  
الأعدده سابت ايده براحه..

قاسم وهو بيشغل الموتسيكل/امسكى جامد

قسمت/ليه؟

..وراح قاسم طالع بالموتسيكل وهو بيلفه لاتجاه الشارع..راحت قسمت مصرخه وقفشه  
فيه..

قاسم بضحك/عرفتى ليه

..قسمت سكتت وهى مكسوفه..

\*\*\*\*\*

وصل قاسم بقسمت عند الكوافير بتاع عزة عشان يحضروا الزفه من بعد شرح قسمت للمكان..

..ونزلت قسمت من على الموتسيكل وهى بتعدل نفسها وقاسم ركن على جنب..

..ولأول مره قسمت تشوف العريس اللي كان مستنى عروسته تحت..

..وتنزل عزة من الكوافير وهى ماشاء الله منورة بالفستان والطرحه اللي زيدها جمال والتاج اللي فوق الطرحه مديها لمسه جمال رقيقه..ونزلت جنبها شاهنده وهى ملبوخه بالحاجات اللي فى ايديها..

..وتجرى عليها قسمت أول ماتشوفها ويبصلها العريس وهو مبسوط..عزة أول ماتشوف قسمت تضحك..







..عزة اتكسفت..

..قسمت راحت لقاسم وقفت جنبه وشاهنده ركبت عزة جنب العريس..

..قاسم سند قسمت عشان تعد على الموتسيكل وشغله..

..شاهنده أول ماركبت جنب اللي سايق العربيه وبدون وعى سندات ايديها على ايده وهي عوجه نفسها وبتقفل الباب...

..وتلف راسها بسرعه وهي بتصرخ..

كلهم/في آيه؟

شاهنده بصوت عالي/الأستاذ مسك ايدي

الشاب/والله العظيم ابدأ..أنا حاطط ايدي هنا عادى وهي اللي سندات ايديها عليا

وما تكلمتش عشان ما جرحهاش

شاهنده/وكمان بتكذب

الشاب/والله يانسه ما عملت اللي في دماغك ده

شاهنده/يعنى انا بتبلى عليك



..عزة بصت للعريس وهي زعلانه..

العريس/خلاص يا عمرو..عديها

..عمرو بصله وسكت..شاهندة بصتله من تحت لتحت بغيظ وما اتكلمتش..

..وظلعت العربيات ووراهم قاسم وقسمت وهو عمال يزمر وقسمت سانه ابيديها على كتفه ومبسوطه..

..ويوصلوا لبنت عزة اللي معمول فيه الخطوبة..

..عزة طالعه على السلم جنب عريسيها والزغاريط شغاله من الأهل والأحباب ووراها قسمت وقاسم ووراهم شاهندة وباقي المعازيم..

..طلعت عزة لشقتهم وقابلتها خالتها بالزغاريط وأخوها من على الباب ودخلوا كلهم وأغاني الكمبيوتر اشتغلت واللى اعد بيشر ب حاجه ساقعه واللى بيرقص واللى يصقف واللى يخدم وقسمت واقفه جنب قاسم..

قاسم وطى عليها وقال/عقبالك

قسمت بصتله وقالت/عقبالك أنت كمان

قاسم/ان شاء الله..ان شاء الله





وبص الناحيه الثانيه ..

..عمرو جه من ورا شاهنده اللي كانت واقفه بتصقف وقال/أنا ركنت العربيه

..شاهندي لفت وهي بتبصله من فوق لتحت ..

عمرو بلقل في الكلام/ال..العربيه..ركنتها

شاهنده/والمفروض اعمل ايه انا دلوقتي؟

عمرو/لا..ولا حاجه

..وسكت وهو مقموص وشويه قال/شاهنده صح؟

..شاهنده لفت بصتله تاني من فوق لتحت وسكتت ..

..عمرو ضحك وسابها ومشى..وراح لوالدته وشوشها في دنها..بعدين شاورلها على شاهنده..راحت بصره عليها من فوق لتحت وضحكت وهي بتبوسه..بعدين كلمته في ودقام هازر راسه وراجع لشاهنده ومامته متبعاه بنظرها شويه وشويه تتكلم مع الناس ..

عمرو/أنا..أنا كلمت ماما



شاهنده لفته بقى عشان تهزوا وقالت بنرفزة/يعنى انت تمسك ايدى وتقولى ماحصلش  
وهنا تيجى تكلمنى واءعبركش وتقولى ركنت العربيه وكلمت ماما..ناقص تقولى أنا ناوى  
أخطب!

عمرو بابتسامه/طب ماانا فعلا ناوى أخطب..عرفتى ازاي!

شاهنده بقرف/مكشوف عنى الحجاب

عمرو/طب والحجاب ده ماقالكيش هي مين؟

شاهنده/هتكون مين يعنى غير واحده ظريفه زى الظريف اللي هيخطبها!

عمرو/أنتي!!

..شاهنده الكلام وقف فى زورها ووشها جاب ألوان وعنيها باقت راحه جايه وخدودها  
أحمرت زى الطمطمايه واتكسفت من اللي قالتها واللى عملته مع عمرو ولسانها الطويل  
اللى مايبسترش..

عمرو/يعنى بتتكسفى أهو زى البنات

شاهنده بأدب وكسوف/لا..ماهو أنت فاجئتني الحقيقه

"وراحت قلبه وشها" أنت بتتريق عليا 0.0



عمرو رفع ايده بضحك وقال/ماحصلش

..شاهنده اتكسفت ورجعت شعرها لورا وانسحبت بهدوء عشان ماحدثش يلاحظ وكمان هي اتلغبط وراحت لقسمت وعمرو طمن مامته بابتسامه..راحت مزغرطه وداخله راقصه فى نص البنات اللى بترقص..

شاهنده وهى بتشد قسمت من ايديها/كوكو..كوكو..عايزاكى فى كلمتيين

قسمت لقاسم/هكلم شاهنده

..قاسم هنز راسه وشرب الحاجه الساقعة..

قسمت/فى ايه مجرجرانى ليه

شاهنده/أنا مش قادره اتحرك وجسمى كله سايب وبترعش وحاسه انى سخنه

قسمت بخوف/ياحبيبتى..تعبتى؟

شاهنده/لا..فى عريس

..قسمت فتحت بؤها باندهاش..

شاهنده/مالك؟



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

202



قسمت/فجاءه كده..مين ده؟

..شاهنده شاورت على عمرو بكسوف..قسمت بصت وعجبها عمرو وقالت/لا لا..لايك  
عليكى ياشو

شاهنده/لا ولسانه طويل كمان

قسمت/طالعك يا حبيبتى..ياللا رينا بياخد بحق زوزا

شاهنده/للأسف

قسمت/ياللا عشان زوزا بقى

..وراحوا وقفوا جنب عزة وصقفوا وجه معاد تلبيس الشبكة واشتغلت أغنيه"يادبلة  
الخطوبة عقبالنا كلنا ونبنى طوبه طوبه فى عشة حينا"ولبس العريس عزة توينز ودبله  
وهى مبسوطة واشتغلت الأغانى من تانى وبعديها الزغاريط وقامت عزة ترقص مع  
عريسها وهى مكسوفه وشويه تشد قسمت وترفض بكسوف وقاسم عمال يبص عليها  
وهو بيضحك..

وتدخل شاهنده ترقص وعمرو يتحشر فى النص عشانها وعزة تقول لخطيبها يزق قاسم  
يرقص..يقوم شادد قاسم من ايده عشان يرقص..ويرقص قاسم فى وش قسمت وهو  
بيضحك وهى مكسوفه..ويحس قاسم ان الدنيا وقفت من حواليه ومافيش غيره هو و قسمت  
ويبص جوا عنيتها وهو مبسوط وقلبه بيدق..ويخرج براه احساسه بسرعه على صوت  
الأغانى ويكمل رقص معاهم..



\*\*\*\*\*

قاسم بيركن الموتسيكل تحت العماره وهو بيضحك هو وقسمت وصوت ضحكهم بيرن فى  
سكون الليل..وتنزل قسمت من على الموتسيكل وهى عماله تضحك وقاسم ينزل يشدها من  
ايديها على الحوش عشان الصوت..ويطلعوا على السلم وهما مازالوا بيضحكوا..

قاسم بضحك/هشش..هشش ش..حد يسمعنا

قسمت بضحك/وهو لسه فى حد ماسمعناش..ماخلاص زمان الكل سمع

..ويجيلهم هسترية ضحك تانى ويوصلوا لدورهم..

قسمت سكتت فجاءه وقالت/ايه دا؟..انا ماتصورتش..وراحت شياكتك ياكوكو

قاسم/وراحت ليه..أحنا فيها

..وسابها وفتح شفته ودخل..قسمت رفعت كتفها وهى مش فاهما..وراحت فاتحه شقتها  
وداخله..قاسم خرج مالفهاش..راح رادد بابيه ودخل وهو بيرد الباب وبيقول/قسمت..قسمت



قسمت خرجت من اوضتها وقالت/نعم

..راح قاسم لاقط صورة بالكاميرا الكبير اللي دخل يجيبها من شتقه ..

..قسمت حطت ايديها على نص وشها وهي بتضحك ..راح قاسم لاقط صورة تانيه ..قسمت  
مدت ايديها لقدام وهي بصبه بالجنب ويتقول/بس ماتصورش

..راح قاسم لاقط صورة تانيه وهو بيضحك ..

قسمت/كده ..طيب ..هاه

..وراحت مطلعها لسانها وهي مكرمشه مناخيرها ولازقه في الكاميرا ..راح قاسم عاج  
الكاميرا بزوايه ولقط صورة ..

قسمت جالها حالة جنون ولا وعى واعدت تنتظ وترفع شعرها وهي بتلف بحماس ..

قاسم اندمج وقلع الجاكيت رماه على الأرض وقال/أعدى هنا

..وشاور على الكنبه ولقط صورة وشويه قالها/اقفى هنا ونلقط صورة ..ووقفت جنب النيش  
ولقط صورة وشاور على الكرسي ..واعدت عليه ..وراح قاسم موطى قدامها وشال التوكه  
اللي رافعه بيها شعرها ..وفرده على الجنبين براحه ..وقسمت قلبها بيدق من لمستة  
لشعرها وريحة برفانه اللي عبت انفاسها كلها ..



فرد قاسم شعرها برقه وبيصله وسرح بخياله مع شعرها وهو عمال يحرك فيها عشان يتفرد..وعدل القصه على الجنبين وبص لجوا عنيا وهو بيتأملها وتاه فى عمق نظراتها اللى بتحكى عن حب شيلاه جواها ومستخبي..

ومن غير مايحس حرك صوابه بين شعرها وهو بيفرده ونزل بيهم على وشها بشويش وقسمت مستمتعته بكل لحظه معاه..بعدين حرك اطراف صوابه على عنيا وهو بيغمضهم وبيقرب منها..وباس خدها باستنشاق عطرها..ومن خدها بوسات متتاليه حتى شفايفها..وباسها بوسه حب وهو مغمض عنيه وهى عايشه معاه كأنها فى حلم..

بعدين بعد وهو بيفتح ورجع بص جوا عنيا ومسك ايديها وقفها ومشى قدامها وهو باصصلها وهى ماشيه معاه كأنها فهماه وفهما نظرات عينونه والحب اللى بان عليها..

وراح داخل اوضتها ورفع ايديها وباس باطن ايديها بحنيه..وحوط ايده على وسطها وهو بيقربها منها وشالها بالأيد التانيه كأنها عصفوريه رايعه لعشها وأمانها..ومشى بيها لحد السرير وهى سرحانه بحبها له..

وحوطها على طرف السرير بشويش وهو بيعد على ركبته وقرب منها وهو بيشم البرفان بنفس عميق كأنه بيسكره ويدروخه زياده ويوديه لدنيا تانيه..وهى بتقرب منه وتشم برفانه وهى مغمضه..

ويقرب قاسم شفايفه لرقبتها ويبوسها عدت مرات متتاليه ولتجه لكتفها باسه وهو بيقبلها كتف الفستان ويبوس كتفها العارى بحب..





..وهي ترفع راسها لفقوق وهي ناسيه الدنيا ونشره صوابع ايديها على رقبته..ويمد ايده  
التانيه يقلعها الكتف الثاني للفستان وهو بيميلها لورا براحه على السرير ويميل معاها  
وهو ساند ظهرها..ويبدوا بتلاحق القبلات الساخنه وهما في عالم تاني ومش مدركيين  
عواقب اللي بيحصل..

\*\*\*\*\*

..شاهنده ماشيه جنب عمرو بكسوف ومستعمه لحديثه عن حياته باهتمام..

عمرو/ومن ساعه مااتخرجت وانا ماسك وكالة والدي..ولما كبرت ودق معاد الجواز كن  
رافض بسبب حب فاشل كرهني في الجواز وسيرته..بس لما شوفتك يا شاهنده كل حاجه  
اتغيرت..فجاءة قلبي بدأ يدق وعيني مش راضيه تنزل من عليكي ومش..مش قادر ابعده  
عنك وحاسس أنك بقيتي مسؤله مني..مش عارف كل ده حصل ازاي من أول مقابله..بس  
بينه الحب من أول نظرة♥

شاهنده رجعت شعرها ورا ودناها وقالت بكسوف/أحم..هو بس،تو..هو انا فهمتك غلط في  
الأول وافتكرت بتعاكس بس لما كلمتني بصراحة فهمتك وعرفتك واتعرفت على شخصيتك  
وأكتشفت الجانب الطيب فيك

عمرو/يعني انا طيب..طب اتهمتيني اني مسكت ايدك؟!!

شاهنده/لأنك مسكتها فعلا..عمرو انا مش هكذب!

عمرو/والله مسكتيها يا شاهنده





شاهندة/والله والله أنت اللى مسكتها

عمرو بضحك/الهم ان القدر جمعنا..أنا عشان صاحبي وأنتى عشان صاحبك..بمسكة ايد  
مش بمسكه ايد المهم أننا مع بعض

..شاهندة اتكسفت وكملت الطريق..

وعند بيتها قالت/أهو ده البيت

..عمرو بص على البيت بعدين بصلها وقال/١٥ شارع عمر حسين..١٥ شارع عمر حسين

شاهندة/خلاص

عمرو/عشان احفظة

شاهندة/وأنت ناوى تنساه؟

عمرو/ماخلاص اتحفر جوا قلبى هو وصاحبته

شاهندة وشها أحمر وقالت/طب هطلع أنا

..وراحت لفة..



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

208



عمرو/يوم التلات هكون موجود الساعة ٨ أنا والحج

شاهنده لفت بسرعه وهى بتقول/ايه؟

عمرو وهو ماشى/الساعة ٨..التلات..انا والحج

..وراح ضاحك وماشى..

..شاهنده لفت وطلعت على السلالم بمختره وهى سرحانه..وفجاءه طلعت جارى على السلم وهى بتضحك وتتنطط..

\*\*\*\*\*

صحى قاسم الصبح وهو بيفتح عينه بالعافيه وباصص للسقف وساكت..لحظات بسيطة وادرك انه مش فى أوضته..اتفاجئ وبص حواليه بتساؤل..وبعدين حاول يقوم يلاقى قسمت نايمه على ايده ونص ظهرها عريان والباقى متغطى بملايه ويبص لى نفسه بسرعه يلاقى جسمه عريان..ويحرك نينى عينه حواليه بز هول وهو بيحاول يدرك ان ده حقيقه مش خيال..



..وأن اللي كان داير في دماغه امبارح ده حصل فعلا ماكنش مجرد حلم جميل نفسه  
يحققه..ويحاول يقوم وهو بيثيل ايده من تحت قسمت بخوف..وتتحرك قسمت وهي بتقلب  
الناحية التانية..يقوم صاحب ايده بسرعة وهي تكمل نور..

..يروح شايل الغطا من عليه وقايم بفضعه وهو بيلم هدومة المتناثرة في الأوضة ويبدأ  
يلبسهم..ويحط القميص جوا البنطلون من غير مايقفل زرايره ولا يقفل الحزام..وياخد  
جزمته وشرابه في ايده ويخرج جاري من الأوضة..يلاقى الكاميرا على الأرض..ياخدها  
والجاكيت مرمى على الأرض ياخده ويفتح الباب اللي ماكنش مقفول من امبارح واللى كان  
مردود شويه..ويخرج جاري على شفته اللي برضو باباها كان مردود ويدخل يقفل الباب  
ويسند عليه من ورا ورجليه تتسحب لقدام بهدوء وينزل على الأرض براحة وهو مفزوع  
ويفضل مبرء في مكانه وهو بيبتكر اللي حصل بكل تفصيله صغيره...

..ويفوق على صوت موبايله وهو بيرن ويمسح وشه وعينه اللي كلها محمره..ويركز مع  
الصوت ويقوم يقف ويمشى وراه..ويلاقى تليفونه في الأوضة..يدخل يرد على طول/ألو

زينهم/ياكبير وانا مصالح..فينك

قاسم/أه..انا جاي أهو

زينهم/مستنيك

..ويقفل قاسم الموبايل ويسيبه..ويقلع حدومة مكانه ويدخل الحمام..ويفتح الدوش وهو  
بيجس الميه بايده ويفتكر وهو بيبوس ايد قسمت..حس ان قلبه اتقسم نصين..نص  
خدت(أنا)ونص تاه مع قسمت..راح شايل ايده ومع أن الميه كانت سخنه جدا دخل تحتها





وهو عمال يفكر في واللى حصل ويجز على سنانه ووشه عمال يتهز مع الجز..ومش  
حاسس بسخنيه الميه و جلد جسمه بوشه أحمر و لدرجه أنه كان هيتسلخ وهو مش  
حاسس كأنه بيعاقب نفسه على اللى عمله..وراح قافل الدوش..

\*\*\*\*\*

قسمت نايمه على وشها وهي الإبتسامه مرسومه على شفايفها من امبارح..وبتلف وشها  
وهي بتنزل ايديها جنبها وتحرك ايدها على السرير وتفتح عنيتها وهي مازالت مبتسمه  
وووو لحظات وتبرء وهي بتعد على السرير بسرعة وشده الملايه على صدرها بفزعة..

..وتبص جنبها تروح معيطه وهي شده شعرها وموطيه راسها..

\*\*\*\*\*

قاسم بص في المرايا وهو مبوز..وحط الكاميرا الصغيره في جيبه ولبس جزمته وفتح  
الباب ووقف اول ما بص لباب قسمت يروح قافل باباه وهو زعلان..ويمشى بخطوات بطينه





لناحية شقه قسمت ويقف قدامها وهو بيحرك اطراف ايده على البنطلون ويرفع ايده  
يخبط. يروح نافخ ويضم صوابع ايديه وينزل على السلم جاري..

-----

..قسمت لبست وهي بتعيط وراحت بصره في المرايا ومسحت دموعها وفتحت شقتها  
وجريت على شقه قاسم واعدت تخبط وترزع جامد وتعيط وتخبط اكثر.. وصعبت عليها  
نفسها..

..وتنزل حنان على الصوت وهي بتبص ومستخبية وتشوف قسمت عماله ترزع على قاسم  
وهي بتعيط. تشك ان في حاجه..

..قسمت تعبت من الرزع ومافيش فايده.. راحت ضربه الباب برجليها ودخلت شقتها واعدت  
تعيط..

\*\*\*\*\*

قاسم بيغير لبسه قدام زينهم ولما خلص علق هدومه وقال/هتقولي ولا أقولك؟





زينهم كان سرحان بعدين انتبه وقال/ايه؟

قاسم/هتقولى اللى فيها ولا أقولك أنا

زينهم/نقول ايه؟

قاسم قرب منه وقال/قولى أنت فى ايه بدل مابدأ أنا واقولك ايه اللى غيرك

زينهم/هو..هو أنا أتغيرت؟

قاسم/وهو أنت مش ملاحظ؟

زينهم هز راسه وقال/ملاحظ

قاسم/بتحب؟!!

زينهم/من أول ماشوفتها على باب نادى من بتوع الأغنيه ده وعيني مااتشلتش من عليها وأنا بحبها..يوميه شوفتها خارج من النادى مع أبوها وأمها وأخواتها واصحابها..ناس نضيفه..عربيات لبس وسهر ونادى وقلل وبيلمان مالناش فيه أحنا..خطفت قلبى يا قاسم وبقيت عارف عنها كل حاجه والتغير ده كله عشانها

"و عينه لقلقت وهو بيقول"أنا عارف أن عمرى ما هوصلها بس بحاول ابقى نضيف

قاسم/وعمرى ما هوصلها ليه؟



زينهم/دى بنت أكبر رجل أعمال فى البلد..منصور سيد العالى

..الاسم خبط فى ودان قاسم ز الدبش..وأعد يتردد فى ودنه بصوت الحجه زينب وصوته وهو بيكلمه فى التليفون وصوت زينهم وهو بيقوله..وراح باصص لزينهم اللي بيضحك بقلب مكسور..

وراح قايم زينهم عشا ينسى الموضوع وقال/تصدق العيال ولاد الأغنيه دول بيتسحموا كل يوم..عيال مقمعه كده

..وراح فاتح باب الأوضه وخارج وقاسم واقف مزهول

\*\*\*\*\*

قسمت أعده على الكنبه وهى بتعيط ومخبيه راسها فى ركبتهها..ويرن تليفونها..تروح رافعه راسها ومسحه دموعه فى كتفها وتقوم تدور على التليفون وتلاقيه على السفره..تاخده وترد بصوت مبجوح/ألو

شاهنده بفرحه/ألو ياكوكو..انا فرحانه..فرحانه أوى..عمرو جاى يوم الخميس مع أهله ومركبه وملبوخه وورايا حاجات كتير أوى ومحتاجاكي معايا



قسمت/مش..مش هقدر يا شاهنده

شاهنده/لا بقى..عزة ومشغوله..أنتى بقى مش عايزة حجج

قسمت/أ..أنا

شاهنده/من غير حجج بقول..هتيجى تعدى معايا اليومين دول عشان تساعدينى

..قسمت سكتت..

\*\*\*\*\*

قاسم واقف قدام بوابة فيلا مكتوب عليها(فيلا منصور سيد العالى)

فتح البواب وقال/افندم

قاسم/مستر منصور سيد العالى..موجود؟





البواب/نقوله مين؟

قاسم/هو هيعرف لما يشوفنى

البواب/استنى هنا أديله خبر

..مشى البواب ووقف قاسم مستنيه..

شويه وجه البواب وقال/البية بيقولك ما بيستقبلش زيارات من حد غريب

قاسم/طب قوله أنى قاسم ومن طرف الحج زينب والدته

البواب/هاه!

قاسم/قوله كده يالا

..وراح البواب ماسك ديل الجلبيه بأيده وايده التانيه فوق راسه وطلع جارى على الفيلا..

شويه وخرج/البية بيقولك اتفضل

..قاسم ابتميم ورفع ايده مسك ياقه جلبيه البواب وعدلهاله وطبطب على كتفه وعدى من البوابه..



..أول مادخل الفيلا لقاها لا تقل فخامه عن برا..ودخل الهول وهو ببصص على الفيلا  
كويس..

ويجيى البواب من ورا ودنه يقول/من هنا

قاسم يتخض ويلف وهو بيقول/مش كده مش كده يا..اسمك ايه

البواب/حسنين مجاهد محمد محمود عبصمد بوروء

قاسم/بوروء..أنت من عيله بوروء الشهيرة على كده

البواب بز هول/أنت تعرفها؟..ياحلاوة..ايوة وبلا فخر

قاسم/ده أحنا بلديات ياراجل

البواب/ديهدى..أنت من حدانه على اكديه

قاسم/هاه..ايوة من حدانه على كديه..بقولك ايه..هدخل ونبقى نكمل كلامنا

البواب بضحك/دا أحنا هبقى حبابب..اتفضل

..وراح فاتحله اوضه المكتب..ودخل قاسم وهو بيضحكه وأول ماشاف منصور وشاف  
تكشيرته كشر..



قاسم بعد ماوقف اتقدم خطوات وقال/أنا

منصور قاطعه بغضب/عايز ايه؟

قاسم/أنا كلمتك على التليفون وأنكرت انك منصور سيد العالى ابن الحجه زينب بياعه  
الخضره

منصور/أنا مااعرفش حد بالأسم ده..أنا نهيت علاقتى بيها وبالচারه وبكل حاجه متعلقه  
بالماضى

قاسم/ويا ترى تقدر تمحى من ماضيك ست شقيت عشانك وربتك وعلمتك من شويه خضره  
قدام البيت واستحملت وجع وحمل ٩ شهور وكسرة ضهر ولادة عشان تيجى أنت تشرف  
الدنيا..والفرحه اللى بتنط من عنيتها لما تقولها أنا نحت وأملها فيك وتحقيقها لطمحاتك  
وشقاها وقلقها عليك فى سفرك و ١٨ سنة ماشوفتهاش وحتى ولا خايف عليها وعلى  
عيشتها لوحدها

منصور اتصدم لأنه ماكنش يتخيل أن فى حد هيجبى ينكش فى بواقى الماضى اللى جواه  
ومااعرفش يتكلم/أنا..أنا..أنا

قاسم قاطعه/مش لاقى كلام تقوله صح

..وراح الباب مفتوح ودخل ولد من الباب وهو حاطط هاند فريه فى ودنه وعمال يرقص  
رقص أجنبى ويقول>Welcome.. I miss you Dad./أوأو



..ووقف وقال/مين دا؟

..وما اهتمش بالأجابه وكمل رقص وهو بيشوح بالرقص وراح لباباه وهو بيقول ا.. /dad  
need money

منصور بلقله/أه..أه مش وقته

الولد /I need money now..Come on ياالا هتأخر على الشله

منصور بز عيق/وسام

..وسام شال الهاند فريه ووقف..

منصور/قولت مش وقته ياالا اطلع

و

سام بغضب/العيشه معاك باق...Impossible dad أنا هسافر مع مام America ومش  
هرجع Egypt تانى وعيش أنت لوحدك أوف

..وراح خارج بغضب ومنصور نده عليه ماردش وبص لقاسم وهو بيضحك وبيدارى  
نظراته من قاسم وقاله/أ..أهاها..شباب البومين دول طاشين

قاسم/اليومين دول! أممم



..منصور مسح عروقه وقال/أنت عايز ايه بالظبط..فلوس..هديك فلوس بس تخرس نهائى  
ولابد وماتحاولش تشووه سمعتى قدام الناس

قاسم/بترشيني..طب أنا هقبل الرشوة دي بس مش عايز فلوس

منصور/أومال عايز ايه؟

قاسم/تزرور الحجه زينب والدتك! وتشوفها لآخر مره فى عمرك

منصور/قصدك ايه؟

قاسم/الحجه زينب بتموت ووصتني أنها تشوفك قبل ماتموت

منصور بخضه/أمى..أمى انا بتموت

..وفى نفس لحظة فتحة الباب ودخول بنته وأول ماتسمع الكلتيين دول تحط ايديها على  
بؤها وهى بتقول dad..grandfather/عايشه؟

..يبص قاسم وراه ومنصور على بنته وتيجى الأم من وراها وهى بتقول/أنا مابقتش  
مستحمله العيشه فى مصر وهاخد الأولاد ونسافر على أمريكا وده قرار نهائى

..وتلاقيهم كلهم واقفيين متحيين تقول/فى ايه؟!!



..وكلهم يبصولها..

\*\*\*\*\*

قسمت لمت شنطة صغيره فيها هدوم وخذت الموبايله وقفلت شقتها كلها ومشيت ناحية  
شقة قاسم ورفعت ايديها تخطب..وراحت معيطه وكتمت بؤها ونزلت جرى..

\*\*\*\*\*

قاسم ماشى فى الحارة وهو مبسوط وباصص قدامه على منصور اللي حاضن ولادة  
وماشى بيهم فى الحارة ويحكلهم على طفولته وهو بيعرفهم الطريق ومراته ماشيه جنبهم  
وأول ماوصل للبيت قال/وده البيت اللي اتربيت فيه

وسام/يع.ده

بنته/Wonderful/

وسام/This is bad

..بقاسم واقف وراهم بيضحك عليهم وجايين يدخلو البيت سمعو صوت البقال وهو  
بيقول/رايحين فين؟

..لفوا كلهم وقال منصور بضحك/عم رجب

عم رجب/منصور!!..اتفو عليك..خلفة تعر

..كلهم زهلوا..

قاسم/عم رجب..منصور بيه عرف غلطته وجه يشوف والدته

عم رجب/بعد ايه...بعد ايبويه

منصور/يعنى ايه بعد ايه.. اتكلم

عم رجب/الحجه زينب ماتت وسابتك الدنيا باللى فيها

..البنبت و والدتها مسكو فى بعض..وسام وقف وهو بيرفع كتفه..منصور اتصدم..

قاسم بز عيق/أنا كنت سايبها كويسه ايه اللى حصل



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

222



عم رجب/فى ليلتها وبعد مامشيت ..دخلت اظمن عليها زى كل يوم..وبكلمها ماتنطقتش  
حركتها ماتحركتش ولقيت دموع على وشها ومكلبشه فى ايديها الورقه دى

وطلع من جيب الجلبيه الورقه اللي مكتوب فيها رقم ابنها وأدهاله وهو بيقول/اهى وجريت  
على الصحه جبتهم قالوا ماتت ..أهل الحته لموا اللي قدره عليه للدفن وفلوس الكفن كانت  
بال ١٠٠ جنيه اللي لقيناها تحت مخدتها

..قاسم افكر ال ١٠٠ جنيه اللي رماها تحت الخضره وغمض عينه وهو بيتألم وأنه  
ماقدرش يحقق وصيتها ..

..منصور عيط لأنه ماقدرش يشوف والدته قبل ماتموت ولا حتى تقول مسامحاك ..ولادة  
ومراته سندوة لحد العربيه وهما بيعيطوا ..وقاسم وقف قدام البيت وهو بيمسح دموعه  
ومشى وراهم وهو مكسور ..

\*\*\*\*\*

شاهنده أعده مع قسمت فى أوضتها وعماله تطلع لبس من الدولاب وتلبس وتقلع وتطلع  
وتدخل وتورى قسمت و قسمت سرحانه وساعات ترد وعشرة تنتج ..

شاهنده سابت اللي فى ايديها على الأرض وربعت ل قسمت على السرير وقالت/لا ..كده أكيد  
فى حاجه





قسمت/حاجة ايه؟

شاهنده/سرحانك وتوهانك وتنتيحك مش طبيعي

قسمت وهى بتبعد نظراتها عنها/مانا على طول سرحانه وايه الجديد

شاهنده/لا مش للدرجة دى!..مالك؟

قسمت/أنا كويسه وبعدين سيبك منى وخلينا فيكى أنتى

شاهنده/أنا..أنا مبسوطه مبسوطه وهتطير من الفرحة..وحاسه انى بحلم ياكوكو وأنى مش  
عايزى اخرج من الحلم ده ابدأ

قسمت بحزن/ربنا يسعدك ويبسطك دايمًا

وتليفونها يرن..وتبص فيه وتقول/دلوقتى!!..اشمعنى؟

شاهنده/مين؟

قسمت/بابا

شاهنده/مكالماته كترت ياكوكو وانا قلقت



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

224



قسمت رفعت كتفها وفتحته وهي حطاه على ودنها..

ياهاها/قسمت حبيبتى..عامله ايه وحشتينى

قسمت/مانت لسه مكلمنى من اسبوع..وحشتك؟

باباها/طبعا يا حبيبتى..بقولك ايه أنا معاد سفرى لمصر اتأجل ماتيجى أنتى تعد معايا..أنتى وحشائى ونفسى اشوفك

قسمت/أجيك..ط..طب والجامعه

باباها/أنا اقدر انقلك ورقك بسهولة..يابنتى أنا مش قادر ابعده عنك تانى كفايه علينا السنين دى كلها..وأخواتك نفسهم يشوفوكى

قسمت/أممممممممم

باباها/هاه أنقل ورقك

قسمت/لا لا شكرا..امتحاناتى قربت ومش هتضيع السنه دى عليا ومش هعرف اتأقلم هناك

باباها/بس أنا نفسى اشوفك واخذك فى حضنى أنتى بنتى يا قسمت

قسمت/أن..أنا ورايا مذاكرة..سلام



..وراحت قفله قبل مايرد و عيبت ..

شاهنده/يانهار أبيض كل ده عشان كلمتى باباكي!

..قسمت بصتلها وسكتت ..

شاهنده اتنقلت جنبها وخذتها فى حضنها وقسمت كملت عياط وهى مش قادره تحكيها  
اللى حصل ..

\*\*\*\*\*

منصور فى أوضة المكتب قافل على نفسه وماسك صورة لمامته وباباه وفى الإيد التانيه  
ورقه الرقم وذكريات قديمه بتلاحقه ودموعه تنزل مابين كلذكري والتانيه على كل صورة  
وصورة من غير صوت ..

-  
قاسم أعد بره مع مراته وبنته ومش راضيه يسببهم ..

مراته/أنا مش عارفه هو ازاي يخبي عننا حاجه زى كده



قاسم/أحيانا عيشة الإنسان جوا ظروف مادة واستحقار الناس ومعيرتهم لفقره بتقلب مع أحواله لما يتحول من مستواه وخروجه عن دائرة الفقر وهول المنظر والمحيط بتاع الغنى بيخليه عايز يوصل لفوق وينسى كل اللي حواليه حتى أهله وأنه يبعد عن قاع الفقر وعنهم عشان مايوقعش من الهرم اللي بناه لنفسه وشعورة بأن ده الصبح بيضغى على احساسه وحبه وحرمانه لأهله..هو رسم فى دماغه أن عمله وشغله ومجهود ومراته اللي من لمستوى العالى وولاده اللي اتربوا على نفس المستوى بتاعه وحسر نفسه جوا قوقعة الغنى

بنته/بس ده تفكير غلط

قاسم/ده من وجه نظرك لأنك ماجربتيش عيشة الفقراء عامله ازاي ولا النومه على البلاط والشحاته على ابواب الجوامع..الفقر ده بيتولد مع الإنسان كأنه مرض بس مالهوش علاج..وشوفى بقى لما مريض كانسر مثر بيشفى من مرضه أو حتى يبقى عنده أمل أنه هيشفى..بيبقى عامل ازاي وشوفى فرحته قد ايه وبعاد المريض عن أى حاجه ممكن تسبب رجوعه للمرض ده..أهو الفقر عامل زى الكانسر بالظبط ياتتغلب عليه ياليتغلب عليك

وسام/واو dad..مريض فقر..واو

..وراح قايم وطالع على اوضته..قاسم سند كوعه على ركبته وابتسم وهو شايف فى وسام اهمال فوق العاده اتجاه والده..

الأم/احنا اكيد معطينك يااستاذ قاسم وعارفين والله ان وراك اشغال وتعبنك معانا

قاسم/ولا يهملك..انا اللي حبيت اعد معاكو شويه عشان مستر منصور



.وراح واقف وهو بيققول/هظمن عليه وامشى على طول

بنته/اكيد..اتفضل

..ودخل قاسم المكتب واول ماشافو منصور مسح دموعه بسرعه..

قاسم/ليه؟..ليه تمسحهم..دموعك دى اكبر دليل على ندمك وكل دمعته فيهم بتنزل بتغفر  
ذنوب ليك..ياريت تطلب من ربنا انها تسامحك يمكن تجيلك فى يوم من الايام وتقولك  
سامحتك ياابنى

منصور بعياط/كفايه كفايه..كلامك ده بيجرح فيا اكثر مانا مجروح

قاسم/جروحك وعذابك اللي بتتكلم عنهم مايجوش ذرة واحده مالى عملتو فيها

..منصور عيط اكثر ومشى قاسم وهو بياخذ نفسه جامد وارتاح انه خد القرار الصح فى  
أنه ماقالش لمنصور انه والدته سامحته وسابه مع عذاب ضميره شويه..

\*\*\*\*\*

روح قاسم على البيت وأول ماوصل لدورة طلع براحه وفتح شفته وهو بيبص على شقة  
قسمت وقفل وهو لسه براه واستنى..شويه وفتحة تانى ومالقاش قسمت طلعت زى العادة..



..راح سايبه ومشى بخطوات بطيئة على شقتها وخبط براحة ماحدش رد خبط تانى مالمقاش  
رد..اضايق ودخل شقته وقفل..

..دخل المطبخ شرب ميه وهو بيبص على مطبخ قسمت لقاءه ضلمه اضايق أكثر ومشى  
لأوضته وحاول ينام..فوق النص ساعة ماعرفش ينام راح قايم وطلع هدومة ودخل  
يستحمى يمكن ينام بعدها..

..بعد مااستحمى مالمقاش نتيجة..دخل المطبخ تانى بص على الشباك بتاعها برضو لقاءه  
ضلمه..دخل البلكونة وشب على بلكونتها من جوار لقاها مقفله ومضلمه وكل السكك اتقفلت  
فى وشه..

..راح داخل وهو بينفخ ومن غير مايحس لقي نفسه فى أوضة المكتب وبيفتح النور ويبعد  
على الكرسي وهو بيقول/مالمقاش فى غيرك..أنا عارف هقرأك واتخمد

..وراح ماسك الكتاب زى ماكان سايبه وابتدا يقرأ..

\*\*\*\*\*





وبعد كام خناقة على كام تحقيق وزيادة كره عصام ليا وأمتحانات ومذاكرات ..جات  
الاجازة ..

أنا وقفت فى البلكونة وصفرت لقسمت تصفيرتنا المعتادة .. وخرجت بسرعة كألوان طيف  
تلاحق قوس قزحها بتناغم ..

قسمت/صباح الخير

أنا/صباح بضحكة حبيبتى مليان بشوق منى وسعادة منها

قسمت بخجل/على فكرة بتكسف

أنا/ومالنجل قسمت إلا حبا بأحمد

..قسمت خدودها أحمرت ومع أحمرارها قلبى أحترق على جمر ..

..وراحت داخله بكسوف وأنا دخلت ومسكت كتابنا وكتبت(أتخجل حب حياتى من كلمات  
عجزت عن وصف الجمال؟! )!

وقفلت الكتاب وندهت على اختى شوقية/شوقية ..شوقية



شوقية دخلت وقالت/أفندم؟

أنا/أفضلى مسئوليتك

شوقيه بنرفزة/هو انا شغاله عندكم ماتروح أنت

أنا/هشش..حيوانه..مين الولد

شوقيه/أنت

أنا/يبقى تسمى الكلام..ياللا

شوقيه/يوه كل مره كل مره

..وراحت خارجه وأنا واقف بضحك..

..راحت شوقيه خبطت على الباب وفتح عمو وحيد..

شوقية/عمو وحيد ممكن اكلم قسمت

عمو وحيد بطبيعة وشه الكشري/قسسست..تعالى كلمى شوقية





..قسمت جات جرى ودخل عمو وحيد وهو ببيص لشوقيه بشراسه..

شوقيه بصوت واطى/خدى الكتاب

..قسمت خدته وفتحته وأول ماقرت الكلام ضحكت..

شوقيه/واتفضلى القلم..ماهو انا حفظت خلاص

قسمت خدته وكتبت/تخجل حب حياتك من كلمات تفوق الكلمات وقلمما يعجز عن بوح القلب  
لروحته♥

..وخذت شوقيه الكتاب وجاتلى/أفضل..تأمر بحاجه تانيه ياخويا ياكبير

أنا/كانت عامله ازاي وهى بتقرى

شوقيه/هيمنانه فى حبك ياخى

أنا/بنت..وايه تانى

شوقيه/انها تتعذب من نار بعادك يا هذا

أنا/بنت..بره



شوقيه/يوه كل مره كل مره

..وراحت خارجه وفتحت الكتاب وقريت كلام قسمت وانا فى منتهى السعادة..

..عدى يومين وتلاتة واربعة والأيام بتجرى وراه بعدها وعمو وحيد مانع قسمت من لقايا..فاض بيا وقولت مابدهاش بقى..ورسمت خطه مع أختى شوقية..

أنا من ورا الباب/شوقيه..فتح؟

شوقيه بصوت واطى/لسه

أنا/هااه..فتح!

شوقيه/لسه

أنا/هاا؟

شوقيه/فتح فتح فتح

..وراحت خارج من على الباب وعمو وحيد فتح باباه مالقاش حد..

وأنا خارج من الباب/سلامو عليكمو



..وراحت نازل طوالى..

عمو وحيد/وعليكو السلام

..وبص عليا بوجه الكشر وأظمن أنى نزلت..

..بعد ربع ساعة شوقيه خببت على عمو وحيد وهو فتح..

شوقيه/عمو..ممكن قسمت تطلع معايا ل فوق السطح شويه

عمو وحيد فكر شويه وهو ببص على السلم يمين وشمال وقالها/ممكن..قسست تعالى لشوقيه

..وراحت جايه قسمت وخرجت مع شوقيه وطلعوا ل فوق وعمو وحيد باصص عليهم ولما اظمن انهم طلعوا قفل الباب ودخل نام..

..أول ماوصلوا ل باب السطح شوقيه زقت قسمت ونزلت..

قسمت/راحة فين؟

شوقيه/هراقب

قسمت لسه هتتكلم روحك ماسك ايديها وشاددها عليا ومدخلها جوا حضني وهي  
مخضوضه من الشده وبصه في عيني..

أنا/ماقدرش على بعدك

..قسمت ضحكت بعد ما اطمنت وحضنتني..وماكذبش عليكم كان أول حضن من قسمت  
وحسيت أني طائر في السما ومش عايز انزل الأرض..

وأعدنا على جنب في الأرض..

قسمت/بقالي مدة ما اسمعتش هارمونيكا سمعني يا احمد

أنا/وحشتك؟

قسمت/أوى

أنا/أنا ولا الهارمونيكا

قسمت/مشاغب..ياللا

..أنا ضحكت وطلعت الهارمونيكا من جيبى وابتديت اسمعها..

"الدنيا ريشة في هوا





طيرا ب غير جناحين  
واحنا النهارده سوا  
وبكرا حنكون فين  
في دنيا في دنيا

ياما ناس بتتقابل من  
غير معاد يجمع بينهم  
وناس بتتحايل على  
الفراق يبعد عنهم  
نضمهم باديه ونفراهم حوليه  
سبب لقاها ايه ايه  
وكان فراقهم ليه ليه

..وابتدت قسمت تحرك راسها مع النغمات وتحرك جسمها حته حته..وراحت قايمه واقفه  
ورقصت (باليه)لأول مره أشوفها بترقصة..!!

الدنيا ريشة في هوا  
طيرا ب غير جناحين  
واحنا النهارده سوا  
وبكرا حنكون فين  
في دنيا في دنيا  
ياللي بتسال عن الحياة



خدها كده زي ماهي

لا ابتسامه وفيها اه

وفيها اسية وحنية

ياما الحياة فيها اللي بيشكيها

واللي بيرضيها واللي ياسيها

تيرارارا تيرارارا..

..وقسمت ترقص وتسرح مع النغمات وجسمها ماشى مع الإيقاع بتناغم..

الدنيا ريشة في هوا

طيرا ب غير جناحين

واحنا النهارده سوا

وبكرا حنكون فين

في دنيا في دنيا

الدنيا ريشة في هوا

طيرا ب غير جناحين

واحنا النهارده سوا

وبكرا حنكون فين

في دنيا في دنيا "



ومع آخر نعمة وقفت قسمت وهي فرحانة ووقفت وأنا متفاجئ وبقول/انتي ازاي رقصتي  
كده

قسمت/بقالى فترة بروح دروس باليه وأدینی بتعلم

أنا/ده مش مجرد تعليم..ده أحتراف

قسمت/مانا بحس انى لما بسمع موسيقى أن جسمى كله بيرقص لوحده ومش  
بحس بنفسى ولا أنا بعمل ايه إلا مع آخر حته فى الموسيقى

أنا/أنتى ممكن تستغلى ده فى حاجه تقربنا من بعض!

قسمت/ايه هي؟

أنا/أنتى ماشاء الله نجحتى فى الثانوية ومجموعك يدخلك كل اللى أنتى عايزة

قسمت/الحمد لله

أنا/طب وياترى مافكرتيش تدخل الكوتسرفتوار بمهارتك فى الباليه وتبقى معايا دائما؟

قسمت بعد تفكير/أنا ماجاش فى بالى الحكايه دى بس طالما هبقى معاك ليه

لا؟..طب وبابا؟





انا/عمو وحيد وعمو وحيد..أمم..عمو وحيد طول عمره فيه داء وهو أنه يطلع ل فوق..ولو  
اقتنيه ان تدريسك في الباليه هيخليكي حاجه كبيره في المستقبل و هتطلعى مسارح  
وتليفزيون واذاعه مش هيعارض

قسمت/طب والله فكرة..بس تفتكر هيوافق؟

انا/طالما فيها شهرة..أكيد

-----

وبعد محاولات أدت بالفشل أقتنع عمو وحيد بتدخل والدته قسمت وتم تقديم الأوراق وقبول  
قسمت وتسجيلها بالكونسرفتوار...

وجه أول يوم فى المعهد..

أنا/هااا..جاهزة يا حبيبتي؟!!











..ومره واحده لقيت شلته كلها بتهجم عليا ومالقتش غير كمال وسعد ومدحت وسلامة  
لقيتهم بيضربوا..جم منين الله أعلم..

..وفى عز الخناقه قسمت عيطة وحست بقهرة وجرح كبير منى وسابنتى ودخلت جوا  
المبنى..

..بعد الخناقه دورت على قسمت وعرفت محاضرتها فين وروحلتها وأنا لبسى مبهدل وكتف  
القميص مقطوع وعينى ورمه وكلى مدمر...

..قابلتها وهى خارجه من المحاضره وأول ماشافنى قلبت وشها وسابنتى ومشيت وأنا  
جريت وراها ومسكتها من ايديها وأنا بقولها/قسمت قسمت..اسمعينى

قسمت شالت ايديها وهى بتزعق/كل مره اسمعيني اسمعيني وقسمت ياقسمت والحماره  
دى تسمعك وتسامحك..خلاص قسمت زهقت..وطلبت منك أول يوم ليا فى الكليه أبقى  
مبسوطه طلبى الوحيد لىك وأنت وعدتنى بده ومانفذتش..ليه..عشان أنت مستهتر وعديم  
المسئوليه اتجاه أى حاجه الدنيا..أنا ومسؤلياتى ووعودك كل ده بالنسبالك ايه..لعبه..أنت  
بالنسبالى كنت حاجه كبيره أووى..ياخسارة يااحمد ياخسارة

وراحت سايبانى واقف مش عارف انطق ولا حتى امسح دمعته خانتها ونزلت على خدودها  
بسببى..ومشيت وهى مكسورة ومجروحه منى جرح عمرى..





..عدى اسبوع..اسبوع بحاله وقسمت مخصمانى ومحاولات كلها فشلت بأى صالحها..وبأقت تروح المعهد من غيرى وتيجى من غيرى وتتفاضى أى مقابله بينا ومابقتش عارف اشوقها ولا حتى اطمئن عليها..

(اشتقت الى فتاتى الحمقاء..عيناي تبحت عن رؤياكى..يومي لا يكتمل بدونك..عبيرك اصبح ادمان..صوت البلابل فى السماء حزين..ليلي يسود بدون نور محبوبتى..مصيرى اصبح محتوم ببعداك..فهل بقرارك راجعة ياسيدتى؟!)

..كل يوم ابعت كلام لقسمت مع أختى شوقيه ويرجلى الكتاب زى ماسبته..سؤال من غير جواب..وجه يوم الانقلاب..

-----

قسمت معديه قدام عصام وشلته مع اصحابها..

عصام/بنسوار ياكثكوتة!

..قسمت مشيت وماردتش..

..عصام جرى ووقف فى طريقها وهى مالمقتش مفر واصحابها بعدو عنها..





عصام/سمعت أنك مغرورة بس ماصدقتش

قسمت/تحب اثبتك

عصام/ازاي؟

..قسمت فجائته بقلم على وشه بدون اي مقدمات وقالت/عرفت ازاي؟!!

..وراحت سيپاه ماشيه مع اصحابها وعصام حاطط ايده على خده بغيظ واتجمعت عليه  
الشله ..

واحد منهم/البت دي مش هتجيبها لير

التانى/عايزه اللي يكسر عنيتها

عصام بكل غل/وهيكون أنا



جه سلامة حكالى اللى حصل وانا ضربت ايدى فى الشجره اللى كنا واقفين عندها ..

كمال/هيفيد بايه غضبك يا احمد

أنا/عصام تمادى ياكمال ولازم يقف عند حده

مدحت/حدة..اللى هو ايه؟..يضرِب ونعمل عاركه ونتفصل زى كل مره..ايه تانى..رفد؟..قتل؟..هيفيد بايه وعصام هو عصام

سعد/لا لا..مش للدرجادى

كمال/خالى السنادى تعدى على خير يا احمد

أنا/مش قادر مش قادر اشوفها بتتعاكس وعصام يضايقها واسكت

كمال/أنت متأكد يا احمد أن قسمت مجرد جارتك؟!

..أنا بصتلته وأنا سرحان وبعديها بصيت فى الأرض ..

سلامة بضحك/عيون العاشق فضحاه ولد وحب وخب عيون العاشق فضحاه ولد وحب وخب



ولف حوالية هو وسعد وهما بيصقفوا وبيغنو/عيون العاشق فضحاه ولد وحب وخبيا عيون  
العاشق فضحاه ولد وحب وخبيا

كمال/خلاص ياجماعه وخلينا فى المهم

مدحت/وايه هو المهم؟

كمال/ادارة المعهد قررت عمل حفل على مستوى المحافظات استضافه وزير الثقافه  
المصون وان شاء الله هيكون فى مسابقه بين الطلاب والطالبات واللى هيقوز هيجصل  
على درجات لنهايه العام الدراسى والإشتراك فى المسابقه قائم وهيم اختيار اكفى طلبه  
للحفل مين هيشارك؟

سلامة/حلو يا حلو..أنا هشترك فى الحفله

سعد/هاها وأنا المسابقة

مدحت/ان شاء الله أنا فى الأتنيين اذا تم اختيارى فى الحفل

كمال/وأنت يا احمد؟

أنا بسرحان/ماليش فى التجمعات!



..وخلصت محضراتي على التفكير في قسمت اللي مش مدياني اي اهتمام وبتعاقبني اشد عقاب..

..اتجمعنا وابتدينا نحكي اللي حصل..

مدحت/أنا اشتركت ياخواني في الحفل والمسابقه

كمال/ان شاء الله كلنا هنشترك وكل واحد فينا له قدراته ومهارته في ادائه وزى ما سعد زغلول ومصطفى كامل حققوا غاينهم أحنا كمان ابناء البلده هنعققها

سعد/بيبيبيبييه..سعد ومصطفى وورة وبلا أزرق..زهقتنا يا جده

سلامة/أومال لو ماكنش اسمك سعد كنت عملت ايه؟!!

سعد/كنت عملت ثورة وسميتها ثورة سعد القولالى

سلامه/سيبكو بقى من ده كله..عايزيين نرتب هنعمل ايه والتدريب هيبقى ازاي وتضامن الفرق امتى ولا هفضل حطين ايدينا على خدنا الطلبة ابتدو تدريب

مدحت/ان شاء الله انا مع فريق المغاورين

سعد/اللى يجيبى معايا يكسب

كمال/على فين؟







سعد/يا عم تعالو بس

كمال/يالالا يا احمد

أنا/ماليش مزاج ياكمل

مدحت/يا اخي يالا..ده سعد دماغه ذهبيه فى الفرفشه

..وشدونى وقومت معاهم ولقيت سعد واخذنا على المسرح الكبير من البوابه اللي وراه  
وأحنا مستخبين..

سلامة/سعد..سعد..جاينا هنا ليه

سعد وهو بيحاول يدخل من العامود/هش..هتعرف دلوقتى..يالالا ورايا

..واتسحبنا لحد ما دخلنا لورا كراسى المسرح من بعيد وأعدنا وراهن واحنا مستخبين  
وبصينا على المسرح وكل واحد فيهم بقى يبص على البنات وهى بتدرب ومستمتع..



ولقينا بنات فرقه الباليه بتدرب مع المدربة بتاعتهم وعازف البيانو بيعزف وعينى جات على خلف الستار وهى قسمت داخله..روحت واقف وانا ببصلها وسرحان..

المدربة/يابنات أهم حاجه ودننا مع البيانو..وخطواتنا ماشيه بتناسق مع بعض..٣/٢/١..

والموسيقى اشتغلت والبنات ابدت رقصت مع قسمت ووقفوا فى صف واحد وابتدوا يرقصو وسعد وسلامه يصفقوا براحه ويرقصوا وهما بيتفرجوا ومبسوظين وكمال ومدحت بيضحكوا عليهم وأنا ثابت مكانى ومش مركز مع حاجه غير قسمت وهما يلفوا وقسمت عنيهما جات عليا وهى بتلف واول ماشأفتنى وقفت مكانها والباقي مكمل..

المدربة/قسمت..وقفتى ليه؟..ياللا

قسمت كملت بتوتر ونسيت الخطوات واتلعبت فى الرقص..

المدربة/قسمت وبعدين

قسمت/أ..أنا اسفة

واحد من زميلاتها/حد شاغل بالها

وكل زملائها ضحكوا عليها..

المدربه/سكوت..أنتى حافظه الخطوات ولا لا



المدرية/خلاص وريني..قسمت هترقص مره لوحدها وبعدين نكمل..٣/٢/١

..ولقيتني بطلع الهارمونيكا من جيبى وقسمت خدت وضعيه الرقص والمدرية شاورت للبيانو فى صمت بعدين بصت لقسمت تتحرك..ولقيتني بحط الهارمونيكا على شفائفى وبيدأ أعزف نفس اللحن بتاع البيانو وأنا بنزل براحه على سلاالم الكراسى..

...المدرية بصت عليا هي والبيانو والطلاب وقسمت ترقص بدون ماتحس بيا وأندمجت جدا مع اللحن والأستاذة تبصلها وتبصلى ولدرجة التفاهم ما بينا ورقص قسمت وخطواتها مع الهارمونيكا واندمجت فى النفخ وكمال وسعد ومدحت وسلامة وقفوا يتفرجوا علينا وهما متفاجئين من جرائتى وظهرت ضحكه على وش المدرية وانبساط بقسمت ..

..وفوقت أنا وقسمت على صوت تصفيق المدرية وبعديها البنات واصحابى من فوق وأنتبهت أنا وقسمت من اللى حصل..





المدرّبه وهى بتقرب منّا/أحسنّت..وأنتى كمان ياقسمت أحسنّتى..ولأول مره اشوف تفاهم بين عازف وراقصة باليه بالشكل ده..أنتوا مع بعض ثنائى هائل..وأنت متمكن من ألتك وأحاسسك عالى ووصلت لقلوبنا..اسمك؟

أنا بفرحة/أحمد

المدرّبه/أحسنّت ياأحمد..ايه رائيك تشارك معانا فى المسابقة؟

..قسمت بصتلى وانا بصتلها..

سعد من ورا بصوت عالى/طبعا موافق

..بصتلها وانا بضحك ولقيتهم مبسوطين روح قاييل/موافق

المدرّبه/جميل..قسمت وأحمد هيكونوا أبطال العرض وان شالله هنجح بيهم

قسمت/لا..أنا

..وكانت المدرّبه ماشيه هى والبنات وماسمعتش اعتراض قسمت وبقينا واقفين على المسرح أنا وهى قدام بعض..

أنا/قسمت أن أنا أسف





قسمت بصتلى بزعل ولحقت زمايلها ومشيت معاهم..أما أنا فاكنت فى منتهى السعادة لأنى  
أخيرا هقرب من قسمت..



بالليل دخلت البلگونه وصفرت لقسمت ماخرجتش بس شوفت خيالها منعكس على البلگونه  
وعرفت أنها متبعانى..

أنا/على فكرة أحنأ لازم نتكلم مع بعض ونتقابل ونتدرب على الخطوات زى مالمدربة  
قالت!!

..ماردتش..

أنا/لو يهملك أننا نفوز فى المسابقه يعنى..لكن لو مش هامك والخسارة مش هتضايقك يبقى

وماكملتش كلامى ولقتها خارجه وهى مربعه ايديها..

أنا/أنا كنت بقول بس أنه



قسمت قاطعتنى/قابلى فوق

..وراقت داخله وانا مبتسم عشان انتصرت وقدرت اخرجها ..

قسمت/بابا أنا هطلع مع شوقيه فوق

عمو وحيد/شوقيه؟!!

قسمت/شوقيه

عمو وحيد/ماتتأخرش

قسمت/حاضر

..وخرجت وانا كنت سابقتها لفوق وأول مادخلت السطح شافتنى قدمها ..

قسمت/ابتدى

أنا/مش هنتكلم

قسمت/لو سمحت أنا طلعت عشان التدريب ويهمنى الفوز غير كده لا



أنا/وياترى هتقدرى ترقصى قدامى

قسمت/هءء واياه المانع؟

أنا/مش خايفه تضعفى

قسمت/من الهارمونيكا؟

أنا/لا..منى أنا

قسمت/جرب

أنا/واثقة

قسمت/لو ماوثقتش فى نفسى هثق فى مين!

..زى مااستفزيت قسمت هى كمان استفزتنى وكان عاجبنى اصرارها وقوة شخصيتها اللى  
مابتتهزش..



..حطيط الهارمونيكا على شفائفي وقفت وهي واثقه.. ونفخت نغمتين..ورفعت ايديها ل فوق ولقت وبصتلى بتحدى..

..أنا ابتسمت وكملت اللحن وهي ترقص وأنا بلف حواليا وكنا حماس وتحدي..انا بالهارمونيكا وهي بالرقص ..ومع آخر نغمة نزلت قسمت على ركبته وشعرها جه لقدام..راحت رافعه راسها ل فوق وبصتلى بفخر وشعرها رجع لورا وبصتلى بعيون جرنيه..

..أنا قلبي دق جامد ونزلت الهارمونيكا من على شفائفي وأنا بقول/حبيبي محبوبتي ربيع حبي

..قسمت وقفت وهي متجهلاني..

كملت وانا بلف حواليا/تتمايل بخصرها كشعاب مرجانيه ببحرها العميق..غير مهتمة بقلب العاشق الوحيد

وقربت منها وانا بقول/حبيبي محبوبتي ربيع حبي..ألون وجنتيك حمرة خدين أم دماء سفقت عليهن من محبين قتلوا برفضك وعذاب حبك؟

وبصيت في عنيا وانا بقول/سحر عينيكى كشراب خمري يسكرني من أول رشفة للكاس ويسقيني من خمرةن أكياسا أكياس







ولفيت وراها وانا مكمل/حبيبتي محبوبتي ربيع حبي..أطوف وراء خيالك في البلاد وابحث  
عن وجهك بين الفتيان..يذوب قلبي كشمعا يحترق بلوعة مشتاق وارجع لبلادي كقاطعا  
وادي طويل وأخرج كلمات حبي كما العازف على العود

ونزلت على ركبتي ومسكت ايديها وبصيت في عنياها وانا بقول/حبيبتي محبوبتي ربيع  
حبي..زmq ريقى من البحث يااجمل مافى الوجود

..وطبعت قبلة متعطشة بلهيب عاشق على يديها..

..وفى لحظة غمضت عنياها وفتحت بسرعه وهى بتسحب ايديها وجريت على باب السطح  
ووقفت وقالتلى من غير ماتلف ولا حتى تبصلى/أتأكدت أنى مش بعضف؟!!

..وراحت نازله وسايبانى أعانى من حبها اللى طبع جوا قلبي كورقة شجر...

عدي شهر مابين مذاكرتى وعذابي وتدريبى ورسم خطط من عصام ليا وتقل قسمت عليا  
وجه وقت المسابقة..

..كنت واقف ورا الستارة وسامع صوت تصفيق وقلبي بيدق من الخوف من أول وقوف ليا  
على المسرح..





..المتسابقين رايعين جايين وأنا لابس لبس العرض وجاهز بالهارمونيكا وأنا بجربها  
شويه وأقف شويه لحد ماخرجت قسمت قدامى بلبس العرض الزهرى وجناحات الفراشه  
اللى على ضهرها والرسم البمبى حواليين عنيا..يااااه..إسه فأكر اللحظة دى  
اووى..قلبي دق ونسيت كل اللى حواليا ونسيت العرض وأنى على المسرح والمفروض  
أعمل ايه ومابقتش شايف غير قسمت بخطواتها الغزاليه بتتقدم عليا وكل ماتتقدم قلبي  
يدق اكثر..

قسمت/أنا جاهزة

أنا اتلغبطت/هاه

قسمت/بقول أنا جاهزة

أنا ابتسمت وبصيت فى الأرض وقولت/قسمت..كنت عايز اقولك أناا

..ولقيت زمايلها بيشدوها وهى تقولهم استنوا استنوا..وفى لحظه مااقتهاش قدامى..

..هزيت راسى وانا باصص للهارمونيكا ووقفت مكانى..

(عصام واقف مع بنت وببشاورها على أحمد وهى هزت راسها وراحتله)

أنا لسه واقف مكان وبلف لقيت بنت قدامى وبتقولى/هاى أحمد أنا لولو

أنا ارتبكت وضحكت ضحكة صفرا..

لولو/أنا بتمناك التوفيق

..ولقيتها بتعدل ياقه قميص العرض..بصيت لإيديها وبصلتها بقلق..ولقيتها بتقرب منى  
بمياعة وراحت بيسانى من خدى وأتجمدت مكنى وانا باوصلها..

لولو/أنا عايزاك تكسب..باى

..ومشيت قدامى وانا حاظط ايدى على خدى ومش فاهم وباصص عليها والمفاجأة شوفت  
قسمت واقفة وهى بصلنا والدموع فى عنيتها وعصام وراها وبضحك..

..أنا قربت منها بسرعة راحت موقفانى بإيدها..

وغمضت وهى بتقول بتحذير/أنت فعلا ماتستا هلنيش

..وراحت طالعة تجرى روح اجرى وراها لقيتهم بيشدونى عشان ابتدى بالعرض..





..دخلت المسرح ووقفت مكانى ورفعت الهارمونيكا وبدأت أنفخ اللحن..وفى وسط عتمة المسرح..فتح ضوء أبيض فى النص وكانت قسمت تحت الضوء على الأرض فاردة مشط رجليها وموطيه عليه وايديها ملامسه اطراف قدمها ومخبيه وشها وجناحات الفراشه مخبياها..

..وبدأت أدخل فى الونوته وقسمت ترفع ايديها مع راسها ولفت رقبتها على شكل دايرة وبصت لفوق وبانت دموع عليها اللى ماحدش شافها غيرى وكسرة قلبها اللى باينه على ملامحها ونظراتها..

..وقامت وقفت وتمايلت كعصفور حزين حبس فى بقاع الظلام..والضوء متابع خطواتها وعنيا متابعة حركاتها وثباتها وتركيزها رغم حزنها..وبرغم أن النوته كانت حزينة والمشهد أحزن ألا ان المشاهدين ولجنة الحكم كانوا مندمجيين مع قسمت جدا وحاسيين بمصداقية رقصها وتعابير وشها ومتأثرين أوى..

..حتى قسمت كانت مندمجه جدا مع حزنها برقصها ومحاولتش ولا مره تبصلى برغم أن نظراتى كلها كانت ليها..

..أنهت قسمت العرض بلفه دائريه وهى فاردة ذراعها كتكملة لهيكل الفراشه وحزن محاوطها مش قادره تعبر عنه غير فى العرض..ومع انخفاض صوت الهارمونيكل وتقليل خروج النغمات هديت قسمت براحه مع السكون التا للهارمونيكا ووقوف قسمة محنيه لقدام وهى محاوطه صدرها بايديها وسقوط دموع عليها على الأرض..

..ولقيت تصفيق وهتاف حار من المشاهدين ولجنة الحكم..وتقدمت خطوات جنب قسمت وبصتلها وبصيت للمشاهدين ومسكت ايديها وحيناهم واتقللت الستاره وقسمت شدت ايديها منى بغضب وجم زملائها غطوها بروب وخدوها وهى بتبصلى من فوق لتحت..





..وأنا ما قدرتش انطق ولا أبرر موقفي..واللى ماكان على البال ولا خاطر ابدا انى ألقى  
عصام فى وشى وهو بيقول/عرفت ان الكتكوته دى تبقى بتاعتي

..أنا كظمت غيظى ولقيته ماشى وهو بيضهك بصوت عالى..

\*\*\*\*\*

قفل قاسم الكتاب وهو بيقول/أهى كملت

..وراح قايم من على الكرسي وقفل النور ودخل أوضته واترمى على السرير ونام نوم  
عميق..

\*\*\*\*\*





لولولولولولولوى..صوت زغاريط عزة وهى بترقص مع شاهنדה وقسمت اعده وسرحانه..

عزة وهى بترقص/هى مالها؟

شاهنדה/ماعرفش..من ساعة ماجات وهى كده!

عزة/تعالى ياكوكو اتدربى معانا هههههههه

قسمت/لا يا حبيبتي اتدربوا أنتو وأهم حاجة العروسة

شاهنדה/أنا خايفه أوى يابنات وحاسه أنى هبقى ملبوخه كده وشكلى هيبقى عبيط فى الطقم

عزة/عبيط ايه..ده أنتى كنتى زى القمر وأنتى بتقيسيه

شاهنדה/والنبي

عزة/أه والنبي

مامت شاهندى فتحت الباب وهى بتقول/كفايه رقص يابنات وتعالوا حضروا معايا حلويات  
بكرة



عزة وهى حاطه ايديها على كتفها وتلفها براحه اتجاه الباب/جايين ياماما بيب بين تش تش

ووراها شاهنده وهى مسكاه من وسطها وعاملين قطر وبيرقصوا وهما خارجيين..وفضلت قسمت مكانها وسرحانه..

\*\*\*\*\*

قاسم ماسك صناديق هدايا وشنط ويخبط على بيت حماده وهو مبسوط..ويفتح أخ من أخوات حماده..

قاسم من ورا الصناديق/أأ حمادة؟

أخوه/لا أخوووة

قاسم طلع وشه من الجنب وبص عليه وقال/طيب..فين حمادة؟

أخوه لسه هيتكلم راح باباه قال من جوا/مين ياخلفه تغم؟



أخو حمادة/واحد ببسأل على حماد ياأبا

الأب وهو بيكلم نفسه وبيشرب شيشه واعد بالفانله/ياترى مين اللي بيأل عالواد؟

'وبصوت عالي" خاليه يخش ونشوف وراه ايه

أخو حماده يقرف/اتفضل

وأول ماخطى قاسم عتبة البيت أخوات حماده كلهم اتلموا عليه وكل واحد خطف صندوق بسرعة من ايد قاسم وطلعوا يجرو..

..قاسم وقف متفاجئ وفضل معاه صندوق واحد..راح الولد اللي فتح الباب شده منه راح قاسم مسكه جامد وشد راح الولد شده وقاسم يشد بغيظ والولد يشد بغباوة

الأب/غور يااض من هنا..تلزمك بحاجة يااخ

قاسم بكسوف واحراج/لا..هو بس كانت لحمادة

الأب/لا اديها للواد..مابقتش تلزم حمادة

..قاسم فرد صوابه وهو مش فاهم مما أتاح لأخو حماده بأخذ الصندوق وهو بيجرى..



قاسم اتقدم خطوات من الأب واعد على الكنبه وهو مش فاهم ومستتبه يحكى..

الأب/فى حاجة أ أخ؟

قاسم/يعنى ايه مابقاش يلزمة؟

الاب بكل براءة/الولا حماده أبنى صحيح..بس أكل العيش مر والأيام د مابقاش فيه غير  
صف التراب

قاسم/يعنى ايه؟

الأب/الكيمائيات باقت تجيب أمراض..الله يحرقهم بجاز وسخ قفلوا بيوت عايزة تعمر

قاسم/مال الأمراض والكيمائيات بالله يحرقهم بحمادة؟

الأب/مانا جابلك فى الكلام أهو..الأكل بقى كله أمراض واخذ بال حضرتك..ايشى سلطانيه  
وايشى بيروسيه والعوقم وعدم الخلفة كترو اليوميندول ربنا يبعنا عنهم..من سبوع  
جاتلى واحدة ست تصعب على الكافر أه والله ربنا يجعلنا مؤمنين..رغم الفلوس المتلتله  
اللى عندها إلا ان ربنا حرمها من نعمة الخلفه..حاكم اللى عنده ولد اليومين ولم بقى أحسن  
من اللى عنده قصر..ماطولش عليك الولية صوعبت عليا وأنا قلبى رهيف  
مايستحملش..وعرضت عليا شيك بمليون جنى مقابل أنى اديها عيل من العيال وأهو تربيه  
وتأكله أكله حلوة وتلبسه هدمه نضيفه وتنيمه على ريش نعام ويدخل مدارس ويتعلم..قوم  
انا بقى عملت ايه؟

قاسم بخضه/ايبييه؟!!





الأب/قوم انا استنضفت الولا حماده وادتهولها أهو تستنفع واتنفع

قاسم وقف بز هول وهو بيقول/بعث ابنك مقابل الفلوس !!

الأب بكل براءه/الفقر يحوج يا أخ

قاسم/أنت عريت الفقر والفقراء والبنى أدمين كلهم..ده اللي عنده فلوس ما عندوش

ضمير واللى محاوطه الفقر مزروع جواه ضمير أنما انت ولا ده ولا ده روح منك لله وأنت لعنت الأب والأبوة..أنطق وقولى وديتو فين

الأب/حيك حيك أنت فاكه مخاف منك

قاسم/لا مش فاكه بس قسما عظاما لو طلعت من الباب ده لا هطلع على أى قسم

وابلغ عنك يامستهتر وهبلغ لجنة حقوق الإنسان فى كل الدول عنك وهتاخذ إعدام فى جريمته..ده هتك لحقوق الطفوله البرنيه اللي اتشوهت بأمثالك يا عديم الرحمة والمسئوليه

الأب بخضه/إعدام؟

قاسم/إعدام يا أب يابايع ضميرك قبل أبناك

الأب/أقولك ولا تقولش

قاسم/انطق

\*\*\*\*\*

قسمت رمت تليفونها على الكنبه وهى تأفأف..

عزة/مالك ياكوكو

قسمت/بابا اتصل عليا وماسمعتوش وبصراحة مش عابيزة اتكلم

عزة/وزعلك ده عشان ماسمعتيش وايه الجديد يعنى؟

..قسمت بصتلها وسكتت..



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

266







قاسم نزل على ركبته وفتح حضنه لحماده وعنيه بتلمع من الدموع والفرحة وراح حماده جارى عليه وحضنه جامد وهو بيضحك وقاسم حضنه وينه دمعت ومابقاش عايز يسسبه..والهانم واقفه بتتفرج عليهم..

حمادة/ماما..مممكن أخرج مع قاسم فى الجنينه شويه؟

الهانم/أوكاى..بس أوعى تتأخر ياحمادة

حمادة/حاضر ياماما

..قاسم بص للهانم باستغراب لأنها بتعامل حمادة حلو وماحاولتش تنكر ذاته ولا حتى تغير اسمه!!

..حماده خد ايد قاسم وشده على الجنينه واعد على المرجيحه اللي فيها واتكلموا..

قاسم/يعنى أفهم من كلامك أنك مبسوط هنا؟

حمادة/أوى أوى يا قاسم..بقى عندى ماما وبابا جديد وبيعاملونى حلو اوى واحسن من أبويا القديم

قاسم/بس أنت جيت هنا غصبا عنك!

حمادة بحزن/أه





"لوفرحة" بس لما شوفت حنيتهم عليا وفرحتهم بيا انبسط ومابقتش عاوز امشى من

هنا تانى..أنت عرفت ازاي أنى هنا؟..ده ابويا القديم قالى انسانى وانسى أخواتك ومش عايز اشوف خلقتك تانى وان شوفتك بالصدفه فى الشارع أوعى تتعرف عليا أنت مابقتش ابنى

قاسم/أنا هددته عشان اعرف طريقك..بس لازم أعرفك حاجه يا حمادة..طالما باباك فرط فيك بسهولة يبقى هيفرط فى أخواتك واحد ورا التانى بكل بسهولة و هتتفرقاو للأبد والله أعلم هيقعوا فى ايدين ناس طيبين زى اللي حكيت عنهم ولالا؟

حمادة فكر شويه وقال/بس هو وعدنى أنه هيدخل أخواتى مدارس ويعلمهم وينصفهم

بالفلوس اللي دفتهم ماما الجديدة

قاسم/ده كداب..أنا لسه جاي من البيت وشوفت الحال زى ما هو بل أسوأ يا حماده

حمادة/طب ناوى على ايه؟

قاسم/هرفع قضيه على والدك

حمادة/طب وماما وبابا؟

قاسم/أكيد اسمهم هيجي فى القضية

حمادة/هتقولهم ايه؟





قاسم/معرض عليهم الأول أنهم يساعدوني ويعترفوا بمسأله البيع والتجارة بالاطفال ولو وقفوا جنبى ده أكيد هيبقى فى مصلحتهم وكمان لما المحكمه تشوف ظروفك ومعامله الأب لأولاده وبعد ذكر المهام اللى كان بيشتغلهم فيها وطبيعة معاملته معاكم أكيد هيشيل الصوياه من بين ايديه وهيتم تحويلكم لملجأ أو رعاية كويسه للأطفال ولو باباك ومامتك الجداد متمسكين بيك هيقدموا طلب تبني

حمادة نزل من على المرجيحه وقال/وأخواتى؟!..يتشردوا؟!!

قاسم/هو يعنى كده مش متشردين

حمادة/لا يا عم مش موافق..أنا كده مرتاح وأخواتى فى بيتهم مع بعض..برضو ما حدش يقول عليهم ايتام ويترموا فى ملجأ..أبويها مش أول ولا آخر أب يبيع أبنه

قاسم بضحكه مكسورة/كبرت..كبرت يا حماده وبقيت تشيل مسئوليه..أنت راجل يا حمادة بس لسه بادرى عليك

..وخده من راسه وقربه منه وحضنه وهو بي فكر وسرحان..

\*\*\*\*\*





بالليل فى المكان بتاع المعلم..رجالته بيثيلوا ويحطوا فى صناديق والمعلم بيتكلم مع زينهم..

المعلم/زينهم..عيون المباحث علينا الأيامدى..عينك فى وسط راسك..ومحروس هيطلع معاك الطلعه دى..أنا بتستبشر بوشه الواد ده..خالى بالك منه..ولو نجح فى الطلعه دى هنظره برا

زينهم/قصدك؟!!

المعلم/أيوه..هيبقى هو المستورد بتاعنا

..زينهم هز راسه والمعلم خد نفس شسشه ونفخه وهو بيقول/الهما يارجاله

الرجاله/او امرك يامعلم

..قاسم كان مستخبي ورا عامود بيصور اللي بيحصل بالكاميرا الصغيرة..

المعلم/هو الولا محروس أتأخر كده ليه؟

واحد من الرجاله/اعذروا يامعلم مزنوووق ههههههههه





..والباقى ضحك..

زينهم/أ..أ..ده بيت راحه يامعلمى

قاسم سمعه وهو بيسأل عليه راح مخبى الكاميرا بسرعه وعدل نفسه وخرج من

الحمام وهو بيقول/أوامرك يامعلم

المعلم/كلام الواد صحيح..كنت مزنوق بالأوى

..وكلهم ضحكوا وارتاحت نفس قاسم لأنه مااتكشفش..

\*\*\*\*\*

عزة وقسمت بيظبطوا شاهدة قدام المرايا وعزة بتغنى/يااما القمر على الباب يااما نور  
قناديله يااما ارد الباب ولا اناديله اناديله يااما اماا



..شاهندة اتكسفت..

عزة/ارفعى راسك يا شاهندة عشان اكمل

شاهندة/اهو

..وتكمل عززة مكياج شاهندة وقسمت بتضحك وهى بتتظبط شعرها..ويسمعووووا صوت  
عربيات بتزمرررر..بيب بيب بيب

عزة/وصلووووا

..شاهندة قلبها دق بسرعه وبصت وراها وراحت قايمه جارى على الشباك وجريت  
وراها عوة وقسمت وقفت مكانها وهى سرحانه ومبتسمه..

عزة/اهو اهو

..وبصت شاهندة على عمرو وهو ماسك بوكيه ورد فى ايده ويحيى(خطيب عزة)بيعدله  
الكرافيت وباباه ومامته نازلين من الباب اللى وراه..

عمرو/كويس كده



يحيى/اه كده..ياللا يا عريس

..ودخلوا العماره..

شاهنده/يالهورى يالهورى ..ركبى سابت

عزة/اجمد ياوحش

شاهنده/وحش ايه بقى ماخلاص الوحوشيه راحت من ساعة ماشوفت عمرو

قسمت/ايه دا ايه دا..شاهنده البطل الهومام وقعت فى الغارم

عزة/اه ياسلام ياسلام

..وضحكوا وهو الباب بيتفتح من مامه شاهنده وهى بتقول/وطوا صوتكم العريس على السلم والحج بيستقبلهم راحو قاييلين لبعض هس هسشش

..ويجرس يحيى الباب ويفتح ابو شاهنده ويسلم على يحيى ويدخل ووراه ابو وام عمرو وعمرو اخر واحد..

ابو شاهنده هو بيوصلهم لآوضه الصالون/يااهلا وسهلا..شرفتنا وانستونت،يااهلا  
اتفضلوا اتفضلوا



..وتدخل الام وراهم وهي مبتسمه وبتقول/منورين والله يا جماعه

..وتسلم علي ابو عمرو وتأخذ ام عمرو باللبوس والاحضان كعادة المراة المصرية..وتيجي ليحيى وهي بتقول/ انت يحيى ..عزة حكلكي عنك كثير

يحيى/يارب اكون عند حسن ظن حضرتك

الام/اكيد يا ابني

وتروح لعمرو تسلم عليه وهي بتقول/انستنا يا عمرو

..عزة وشاهدة وقسمت واقفين في الطرقة ومخبين نفسهم في الحيطه وواقفين فوق بعض ..

شاهدة/هما رضيين الباب كده ليه

قسمت/انا مش شايفه

عزة من تحت خالص/انا اطفطست

شاهدة شدتها من قفا البلوزة ووقفها ..

مامة شاهنده من جوا/العصير ياشاهنده

شاهنده ايديها اترعشت وقالت/لا ياستى أنا مش داخله

عزة/يخربيتك أو مال مين اللي هيدخل

شاهنده/أنتى..لا لا أنتى مخطوبة..قسمت..حلوة وتهعجبهم يالا

قسمت بضحك/ياستى دول جاين عشانك أنتى

عزة/مرارتى هتتفقع..أخلصى يابت عيب تتأخرى عليهم

شاهندى بخوف/قسمت..عزة..تفتكروا هعجبهم

قسمت/ده أنتى تعجبنى الباشا

عزة بترفزة/بت..بت كفايه يحيى عليا ماتبقيش أنتى كمان

شاهنده/طيب حاضر حاضر

..ودخلت قسمت المطبخ وصبت عصير فى الكاسات وجابت الصنيه لشاهنده وخذتها..



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

276



عزة/الكسوف.. الخجل.. وشك في الأرض.. عينك مكسورة

شاهنده/اكسر بووى بالمره عشان يبقى شلل ونخلص

عزة/وربنا هقلع مط في قلب الشقه وابوظلك الجواز

قسمت/براحه ياعزة عليها

شاهنده/هس خلاص

..ومشيت وهى بتقول/كسوف خجل وشك في الأرض شلل في جميع حركاتك

ابو عمرو/الجواز الأيام دي بقى صعب أوى

ابو شاهنده/اتفق معاك في الحكايه دي ياابو عمرو..الشباب باقو على قدهم والنزمن اتغير  
واللى بيحى على قد اللي رايح واللى يتجوز منهم يبقى بطل ولا ايه ياعمر

..عمرو لسه هيتكلم لقي شاهنده داخله من الباب وهى مسكه الصنيه وبتبصله من تحت  
لتحت ومكسوفه..

مامتها/قدمي لعمك الأول يا شاهنده



شاهندة راحت قدمت الصنيه لأبو عمرو..

ابو عمرو وهو بياخذ الكوبايه/بسم اللى ماشاء الله تبارك الخلاق

..شاهندة اتكسفت وراحت لمامته عمرو..

مامته بضحك/يازين مااخترت يا عمرو

..وبصت لعمرو اللى كان باصص على شاهندة بضحك وهى بتضحكه..

..وراحت شاهنده ليحيى وخذ كوبايته وهو بيضحك بعدين عمرو.

عمرو/أخذ انهى واحده؟

شاهندة سكنت..

عمرو/دى ولا دى ولا دى

شاهندة ضربته على رجليه بالكعب وقالت بصوت واطى/أخلص

عمرو/أه أه

..وخذ الكوبايه وقال بصوت واطى/الضربه جات فى قلبى يابنت اللذينه

..شاهنده اتكسفت وكملت توزيع واعدت جنب مامتها..

عزة/تفتكرى كانوا بيقولوا ايه

قسمت/مش عارفه

عزة/أكيد كلام حب..هيببيح..الكلبه دى لو ماقالتش على كل حاجه هقتلها

..قسمت سرحت فى قاسم ولحظات الحب بينهم وسكتت..

عزة/تفتكرى يتفع ادخل

قسمت/ها؟

عزة/روحتى فين..بقول ينفع ادخل عشان اعرف اللى بيحصل

قسمت/ماش يافضوليه روحى

..عزة جريت..







قسمت/ماتنسيش تحكى وافتحى الباب شويه عشان اشوف

..عزة هزت راسها ودخلت..وفضلت قسمت واقفه وهى حاضنه عامود الطرقة وشايفه الفرحة باينه على وشوشهم ومش فاهمه احاديثهم بس متوقعه اللي بيتقال فى الاعداث لى..

..شويه وقالت ام شاهنדה/الشربات يابنات..لولولولوى لولولولوى

..وقفت قسمت مكانها وهى بتضحك وفى نفس الوقت جرح فى قلبها كبيره بيتفتح وصوابها بتغرز فى الحيطه وعنيها تنزل دموع بدون ماتحس والزغاريط شغاله فى ودانها..

\*\*\*\*\*

قاسم بيركن الموتسيكل بتاعه قدام العماره وبيجنزرة فى العامود وحنان بتبص عليه من فوق..



..دخل قاسم العماره وخذ السلالم جرى وأول ماوصله لدورة بطئ خطواته واتجه لشقة  
قسمت وحس ان مافيش حركه ..

..لسه هيخبط لقي خطوات رجليين نازله راح جاري على شقته وطلع المفتاح ..

..حنان نزلت وبصت عليه وهي بتتصنع صوت الكعب واتجهت للسلم اللي جنبه وراحت  
لزقه فيه وهي بتخبط نفسها في ظهره كأنها مش واخده بالها ..

..قاسم لف بسرعه وهو بيلزق نفسه في الباب ..

حنان وهي بتعدل نفسها/لمؤاخذه ..رجلى اى ..أتلوت ..اى

..قاسم الدهاش اى اهتمام وفتح الباب وراح قافله في وشها ..

حنان/أه ياابن ال...وديني ماانا سيياك

..ودخل قاسم وهو بينفخ وبالصدفه شاف موبايله وهو بينور ويعلن عن انخفاض  
البطاريه ..راح واخده ولقى فوق ال ٢٠٠ مكالمه وال ٢٠ راسله ..فتحهم لقاها من (أنا) ..فتح  
الرسائل لقاها عباة عن (أنت فين ..قلقتنى ..انصل بيا ..مش سامعنى ..قاسم انا قلقت ..حبيبي  
طمنى)

..أفأف وحط الموبايل على الشاحن ودخل اوضته يقلع ..



..حنان وهي طالعه سمعت صوت على السلم..بصت من بير السلم وشافت واحده شعرها  
شافر طالعه بضرها وهي عماله تشد شنطها لفرق بالعافيه ..

..راحت مستخبيه فوق واستنيتها شويه وطلعت البنت بشنطها بصعوبه ووقفت قدام شقة  
قاسم وخذت نفسها ومسحت عرقها من على وشها ورسمت ضحكة وجرست الجرس!!

قاسم كان بيقلع القميص وأول ماسمع الجرس رفعه على كتفه تانى وخرج من الأوضة  
على الصالة وفتح الباب وهو بيأف أف ..

..حنان واقفه على السلم وكلها فضول عشان تعرف مين ..

..البنت أول مالباب اتفتح ابتسمت وأول ماشافت قاسم اتنطط وهي بتحضنه وبتقول اسمه  
بنطق القاف/قاسم

..قاسم ماستوعبش الأول بعدين ابتدا يستوعب وابتدا يتبسم شويه بشويه والبنت عماله  
تحضنه وتبوسه من كل حته فى وشه ..

قاسم/أنا

..أنا بصتله وهي حطه ايديها على خده وعنيها بتلمع وبتقول yes yes/أنا...أنا قالقت عليك  
واتصلت وبعث رسايل..كنت فين؟





قاسم/ش ش ش تعالى

..ومسكها من ايديها ودخلوا جوا وهي جاره شنطيتها وراها وقلوا الباب مع بعض..

-----

حنان/يا ابن ال... يتلعب في الميه العكره..يا ابن الطفسه..معلق واحده وشابك واحده  
وساييني أهاتي مع روحى وأغلى بنارى القايدة..طيب..أنا كنت فرجت ربيتك

..وراحت طالعة..

-----



قاسم/جيتي ازاي وعرفتى عنوانى وطريقى بالسرعة دى

أنا/عزيزى..أنت قولتلى مره عنوانك وشرحتلى كل حاجه..ازاي بتاكل ازاي تنام ازاي بتنزل..كل حاجة ولما مش ردبت على مكالماتى ورسائلى خوفت وقولت اجى اظمن بنفسى واعملك مفاجأة..أنت مش مبسوط عشان جيت؟

قاسم/أكيد يا حبيبتى مبسوط

أنا قربت منه واعدت على الكنبه وهى بتقول/أنا سبت كل حاجه..بيتى وعائلتى وشغلى وجتلك

"وبصت فى عنيه وهى بتقول"أنا مشتاقالك كتير

"وقربت منه اكثر وهى بتأكد/كتير

..وفى لحظة طبعت قبلة على شفائفه..قاسم خد القبلة فى الأول على وهله..بعدين بعد شويه وهو بيقول/استنى

أنا/ايه؟

وبصت فى عينه اوى وهى بتقول/لسه شعلة حبى تشتعل بقلبك؟؟

"وهزت راسها وهى بتقول"لا؟..قول

قاسم/انا..الموضوع مش كده

أنا/اومال ايه

قاسم/أنا..بعدت عنك فترة ومحتاج ارجع زى الأول..اديني مهلة بس

أنا مسكته وشه وقالت/وانا هساعدك على ده وهنتجاوز مع بعض المشكله دى وهنقرب  
من تانى

..وطبعت قبله رقيقه على شفايفه ووقفت بحماس وقالت/ها..أنا جعانه..عندك اكل ايه؟

قاسم بضحك/هطلب دليفري

..وقاسم راح على التليفون يطلب أكل..وانا بتبص على الصاله حته حته وبصت على  
الطرقه واتمشتيت فى الشقه عشان تتعرف عليها وقاسم نظراته ملحقاها وهو مش عارف  
بيبرر لنفسه بعده الغريب عن أنا..

\*\*\*\*\*



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

285

قسمت وعزة وشاهندة اعدين فى أوضة شاهنده ويحكوا اللي حصل..

عزة/بس ايه يابت وقعتى الواد على بوزة

شاهندة/يعنى هو لوحده اللي وقع مانا كمان وقعت على جدور رقابتي

قسمت/ربنا يتملكم على خير يا حبيبتى

شاهندة/امين يارب امين

عزة/بس فى حاجة مضايكاكى يا قسمت؟

قسمت/ها..ح حاجة..حاجة زى ايه يعنى!

عزة/مش عارفه..أنتى متغيرة أوى..من ساعة ماجيتى وانتى سرحانه وزعلانه

ومسهمه وزى مايكون فى حاجة حصلت!

..قسمت قلبها طب..

شاهندة/اه صح..وانا كمان حاسه بكده





قسمت ما عرفتش ترد والأثنين بصلها ومستنيين الجواب واللى انقذها تليفونها اللي  
رن..

قسمت/بابا!

عزة/فى حاجه ولا ايه؟

قسمت/هشوف

وفتحت قسمت التليفون وقالت/ألو

باباها/بنتى حبيبتى

قسمت/أهلا

باباها/عامله ايه

قسمت/مائنت لسه مكلمنى يعنى هيكو ايه اللي حصل

..عزة غمزتلها عشان تكلمه حلو..

قسمت/الحمد لله يعنى







باباها/الحمد لله..فكرت في اللي قولته؟

قسمت/أنا قراري نهائي وهعيش في البلد اللي أمي اتولدت فيها وهكمل دراستي هنا

باباها بزعل/كان نفسي أشوفك..أنا ندمت يا قسمت على بعدى عنك ونفسي اقضى آخر ايام من عمري معاكى

قسمت بضيق/الأيام جايه كتير

باباها/أنا عرضي ساري في أي وقت محتاجاني فيه هبعثك التذكرة وتجيلي  
قسمت/ان شاء الله

..وقفلت الموبايل بخنقه..

شاهدة/هو ايه حكايته..الأيام دي بيلح عليكى تسافريله ليه

قسمت بسرحان/مش عارفه

\*\*\*\*\*

قاسم بيغسل ايده فى المطبخ وانا دخلت من وراه وحضنه وسنده راسها على شهره  
وقالت/أنا بحبك قاسم..ماتبعدهش عنى تانى

قاسم رفع راسه لورا وسندها على راسها وقال/وانا كمان..ومحتاجك جنبى ياأنا

..ولفلها وهى حضناه ورفعت راسها بصتله وهى بتقول/مالك؟

قاسم كان نفسه يحكلها على كل اللى تعبته بس ماقدرش/أحنا قبل مانرتيط كنا أعز اصحاب

أنا/همم!

قاسم/بعدين ارتباطنا أمتى وازاى مش عارف..بس اللى انا عارف كويس أنى مش قادر  
ابعد عنك..وعايز اطلب منك طلب..لو فى يوم عملت حاجه تزعلك سامحيني

أنا ابتسمت وباسته من خده وهى بتقول/أنا عندى لىك مفاجأة

قاسم/مفاجأة ايه؟

أنا سابته مشيت وهى بتقول/تعالى





وراح قاسم وراها ودخلت أوضة النوم وفتحت شنطتها اللي على الأرض وطلعت صندوق أحمر مستطيل وهي بتقول/أنا روحت زيارة لفيتنام وأول حاجة عملتها بحثت عن دي..أنا عارفه انك بتحبها وكنت عايز واحدة من زمان

وفتحت العلبه وقاسم منتظر يعرف هي ايه..وطلعت أنا وردة دبلانه من الصندوق ولونها أسود وقالت/أنا عارفه أنها مش بتتمو غير في مرتفعات "آناميا" عشان كده جبتهاك

..وقربت ايديها لقاسم وهي بتهداهاله..قاسم فرح ومسكها براحه وهو ببصلها وقال/أنا ماكنتش اعرف انها باجمال ده..رغم سوادها إلى انها بتوحى بالحياة ومافقدتش رونقها كوردة

ومسك كتف أنا وهو بيقول/قد ايه أنتى انسانه جميله من جوا ومن برا ياانا

أنا رفعت ايديها واتشعلقت في رقبتة وهي بتقول/أنا محظوظة بوجودك في حياتى

..قاسم حضنها وهو مبتسم..ولقى أنا بتبوسه من رقبتة وهو سرح معاها وفقد اعصابه اللي امتلكها منذ وصولها ومع عدت حركات سريعه لف قاسم واعد على السرير وهي لفه رجليها على وسطه والقبلات مستمرة..

..ووقفوا مره واحده وبصت أنا جوا عيون قاسم وشالت السماعه من وده وحطيتها على الكوميدينو ومسكت طرف التى شيرت بتاعه ورفعتة لفوق وهو ببساعدها فى خلعه..وبحركة تلقائيه وسريعه لفها من عليه على السرير وضحكت أنا بصوت عالى..وابتدت القبلات ووقعت الوردة من ايده على الأرض كأنها لم تكن..





\*\*\*\*\*

قسمت صحيت من النوم وهى بتشهبق جامد ووشها كله أحمر وحطه ايديها على صدرها  
ومش قادره تتنفس..صوتها وفزتها صحوا عزة وشاهنده وهما مخضوين وجريوا عليها  
وهما بفتحوا النور واعدوا جنبها وشاهنده ناولتها الميه وعزة دعكت صدرها..

عزة وهى بتدعك صدرها/مالك مالك..بسم الله الرحمن الرحيم..بسم الله الذى لا يضر مع  
اسمه شيئا ولا فى الأرض ولا فى السماء

شاهنده/بسم الله..براحه بس فى ايه

..وشربت قسمت وهى بدلق ميه على نفسها وخذت نفس جامد وعزة لسه بتدعك صدرها  
وضهرها وعمال تفتح عندها وتقفلها..

شاهنده/كابوس ولا ايه؟

قسمت/مش عارفه..كنت ماشيه فى طريق مش عرفاله نهاية ووقعت فى مصيدة ولقيت  
وحش هجم عليا وكسر قلبى يا شاهنده..ولقيت نفسى بيروح وقلبى بيدق جامد..مش  
عارفه مش عارفه



عزة/استهدى بالله كده واقرى المعوذتين وأية الكرسي واستغفري ربك وتفى على كتفك  
الشمال ٣ مرات

..قسمت هزت راسها وابتدت تعمل زى ماقالتها عزة..

شاهنده/أنا بقول تقوم تصلى أحسن

عزة/أه..قومي صلى ركعتين عشان تهدي وربنا يقف معاكي وأدينا صاحين أهو

..قسمت هزت راسها وقامت من على السرير وهى بتتنفض براحه..

\*\*\*\*\*

أنا واقفه فى المطبخ بتحضر الفطار الصبح بادري وهى مبسوطه وبتغنى ولبسه بقميص  
نوم كمونى قصير وشبه عريان وواقفه حافيه..وفى وسط انسجامها الباب رن..

أنا وهى بتدوق الأكل/عزيزى..قاسم!





وأفكرت السماعه راحت ضاحكه وراحه فاتحه الباب وهى مازالت بتضحك وبترقص على رنين أغنيه بتدور فى دماغها..

..ووصلت للباب ولفت الأوكره وهى بتفتح الباب على آخره وسانده على طرفه وبتبصى للى خبط..

..قسمت كانت واقفه بشنطه هدومها جنبها والمفاتيح بتاعتها فى ايديها وأول ماشافت أنا بمنظرها اتخضت واتصدمت واتفاجئت وعنيها رغرعت ومانطقتش..

أنا/مين؟

وشاورت لقسمت وهى بتقول/هالوو

..قسمت فاقت ورجعت بضرها وهى مخضوضه وراحه لفه ودموعها نزلت بدون سابق انظار وجريا على شقتها وهى بتترعش وفتحت الباب وهى مش شايفه من دموعها وقفلت بسرعه وهى منهازه من العياط..

..أنا بصتلها باستغراب بعدين ما اهتمتش وضحكته وهى بتقول/حبيبي

..وقفلت الباب..



..قسمت عيظت بصوت عالي وانهييار ووشها أحمر بعنيها وجسمها فضل يتنفض من كتر عياطها وراحت باصه على جسمها وهي عماله تشد جلدھا بايديھا وضوافيرھا وتضرب عليه كانھا عايظة تخرج ذكرى قاسم منه وتمسح بؤھا بضهر ايھا لحد ماجسمھا بقى كله كدمات وخرابيش وعشان تسكت راحت موقفه الضرب والعياط وكتمت العياط بحزقه وهي بتهز راسھا بغيظ..

..وراحت مطلعھ موباييلھا وهي واخذھ القرار وداست على اسم باباھا..!!

\*\*\*\*\*

قاسم نايم بطنه وضهره عريان وأنا عماله تلعب في ودنه بغصن الوردة وهو فاكرھا دبانه وعمال يهش وهو غمض..بعدين مالت عليه أنا وباسته من خده كذا بوسه بسرعة عشان يفوق..

..راح قاسم لافف ونايم على ضهره وهو بيحاول يفتح..وشاف أنا فوق راسه مبتسمه..راح ابتسملھا وخذھا في حضنه وكمل نوم..



أنا/اية؟..انا حضرت الفطار وأنت نايم..ياللا..قوم..اصحى

..قاسم ماتلقلش من مكانه..

..أنا بصتله بعدين افكرت السماعه وضحكت..وعدت من عليه للكوميدينو وخذتها  
وحطتهاله فى ودنه وهى بتقول/اصحححححى

..قاسم فتح من الخضه ولقى انا بتضحك جامد..راح مفتح عين ومغمض عين وقال/كنتى  
بتكلمينى!

أنا/أمممم..أنا حضرت الفطار وأنت لسه نايم

قاسم/أوووة..ياترى محضراى ايه

أنا وقفت وقالت/تعالى وأنت تشوف

..قاسم قام معاها وراح على طرابيزة المطبخ وقال/واو

..وشد كرسي واعد وصبت أنا الشاى واعدت جنبه..

قاسم/وحشنى أكلك





..قسمت وقفت وأول ماوصلوا..

عزة/أنت اتهلتي صح؟

شاهنده/لا ده جنان رسمى..عايزة تنقلى كل حياتك وتسافرى باريس..فجاءه كده

عزة/على اسا اننا ماكناش مع بعض امبارح وكان رفضك تام فى الموضوع..ويعنى ايه  
تتصلى وتقولى انا فى المطار ومش هعيش هنا وواحدة ايه دى كمان اللى هتسيبي كل  
حاجه عشانها؟

شاهنده/عايزة تسافرى لمرات ابوكى ومعاملتها الوحشه ليكى؟

عزة/لا..دى اتجننت بجد..وجبتى التذاكر ازاي وهتسافرى لوحدك والجامعه..لا لا ده  
فاضل على الامتحانات شهر؟!!

شاهنده/أكيد فى حاجه حصلت

..قسمت أخيرا نطقت وقالت وهى بصره فى الأرض/من فضلكم اسمعونى

..الأثنين ربعوا ايديهم وبصولها..

قسمت/أنا خسرت والدتى فى البلد دى وخسرت جدو أحمد فى البلد دى وخسرت قاسم  
برضو فى البلد دى..ماعدتش ليا حاجه عشان اعد





عزة/وأحنا؟

قسمت/سنه ولا اتنين وكل واحده تتجوز وأنا هبقى لوحدي !!

شاهنده/كل ده عشان لقيتي واحده ماتستا هلش عند قاسم..بيغور هو وهي

قسمت/لا..كده غلط

عزة/مهما خبيتي عننا برضو مش هتقدرى وقاسم ده مايستاهلش ضفرك..أنا عارفه انتى متعلقه بيه ليه..انسيه يا قسمت انسيه

قسمت عنيتها دمعه وهي بصبه فى الأرض وقالت/أنا اتجرحت وخسرت حاجات كتير أوى هنا وانتهيت على الآخر..أنا ماقدرش على كده..أنا هسافر لبابا..الحاجه الوحيده اللي فضالى فى الدنيا وهسيب هنا بكل ذكري حلوة ووحشه وابتدى حياة جديده وهحاول اتأقلم على الوضع هناك والعيشه وسط أخواتى ومراته ابويا وهبقى واحده منهم وهبنى عيله يابنات..هبنى عيله..بدل..بدل الحاجات اللي ادمرات جوايا

شاهنده/أنا مش مقتنعه بكلامك ده ولا حتى بنكله واحده

عزة/متأكده من قراراك يا قسمت؟

..قسمت هزت راسها وهي مدمعه..عزة وشاهنده بصوا لبعض وراحوا حضنينها فى نفس الوقت والتلاته عيطوا..

جه صوت بيقول/على السادة المسافرين الى رحله.....التوجه الى قاعة....

..البنات بصوا لشاشه الرحلات وحضنو بعض اكثر..وسابتهم قسمت وهي بتشد ايديها  
وصوابعها منهم وهما مش عايزيين يسيبوها..ومشيت وهي مسكه شنطها وهما مسكين  
فى بعض..

عزة/أوعى تنسينا يا قسمت

شاهنده/ماقدرش انساكوا

شاهنده/هتوحشينا ياكوكو

قسمت/أنتوا كمان..

..ومشيت بسرعه عشان ماتعيطش اكثر من كده..وسلمت التذكره وطلعت الطائرة..

\*\*\*\*\*





قاسم لبس وخذ مفاتيح الموتسيكل وتليفونه ووقف على الباب ودع أنا ولسه هيمشى حس  
بنغز فى قلبه وهو بيبيص على شقة قسمت ..

أنا/فى حاجه حبيبي؟

قاسم/لا..لا مافيش

ونزل سلمه وهو ماسك قلبه وركب الموتسيكل وطلع بيه على زينهم ولبس لبس محروس  
ونزل مع زينهم للمعلم ..

..زينهم ماشى وحاطط ايده فى جيبه وقاسم لافف كوفيه على رقبته وعماليين يبصوا  
لبعض وقلبم بيدق جامد ..

..أول ماوصلوا لمكان المعلم وأول ماشافهم الحارس فتحلهم ودخلوا بنفس المنظر  
والرجاله كلهم مستنيين المعلم وهو لسه ماجاش ..

..وقف قاسم هو وزينهم على بعد كام خطوة من الرجاله واستنوا ..

..شويه وواحد من الرجال قرب لقاسم ولق حواليه وهو بيبيصله من فوق لتحت ويطلع  
سيجاره من جيبه يولعها ويقف قدام قاسم وهو بيتفحصه بنظرات غريبه ..

..قاسم تلاشى نظراته ..

الراجل بصوت تخين وواضح انه من كتر شرب الممنوعات احبال صوته غلايت/تشرب أخ



قاسم وبنفس طريقه زينهم/تشكر

الراجل خبطه بضهر ايده على كتفه كذا مره وهو بيقول/أما اقولك تشرب يبقى تشرب ولا أنت فاكر نفسك ولمواخذة بيه

راح مسكه من قميصه وهو بيقوله/أوعى تكون فاكر ان الهدمتيين دول هينضفوك..ده أنت سرسجى ياض

قاسم بنفس طريقته/بقولك ايه..هتبعد عنى الساعة دى وتقول ياشتر اشتر ولا ناوى تقضى اليومين دول فى العنايه

الراجل/أنت قد كلامك ده

قاسم/قده ونص كمان

..راح الراجل رافع ايده وهينزل بيها على وش قاسم..قام قاسم رافع ايده المعاكسه لإيده ووقفها وبالأيدي الثانيه ضربوا بوكس فى بطنه..الراجل مال لقدام وهو ماسك بطنه..قاسم كلبش ايده الأتنين وضربه بيهم على قفاه..الراجل وقع على الأرض زى الدبش وهو فاقد وعيه..راح قاسم مبتسم ولف لزينهم اللي كان بيضحك وغمزله..

..كام راجل اتحمق للى وقع وهجمو على قاسم..راح قاسم ماسك ازازة كسرهما فى الحيطه ووقفاهم..

..وراح متكلم المعلم اللي كان واقف فوق وشايف كل حاجه وقال/كفايه



..الرجاله بصتله وقاسم وزينهم بصولوا..

..المعلم نزل على السلم وهو بيصلهم والرجاله وقفت على جنب فى خشوع وقاسم رمى  
الإزارة جنبه..والمعلم اعد على الكرسي وضرب الراجل اللي على الأرض برجليه  
وهو بيهزة بقرف وقال/ارموة برا

قاسم/يامعلم هو اللي اتناول عليا وانا بصراحة راجل حمش وماحبش حد يجيب سيرتى  
بكلمة على لسانه

المعلم/لا جدع ياض

زينهم/معلم!

..المعلم بصله وهز راسه..

..وكان جه الرجاله اللي خرجوا المضروب بره والكل اتجمع..

المعلم/الكل يسمع

..الكل انتبهه..

المعلم/محروس من الليه دى الأفوكاتو بتاعنا

الكل بص لبعض وواحد منهم قال/ده لسه جديد يامعلمى ومش محل ثقه يعنى

المعلم/محروس عمل اللي أنتو لحد دلوقتى ماقدرتوش تعملوه..فاكرين شغلانة السواد  
اللى ماعرفتوش تعملوها..وراح فيها اتنين من رجالتى على ايد المباحث..فاكرين!..أهو هو  
اللى خططلها وقام بيها

الراجل/مش ذنبنا يامعلم أن المباحث بتستنصفه وبتعديه فى الكمين من غير تفتيش

المعلم/لولا ذكانه وتمويهو لشكلكم المشبوه وانتباه البوليس لعربيتكم ماكنش طلعه بسرعة  
عشان لسانه حلو معاهم ولبسه الهدمه اللي عل الحبل ماكنش الظابط سرحه بسرعة  
عشان يفضلكم

زينهم/وكم ان يامعلمى لولا أنه حط البضاعة فى عربيته هو وشال المسئوليه لوحده  
ماكناش طلعا منها وكات عمرها هتوصل

الراجل/طب بلاش ده..بكت تدى الشغلان لزينهم أهو دراعك اليمين

زينهم شاور على وشه وقال/بدى..ثانيا قاسم ماعلهوش شبيهه ونضيف ثالثا بقى المعلم  
مايقدرش يستغنى عنى هنا عشان مغطيه

الراجل/يعنى

راح المعلم قاطعه وهو بيقف وبيقول بنبره خشنه/حد عنده اعتراض على قرارى؟

الرجاله/لا يامعلمى







..المعلم بص لقاسم وخط ايده على كتفه وقال/مبروك عليك ياافوكاتو

..قاسم ابتسم وشاور لزينهم اللي ابتسم بنصر لانه كان واثق ان المعلم عامل خطه الخناقه  
دى عشان يختبر قاسم ولانه تربية المعلم فهم دماغه ودرج قاسم على الكام حركه  
دى..وابتسم اكثر لان قاسم وصل للى هو عايزة وبكده هيكون قدام عينه كل حاجه بتحصل  
وتحت ايده اى حاجه عايز يكشفها..

\*\*\*\*\*

وصلت عربيه فخمه قدام فيلا شيك ونزل السواق جرى منها وجرى على الباب الخلفى  
للعربيه اللي نزلت منه قسمت مااستنوش يفتحلها..

راح لافف السواق لورا ونزل الشنط وهى قفلت الباب وهى بتبص على القصر وكبرها  
وجمال الحديقة ووسعها..



..وبصت على باب القصر اللي خرج منه باباها بلبس الرياضة الأبيض وعلى وشه ابتسامه واسعة لوصلها وفاتح ايده ترحابه لقسمت ..

..قسمت بصتله بحزن بعدين تقدمت كام خطوة وهي مسكه شنطة يد وهو كان وصل بقيت المسافة بخطوات سريعة ..

..وراح واخدها في حضنه ولأول مره قسمت حست بالأمان في حضنه ..

باباها/نورتى فرنسا كلها يا حبيبتي

وحاوطها بإيده ومشى بيها وهو بيقول للسواق/طلع الشنط على أوضة الهانم

وبصلها وهو بيقول/نورتى بيتك يا قسمت

..قسمت خطت أول خطوة للقصر وحست أن قلبها بيدق بسرعة ووشها أصفر وهي بتبص لفخامة القصر ..

قسمت/يعنى نقلت من فيلا لقصر وماقولتليش!

باباها بضحك/عجبك؟

قسمت/المهم اللي جوا القصر يعجبونى



باباها/صوفيا أغيرت كثير عن زمان وهتشوفى بنفسك

وبص على السلم وقال/صوفيا صوفيا تعالى

..وخذ قسمت وأعدوا على الأنتريه ونزلت صوفيا من على السلم وهى ست فى الأربعينات شعرها قصير وزى سلاسل الذهب..ونزل وراها أولادهم..سمير ١٥ سنة واخذ شكل مامته الأجنبى ومادلين ١٠ سنين لحد ما تشبهه والدها واصغرهم مارك ٦ سنين..

قسمت بصت لسمير اللى كبر من آخر مره شافته فيها وبصت لمادلين ومارك ولأنها أول مره تشوفهم فى حياتها..

..وقربت صوفيا وهى فاتحه حضنها لقسمت ومبتسمه..قسمت استغربت ومااتحركتش..

صوفيا خدتها فى حضنها وهى بتقول باللغة العربيه مكسر/أخلا وسخلا

..قسمت مااحستش بالحضن بل زادها جفاء..وماردتش وسابتها وهى بتبص لسمير وهو بيقرب يسلم عليها بالإيد ويقول/نورتى باغى

..قسمت مدت ايديها وسلمت عليه وهى بتبص لباباها بتساؤل..

باباها/سمير بيدرس اللغة العربيه فى المدرسه وواخدها لغه اساسيه بما أن له عروق فيها ويحب الشريعة الإسلاميه ونفسه يزور مصر..

..قسمت ضحكت وراحت مقربه منه وباسته من خده وقالت/منورة بيك

وبصت لمادلين الل بتبصلها من فوق لتحت بتكبر ومدت ايديها تسلم..

مادلين بلغتها/أنتى مين؟

قسمت رجعت صوابها براحه وابتسامتها اختفت..

الأب بتحذير/مادلين!

مادلين/دى غريبه مش أختنا..أنا أخواتى سمير ومارك بس

..وراحت متترفة وطالعه على اوضتها..

الأب/أنا أسف يا قسمت

قسمت بسرعة/عارفه

قسمت بصت لمارك اللى كان مستخبي ورا صوفيا وقالت/وأنت كمان هتسلم ولا لا؟

صوفيا طلعته من وراها ومدت ايده بحياء..قسمت ابتسمت وسلمت عليه..





سمير/تعالى معي

قسمت بابتسامه/فين؟

سمير/سأريكي غرفتك

قسمت/حاضر

..ومشيت معاه..

الأب/بسرعة عشان الغدا هاا

سمير/أوكاي بابا

وخدها من ايديها وطلعها الدور التاني ومشى بيعا شويه وهو بيقولها كل اوضه لمين/هذه  
غرفة بابا وماما

والتانيه/هذه غرفة مادلين

..وباب الأوضه كان مفتوح وأول ماشافتهم مادليين راحت قافله في وشهم..قسمت  
اضايقت..

سمير حط ايده على كتفها وقال/غدا..تؤ..بكيرة..تتعود..إنها صغيرة



..قسمت ابتسم وكملت معاه ..

سمير/ وهذه لمارك

..قسمت بصت على أوضة مارك وعلى اللعب اللي فيها وابتسمت ..

سمير/ أما هذه ..غرفتك

قسمت بصتلها بخوف لأنها كانت آخر أوضة فى الممر ..بعدين بصت لسمير وقالت/وأنت؟

سمير/ هل تريدن رؤيتها؟

قسمت هزت راسها وراح سمير راجع للسلم بسرعة وشاورلها بصباعه ..قسمت ضحكت وراحت وراه وطلعوا للدور التالت كأنهم بيسرقوا ..

..ووقف سمير قدام باب كبير وفتحه بإيده الأتيين على الأخر وبانت الأوضه اللي ماكنتش أوض ..دى كانت جناح ..صاله واسعه بطريقه غير طبيعيه وفيها ركنه محطوط فيها كام أله رياضيه ..

..ودخل سمير وهو بيقول/هذه غرفتى أنا

..ودخلت قسمت وهى بتتفرج عليها بتمعن وفتح باب تانى ودخل ووراه قسمت وهى بتتفرج على أوضته والأساس والتحف اللي فيها ..



قسمت/اشمعى أنت جناح وأخواتك أوض عاديه يعنى؟

سمير/عندما يبلغ الولد ويصبح شاب ياخذ دور بمفرده وعندما يرتبط ياخذ منزل اخر

قسمت/أوووة

"وفى بالها" وبابا راضى بكده؟..اما صحيح بلاد بره بتغير

..بسمير راح لركن هادى فى الأوضه وفيه شباك كبير وقسمت راحت ووقفت وراه وهى بتبص من الشباك وبتقول/واو..منظر يجنن

سمير/ومن المنظار أجمل

..ومسك طرف المناظر اللي واقف على عامود قدام الشباك وشاور لقسمت تبص من خلاله..قربت قسمت من المنظار وبصت منه على أجمل مناظر الحدائق وعلى ملاهى بعيده وهى بتلف بيه عنيهما وقعت على بيت بعيد واللى كان جواه بنت تصغر سمير شويه وعماله تبص على نفسها فى المرايا واول ماشافت منظار سمير بيتحرك راحت ضحكه وعملت(باى باى)واختفت بعدين رجعت بمنظار لا يقل عن اللي بتبص منه قسمت..وراحت بصره وأول ماشافت قسمت بتعملها(باى باى) راحت مخضوضه ومستخبية..

..قسمت وقفت وهى مربعة وبصت لسمير وقالت/أنا عرفت هو ليه أجما ركن فى الغرفه



..سمير مافهمش راحت قسمت شاورتله على المنظار..قام باصص عليه ومن خلاله على  
البنيت وهي مخبيه نفسها وعماله تخرج راسها وتستخبي تانى..سمير ساب المنظار وبص  
لقسمت بخجل وهو بيلعب فى شعره ..

قسمت رفعت راسه وقالتله/مكسوف ليه؟

سمير/هل تقولين لبابا؟

قسمت عقدت حواجبها وقالت/اشمعنى

سمير/هذه كاثرين ابنه اكبر عدو لأبى فى العمل

قسمت فهمت قوالت/مش هقوله

سمير/هذه وعد؟

قسمت/وعد

ابتسم سمير وسابته وخرجت لما شافته بيص لكاثرين وبيظمنها..ونزلت تحت ودخلت  
اوضتها ..

..وبصت على ترتيب الأوضه اللي حرس والدها على تنظيمه بنفسه..ولمست الدولاب وهي  
بتتمشى فى الأوضه وبتتفرج عليها وراحت اعده على السرير ومفرغه شونطها فى







الدولاب وهى بتقول لنفسها/أنا خلاص هبدأ حياه جديده هنا..فى البيت ده..ومش هسمح لحد أيا كان انه يجرحنى

سمير خبط على بابا وهى بتنزل الشنطه على الأرض وهى فاضيه..بعدين فتح وهو بيقول/لقد حان موعد الغداء

قسمت/هو أنت بتتكلم كده ليه؟

سمير/أنا ادرس فى المدرسة اللغة العربية الفصحى وليساه العامية..وابى فشل فى تعليمى العاميه ومل وفضل انه بيقى كما هو..وانا كما أنا..وفى طبيعة الحال..أنا أحاول التعلم ليكون التواصل افضل بيننا

قسمت هزت راسها وهى رايحاله وبتقول/تصدق أنت هتبقى حاجه مهمه فى المستقبل

..وحطت ايديها على كتفه اللي يادوبك طولها وخرجوا من الأوضة وهما عماليين يتكلموا ونزلوا على السلم وهما شايفيين كل حاجه وتحضير السفرة من الطباخين وأوامر صوفيا ليهم وتبويز مادليين وضحك والدها مع مارك..

..صوفيا ضحكت أول ماشفت قسمت وشاورتلها على كرسى تعد وسمير اعد فى الكرسى بتاعه جنبها وصوفيا وجوزها على رأسى الطرابيزة وابتدوا ياكلوا..

قسمت/بابا أوراق الجامعة!

قاطعها والدها/أوراقك اتحولت لأفضل الجامعات هنا وبكرة تقدير تباشري دروسك





قسمت/بالسهولة دي؟

باباها/مستقله بيا ولا ايه؟.. عيب اما دبلوماسى ومش عارف  
ينقلك فى يوم وليلة

..قسمت بصت فى طبقها وسكتت..

سمير مال على ودنها قوال/وهذا هو سبب عداوته مع والد كاثرين

..قسمت هزت راسها وكملت أكل وهى بتبص عليهم وعلى التناغم بينهم وجو الأسرة  
المثالية اللى عايشينه وتفكر عزلتها لنفسها وضحك بقهرة..

..بالليل كلمت عزة وشاهنדה وعرفتهم برقمها الجديد وطمنتهم عليها وقفلت نور اوضتها  
وهى على السرير ونايمه على بطنها وعنيها على السما ولمعان النجوم حوالين القمر  
معكوس على نينى عنيها اللى بيبرق..وتغمض عنيها..

..ويفتح قاسم عينه وهو باصص للسما بتمنى وتيجى أنا من وراه تحضنه وهو يغمض  
عينه ويسند راسه عليها..

أنا/أنا هنام



قاسم/أنا لسه قدامى شوية

..وتهز أنا راسها وتبوسه من خده وتروح للأوضه تنام..ويلقى قاسم نظرة أخيره على  
السما ويدخل أوضه المكتب ويفتح كتاب الهارمونيكا ويبتدى يقرأ..

\*\*\*\*\*

سنة ١٩٦٥

سنة جديدة وترم جديد وكتب جديده ولبس جديد وكل حاجه اتغيرت إلا هي(قسمت)..)

..بكمال كان خطب من البلد وسلامة ساب المعهد واشتغل ومدحت لسه بيدور على اللي  
تخطفه من أول نظرة وسعد بتاع بنات زى ما هو ومشعر قسمت من ناحيتى ما اتغيرتش!!..



..أحيانا بسأل نفسي هي ازاي قدرت تبعد عنى الوقت ده كله ..ازاي جالها قلب ماتحضرش عيد ميلادنا اللي فات؟ ..ازاي نسيت كل الحب اللي بينا؟ ..وازاي اتقربت اوى كده من عصام وقد يضمنها للكدر بتاعه؟ ..ياترى قدر يضحك عليها زى كتير قبلها ولا خطته نجحت فى ابعادها وكرهها ليا وقد يكسبها فى صفة ويخليها "الكتكوتة" بتاعته ..لا لا ..قسمت دى بتاعتى أنا ..دى قسمتى ونصيبي! ..ومش هسمحله ياخذها ..

..النهاردة عندنا حفله وزى مامشاعرها جفت من ناحيتى هليتها تانى وهرجعها زى الأول واكثر وهصارحها بالحقيقه بعد انتهاء الحفلة ..!!

..بكل مره ترتيبات الحفله والسرعه والتدريبات وصريخ المدربين وملى الكراسى بالمشاهدين ولجنه الحكم وسرعة عمال المسرح وتصنيف المدربه لينا عشان تفكرنا بالعرض ..بس المره دى كان فى حاجه مختلفه ..حاجه غيرت كل موازين حياتى!!

..ابتدا العرض بدورايه من البنات على عزف هادى للبيانو بعدين الهارمونيكا ودخول قسمت بين البنات واحترافها اللي زاد فى الرقص وتعليمها حركات جديده وغير مألوفه للمشاهدين واللى بان على وشهم السعاده والدهشه وفرحتى بقسمت زادت ..واتوزعت البنات على انحاء المسرح وبعدها عن قسمت عشان تلف دوائر ورا بعض وتنتهى العرض بسقوط مفاجئ ورجوع البنات اليها كتكملة للعرض ..

..لقت قسمت الدوائر كذا مره بل أكثر من كذا مره بل مرات المرات ووضوح الإرهاق على وشها مع حمران على خدودها بيزيد مع اللف ..ومره واحده عنيتها زغللت واترمت على الأرض ..والبنات رجعوها لتكملة العرض ..والموسيقى وقفت وانا وقفت والمشاهدين صققوا بحراره والستاره اتقفلت وماحدش عرف ان اللي حصل لقسمت كان حقيقى ومش من ضمن مشاهد العرض ..





..أنا من خوفي ولهفتي جريت عليها والبنات ملمومين حواليتها..وراحت مبعدهم ومسكتها بين ايديه واعدت افوق فيها والبنات ترش عليها ميه لحد مااستجابت وتفوق وتفتح عنيا وتغمض ولما ركزت وشأفت البنات فوق راسها والمدرية اولهم وانا حاضنها..راحت مخضوضه وقايمه بسرعة وكانت هتقع..حاولت اساعدها مارضيتش..واتسندت على زمائلها ومشيت معاهم..

..بعد انتهاء العروض كل الفرق اتجمعت على المسرح وتم إعلان الفائزين ومن ضمنهم فرقنا بقيادة المدرية وتم تسليم الجائزة لقسمت..

..قسمت وقفت على المنصة وهي مبتسمة بارهاق..وسنده على المنصة..وفرحت وانا شايفها قدامي فرحانه بالفوز..

..وابتدت تقول/الفضل الكبير يرجه لربنا ثم استاذتنا طبعاً..وكمان في فضل تاني لشخص كان..كان السبب في وصولي هنا في الكونسرفتوار..ونجاحي كان في اندماجى مع ألتة..وهو أخويا الكبير أحمد حمدى

..ومن وسط اللي على المسرح شاورت عليا وانا واقف مصدوم من جوملتها ويعتبارى اخوها..وفى وسط سرحانى فوقت على تصفيق المشاهدين ليا..واتقدمت خطوة أحبيهم ورجعت مكانى وانا باصصلها..



وكملت وهى بتقول/فى إعلان كنت مآجله فترة لحد ما جه الوقت المناسب وأهوجه ..  
وماظنش انه يستنى اكثر من كده ..ان شاء الله خطوبت ٩ انا والأستاذ عصام يوم ٤/١٤

..وبصتلى وانا واقف ببصولها بز هول ..خطوبة ..مين ..قسمت ..عصام ..يوم ايه ..عيد  
ميلادنا؟ ..طب ليه ..ليه ياقسمت تجرحينى الجرح ده ..ليه؟

\*\*\*\*\*

وفجاءة لقى قاسم الباب بيتفتح عليه وانا بتقول/ياللا قاسم ..تعالى نام معايا

..قاسم قفل الكتاب بخنقه لأنه كان نفسه يكمل بس أنا خرجته عن اندماجه بكل حرف  
ونقطه فى الكتاب ..

قاسم/طب ..طب أكمل واجى

أنا/بليز قاسم ..مش عارفه انام لوحدى

..قاسم وقف وهو بيزق الكرسي برجليه لورا بز هق وراح معاها ..





\*\*\*\*\*

قسمت اعده على رصيف فى الجامعة على جنب وهى بتبص على كل اللى حواليتها  
بترقب..على البنات اللى لبسها معظمة عريان وعلى الولاد اللى ساحبه بنات جنبها تحت  
الشجر وهاتك يابوس وقمة الاستفزاز والسيابان من المسؤولين والضحك والهزار باللمس  
والسجاير المحشيه وشربها ادى جدا مابين الشباب..وكرهها لنفسها وقاسم لأنه كان  
السبب فى تواجدها هنا فى البلد الغريبه دى..

..وفى وسط استحقارها ونظراتها وصراعتها النفسى..جات بنت اعدت جنبها بسرعه وهى  
بتمد ايديها بضحك/هاى..أنا سها

قسمت خرجت من السرحان وهى بصبه لإيدها وليها..

..راحت سها مسكه ايديها وسلمت وهى بتضحك وتقول/وأنتى قسمت..مصرية..أنا  
ماصدقتش أول ماشوفت قائمه المستجدين..مابصدق الاقى هنا حد عربى اتكلم معاه..انما  
كله رط رط فرنساوى وانجلش..زهقت وقربت انسى لغتى الأم وارط زيهم!



..قسمت عقبال ماجمعت جملتيين تقولهم من سرعة كلام سها كانت سها دخلت في  
موضوع تاني وقسمت مانطقتش..

سها/هالوو..أنت ايه..متحوله من مصر بالأسم بس؟..سمعيني صوتك ومصريتك

قسمت ضحكت ببوء واسع وقالت/ماهو أنتي لو ادتيني فرصه احكي كنت اتكلمت على طول

سها بضحك/مانتي لو تعرفي وتحسي بواحد زي مغتربه في بيت سكن عباره عن اجانب  
الصمت بقى حوارهم الليلي ماكنتيش قولتي كده

قسمت/خلاص ولا يهكم..انا لسه جديده هنا ومش عارفه ايه النظام

سها/بسيطه..أنا اعرفك..وبما أنه اول يوم ليكي هنا هعرفك على أخواتنا العرب واعرفك  
ياسيتي النظام..بوصي بقى

..وحت سها النظام كله لقسمت وعرفتھا على أصحابھا من العرب وفرجتھا على الجامعه  
وفرحت قسمت بصداقه سها ودخولھا قلبھا بسرعه..

\*\*\*\*\*







قاسم ماسك ملف فى ايده وطالع على سلم فى قسم شرطه مكافحة المخدرات..ويدور على مكتب أظابط(عادل)ويروح للعسكري اللي على باباه يديله عليه سجاير فى السر ويوشوشه فى ودنه..يروح العسكري مخبط على الباب وداخل..

..استنى قاسم وسط الطرقة وهو ملاحظ اللي رايح واللى جاى والمجرمين بلبسهم الإعتيادى والعساكر اللي مسكاهم ومحامين جايين ومتهمين وأهلهم زعلانين والساعى يوصل حاجات والقهوجى يوصل الشاى والفقوطة على كتفه..وضحكه عسكري لزميله..

..وفى وسط تركيز قاسم خرج العسكري وقاله/حضره الظابط عايزك

..قاسم ابتسم وشكره ودخل من الباب وهو بيضحك ولمحة واحد من صبيان المعلم وهو داخل للظابط بلبس انصف من النضافه واتعرف عليه بسرعه..وراح العسكري زقه من قفاه وهو بيقوله/ياللا يامتهم متصلبت كده ليه؟

المتهم/مظلوم والله ياسعادة البيه العسكري

العسكري وهو بيزقه/جاك خابط فى نفوذك قال مظلوم قال



يقوم الظابط من على مكتبه وهو يقول لقاسم/يا اهلا وسهلا..انا اول ما عرفت ان حضرتك من طرف منصور بيه سيد العالى امرت العسكرى بدخولك على طول..منصور بيه اشهر من نار على العلم وفضاله علينا كلنا

قاسم اعد وهو يقول/فى الحقيقه أنا كلمت مستر منصور فى الموضوع اللى جايلك فيه وشرحتله الوضع وهو رشحك لمصداقيتك فى عمالك وسريتك وحفظك لبلدك

الظابط/أنا عارف انه من بعد الثورة مابقاش فى حد بيتق فى الشرطه وقليل لو لقيت ظابط كوفء ومحبب لعمله ومخلص له وان شاء الله اقدر اقيدك

قاسم/وانا واثق من ده..وبما ان ما عندكش خلفيه عن الموضوع اللى انا جاي عشانه فأحب ادخل مباشرة فيه

الظابط/تفضل

قاسم حط الملف على المكتب وزقة بصوابه للظابط وقال/الملف ده يكشف عن سلسلة أعمال المعلم نعيم فى تجارة المخدرات وهو أكبر تاجى مخدرات فى منطقه البطنيه

الظابط وهو مش مصدق بص لقاسم بعدين فتح الملق وقلب فى الأوراق ووقف..



الظابط بشك/عرفت الحاجات دي ازاي؟

قاسم/اقلب الصفحة اللي وراها ياباشا

وقلب الظابط ولقى صور واثباتات عن التجاره ومدخلها ومخارجها..

الظابط/الورق ده والصور دي وصلوك ازاي؟

قاسم/أنا اللي مصور وأنا اللي كاتب التقرير واوراق الاثباتات وقعت فى ايدي

الظابط/نعم!..يعنى أنت عايز تفهمنى ان بمنظرك ده دخلت وقر المحششين وجوا البطنيه  
وصورت وكتبت وخذت وروحت عادى كده؟

قاسم/براحه ياباشا عليا..اكيد مش بالمنظر ده..انا فى واحد

..وماكملش وسكت وهو بيفكر ومارضاش يقول اسم زينهم لايكون الظابط مش امان  
وزينهم يروح فيها..

وراح مكمل بسرعه/واحد من جماعته ساعدنى فى اللبس والمظهر اللي يليق بيهم..حتى  
طريقه الكلام والأسلوب وكل حاجه..وبكده دخلت وسطهم وبقيت المستورد بتاعهم لبلاد  
بره

الظابط/كل ده يطلع منك يااستاذ قاسم



قاسم/واكثر كمان

الظابط/بس انا مافهمتش انت كان ممكن تقدم بلاغ على طول بالاثباتات دي وكانوا  
القو القبض على المعلم واللى معاه ليه طلبت السريه؟

قاسم/مش بالسهول دي ياباشا..انا لو كنت قدمت بلاغ كنت سمعت خبرى فى الجرايد على  
أنى متهجم ولا بلطجى..عشان كده طلبت الموضوع يبقى سرى..ولكن فى سبب تانى..أنى  
مش هكتفى بالشبكة اللى هنا بس

الظابط/يعنى ناوى !!

قاسم/ايوووة..أول مهمه استيراد قربت بس انا لسه مااعرفش اى معلومات..حبه اوراق  
بقى على حبه صور على شويه معلومات زى دول ونهد المبنى كله

الظابط/يعنى نكتم على الموضوع دلوقتى

قاسم/كده بدأت تفهمنى

\*\*\*\*\*



مر ثلاث ايام على نذهب قاسم للظابط عادل وجه معاد السفر..

..قاسم بيحضر شنطته وانا بتتفرج عليه بحزن وهو بيتلاشى النظر ليهت لأن مافيش أى مبررات للسفر ده...

انا قامت من على كرسى التسريجه ووقفت قدامه وهى بتقول/خذنى معاك!

قاسم/مش هينفع ياأنا

أنا حطت ايديها على كتفه/فلنعتبر انها رحله ومش سفر غريب؟

قاسم وهو مكمل تعبئه الشنطه/سبق وقولتلك أن السفر عشان حاجه مهمه تبع رسالتى ومش غريبه ولا حاجه وعدين مش هينفع تيجى معايا

أنا وعنيها لمعت من الدموع/أوكاى

..ونزلت ايديها من على كتفه وخرجت من الأوضه..



قاسم بص عليها وقلبه بيتقطع على منظرها وتوسلها ليه وفي نفس الوقت ثابت على موقفه لأنه مستحيل ياخذها معاه فى مكان زى ده ولا حتى انه يعرضها للخطر..!

قاسم خلص شنطته اللي كان بيتلقع فى تجهيزها وقلبه مقبوض..وقفل الستوسته بغيظ..ولسه هيقف دخلت انا وهى بتحط الموبايل على التسريحه وبتقول/أنا بكره..هروح رحله مع اصحابى

قاسم/فين؟

أنا/ما عرفش

قاسم هز راسه وارتاح نوعا ما لأن أنا تنازلت ع فكره سفرها معاه..واعد على السرير وهو همدان..

جات أنا واعدت جنبه وحطت راسها على كتفه وهى بتقول/هتوحشنى

قاسم بص على راسها بنينى عنيا ولأول مره ماحسش انه بيبادلها الشعور..

أنا انتظرت رد كالعاده..مالقتش..راحت رافعه راسها وهى بتسند على ايده وقالت/أنت لسه بتحبينى؟

قاسم بص على اى حاجه فى الأوضه غير انه يبصلها..

أنا عنيا لقلقت/لسه شعله حبي تشتعل بقلبك؟





قاسم من غير مايبصلها/أه

أنا ماصدقتش.. راحت مسكه دقنه ومحركاها عليها وبصت فى عينه وقال/لسه عيني بتسحرك؟

..قاسم حس بخنقه ودموع محبوسه فى عينه..

..أنا هزت راسها براحه للسؤال والدموع نزلت مع الهزة وهى لسه مسكه دقنه..

..قاسم حبس دموعه اكثر وهو بيهز راسه يمين وشمال وضاعط على بؤة وحاسس انه خانها مع قسمت وشعوره الغريب نحيثها وانه بكده بقى نسخه طبق الأصل من باباه والعذاب اللى عذبه لوالدته هو نفسه بيدقه ل أنا والتاريخ بيعيد نفسه..

..راح ماسح دموعها وهو بيهزر راسه فوق وتحت وحط ايده على شعرها الأشقر من ورا وراح واخدها فى حضنه بسرعة..وساب دوع عينه تنزل من غير مايحس بيها

..أنا اتشعلت فى هدومه زى الأطفال ولمره واحده راح سايب ايده اللى حضناها وهى حست بس فضلت متمسكه بيه..وراح شايل نفسه منها ووقف وهى مسكه دراعه..قاسم بعد حبه بحبه وايديها المتشعلقه فيه تتزحلق من على دراعه وهو يتحاشى النظر ليها وهى بتبقى لإيده ولية لحد ما بعد أووى وصوابعه سابت ايديها وهى متحجره مكانها..وراح خارج من الأوضه ودخل اوضه المكتب وقفل الباب وراه..وأنا مااتحركتش من مكانها وهى بصه على ايديها اللى فضلت ممدوده وبتعيط بصمت..



.قاسم فتح نور المكتب وهو مكبوت ومش فاهم ايه اللي بيحصله ولا عارف ايه اللي اتغير  
من ناحية أنا..كل مشاعره متلخبطه واحاسيسه مكر كبه فوق بعض وحس أنه محصور فى  
زاوية الخيانه..مالقاش طريق ولا مفر من مشكلته غير بقرايه الهارمونيكا...

..لجأ قاسم للكتاب بشوق وتشويق وهروب من الواقع لواقع ألعن من اللي عايشه وفتح  
الكتاب بسرعه ودور بعنيه على آخر ماقرأه..وخذ نفس للطيران مع الهارمونيكل وبدأ يقرأ  
وكل مره يسرح بخياله معاها..

\*\*\*\*\*

مالقتش حاجه اهرب بيها من الواقع المرير اللي عيشته غير الهارمونيكا..

..طلعت على سمطح البيت اللي مش عارف وصلتله امتى ولا ازاي ونفخت عليها أحزن  
النعيمات ودموعى نازله وانا مش حاسس وأخواتى كلهم طلعا واعدوا حوالياه ومن  
ضمنهم أختى الصغيره وهما بيتألماوا على ألى...



..نفسى بقى يروح ويجيبى ويتقطع وانا بنفخ على الهارمونىكا ومش عايز اقف..

قسمت كانت واقفه فى بلكونتها بتسمع أحمد دوعها نازله على خدودها وسرحانه مع  
الهارمونىكا )

..أحمد كمل وهو بيعيد وأخواته حواليه بيواسوه ومامت أحمد تحت والجيران بيهنوا مامت  
قسمت..

عدت ايام وأحمد يتلاشى النظر لقسمت وهى كذلك..وعذاب الحب يضغظ على  
كليهما..ويكابرون بالأعتراف خوفا من ازال الطرف الآخر..

\*-----





وجه يوم خطوبة قسمت وعصام الذى شرف عليه والد عصام بنفسه. ذات الشخصيه المتعجرفه والمهمه واقعيا وبلهاء داخليا.. كان الحفل بداخل فيلا عصام فى أرقى الأماكن لموضعة الاجتماعى العالى..

..حضر الحفل أغنى الأغنياء والبشوات والبهاوات أصدقاء الوالد المصون.. واصراره على استقبالهم بنفسه وتوجيه كل منهم الى أماكنهم الخاصة واستقبل والد عصام.. والد قسمت بترحاب له ولضيوفهم وجيرانهم والذى كان من ضمنهم عائلة حمدي عبد الستار وكان يتوسطها أحمد وعينه تبحث عن قسمت وقلبه ملهوق لرؤيتها..

..أخوات أحمد كانوا حاسييت بضعفه واجباره والدهم على حضوره اللي هو ذات نفسه كان بيكابره يحضره..

..المكان اتملى والرغى اشتغل واصوات الحاضرين تعلقى مع مزج بضحكات كادت ان تدمر أذان أحمد..واللى كان اعد يهز فى رجله وعينه راحه جايه وأخواته اعديين متوترين وخايبيين من اى حركه يعملها أحمد..

..وفجأة لقو أحمد وقف هز رجله ونظره اتعلق على السلم اللي نزل منه عصام بضحكته السمجة وهو لابس بدله سوده بجاكيتها ابو ديل طويل على سحبه سبعة..وسترت الجاكيت السوده المخططة وتسريحة شعرة اللامع على جنب..





.نزل عصام من على السلم واول حاجه عملها نظ على اصحابه وحنهم وهو بيوشوشهم وراحوا مشاوريين على أحمد اللي بدورة فهم انه سألهم عليه..

.وأول مالف عشان يبص عليه..راح أحمد باصص على الباب عشان مايوصلوش ويغظه..ولقى اصحابه(كمال-مدحت-سعد)داخليين من الباب..راح مشاورلهم يجيولوا..

.دخل كمال وهو ببص لعصام بتكبر وراح داخل على أحمد بابتسامه ووراح اصحابهم وسلم عليه وخده بالحضن وهو يربط على كتفه ويواسيه..

.أحمد عرف اصحابه على أهله وسلموا علي الأب والأم وأكتفوا برمي السلام على البنات ومنهم مدحت اللي عينه وقعت على شوقيه..

عصام وهو بيجز على سنانه وبيعدل ياقه القميص بغيط/ايه اللي جابهم دول

واحد صاحبه/اهدى يا عصام..اكيد قسمت عزمتهم

عصام/حسابها بعدين

صاحبه/مش وقته

عصام بغيط وهو محافظ على ابتسامه السمجه/هاها..طبعا طبعا



..واشتغلت مزيكل هاديه تدل على نزول العروس..ومن أول ما اشتغلت الضيوف عندهم  
على السلم و عصام بعديهم ووقفله على اخر درجه للسالم..

..أحمد قلب دق جامد و عنيه اتعلقت على السلم وعقله بينكر أن ده بيحصل..

وفي وسط لحظات الأنتظار والصمت..ظهرت قسمت من فوق وهي لابسه فستان بينك  
صدره مربع واسع بحملات..والحزام شادد وسطها وبعديه الجيبونا الواسعه المنقوشه  
والقماش المنقوش منه فيه لحد ركبتها وطرف الفستان اللي فيه زيق دانتيل بنفس لون  
الفستان والباقي بيلمع على خفيف..ورافعه شعرها لفوق بجمال وحطه ميك اب جميل زايد  
جمالها..ولابسه كعب عالي مطولها عن باباها اللي ساندها بفخر..

..وراح نازل باباها على السلم وعلامات الأرق واضحه على وش قسمت وتصنعها الضحكه  
وهي بتبص لعصام..

..ونزل باباها سلمها لإيد عصام اللي مسك ايديها وباسها باستراتيجيه وهو بيصلها نظرة  
"شهوة.."

..وبدأت الموسيقى برقصه سلو عالميه..وأحمد باصص على قسمت وعينه مانزلتش من  
عليها وقلبه بيتعصر من جوا وسط اصحابه اللي خدوه في آخر المكان عشان عيلته  
ماتحسش بمعاناته..



..خذ عصام قسمت وهو يبشدها من على السلم عشان يرقصوا وكانت هتوقه بسبب الشده  
بس سندها عصام بصدرة وهو بيحضنها وهو قاصد الواقعه!

..أحمد كان هيتحرك بعد الحركة دي بس اصحابه وقفوة وكمال عرض عليه انهم يطلعوا  
وأحمد رفض..

..وبدا عصام يلف بقسمت بالساحه اللي فضيتلهم وقسمت فى كل لفة تبص لأحمد اللي  
اتفاجنيت بوجوده ومع كل مره تبصله بشوق وتبعد نظرها بسرعه..وعصام يرقص بيها  
كانها دمييه بدون احساس بدون دم بدون روح!

عصام وهو بيجز على سنانه ومحافظ على نفس ضحكته السمجه/اضحكى..الناس بتبص  
علينا

قسمت بلقلقه/أنا..مش مش

عصام بصلها ضغط على ايديها بغيظ وهى اترعبت راح قايل/هاها..قوت اضحكى

قسمت بخوف/ح حاضر

..وكملاوا رقص على كده..وكل موه بيتحركوها بيدوسوا على قلب أحمد اللي انكوى بنار  
حب قسمت!







ومسك كاس رفعه مره واحده على بؤة وشربه وهو بيلسعه ومغمض عينه ويخفي دموعه ..

..كمال ومدحت وسعد ز عقولوا وهما بيداروا عليه عشان عيلته ماتشوفهوش ..

أحمد زق ايديهم بعصبيه وبص على عصام اللي بيضحك بصوت عالي وماسك ايده قسمت ..راح واخذ تانى كاس ..وبص مره تانى عليهم ..لق عصام بيفتح غلبه الدبل ..راح واخذ تالت كاس وهو مش راضى يسيب الجرسون ..وكمال عمال يز عقله ويشد الجرسون وهو مش سامعه وباصص على عصام وقسمت وعينه حمرا ..

عصام بيلبس الدبله لقسمت ..راح واخذ رابع كاس وفضل آخر كاس على الصنيه وبص عليهم تانى والعرق مالى وشه وشعره نازل على عينه اللي مغطى الدموع ولقى قسمت بتلبس عصام الدبله والزغاريط اشتغلت وألعاب ناريه اضربت ..راح واخذ آخر كاس على بؤء واحد وهو باصص لفوق ومرجع ضهره لورا وكمال بيشد منه الكاس ومدحت يشده من كتفه وسعد يمشى الجرسون ..وراح أحمد جارى على قدام بعصبيه وهو بيوطى على ركبته ويبينزل بايده اللي فيها الكاس على الأرض وهو بيطرشقها فى السيراميك بايده وهو بيصرخ/عاهه  
////////////////////

..الموسيقى سكنت الضيوف كلهم انتبهوا...الزغاريط وقفت الناس كلها بصنتله ..كف ايده نرف دم ..

..كمال وسعد شدوة ومدحت حاول يحط مندبل على ايده ..راح زاققهم ويبصرخ فيهم ..والده حاول يدخل البنات وقفته ..قسمت قلبها بيعيط من جوا وهى مش قادره تظهر دمعه واحده وحطه ايديها على قلبها وهى بتنهش فيه بصوابعها ..عصام بيضحك بانتصار ..الكل باصص لأحمد اللي ايده عماله تنقط دم وهو مش حاسس ..





..وراح مطلع من جيب البدله الهارمونيكا اللي اساسا مايعرفش خدها معاها امتى..وراح  
حاطتها بايده اللي فيها دم على شفائفه وبالإيد الثانيه عمل رقم ٣ ونزل فى صوابه واحد  
ورا التانى وراح ضامم كفة ايده وسند بيها الهارمونيكا وابتدا يعزف بألم

اقولي حاجة اي حاجة

قول بحبك

قول كرهتك

قول قول

قول و ميهمش حاجة

قولي عايزك

قولي بعثك

بس قلني اي حاجة اي حاجة يا حبيبي







.قسمت لفت براسها بسرعة على جنب وهى بتنزل دموعها كأنها بتعدل شعرها وراحت مسحاها وبصه لأحمد تانى بحسرة والأم..

"عمرى متعودت تبقى معاية و تفكر لوحدك عمرى

عمرى متعودت تبقى معاية و تفكر لوحدك عمرى

دحنى الاثنين قلب واحد دفته عندي و عندك

وانت قلبي و انت املي قلبي مالك ساكت ليه

قول يا قلبي قول يا املي قول مخبي عليه ايه

قول يا قلبي قول يا املي

قول يا قلبي قول يا املي

قول مخبي عليه ايه.....

..واحمد يعزف بألم ودموعه نازله وقلبه بينزف بدل ايده..





اقول بحبك قول كرهتك قول قول قول و ميهمكش حاجة

قولي عايزك قولي بعتك بس قلبي اي حاجة اي حاجة يا حبيبي

لو في قلبك شكوى مني اشكي مني لوم عليه

لو لقيت الحق عندي اد هولك من عنيه

وانت قلبي و انت املني قلبي مالك ساكت ليه

قول يا قلبي قول يا املني قول مخبي عليه ايه

قول بحبك قول كرهتك قول قول قول و ميهمكش حاجة

قولي عايزك قولي بعتك بس قلبي اي حاجة اي حاجة يا حبيبي

كل كلمه كل همسة روجي دايمًا شايهاك

كل دمعه كل فرحة اجري دايمًا و احكيهاك



وانت قلبي و انت املی قلبي مالك ساكت ليه

قول يا قلبي قول يا املی قول مخبي عليه ايه

قول يا قلبي قول يا املی

قول يا قلبي قول يا املی

قول مخبي عليا ايه ايه ايه

راح احمد منزل ايدو وهو بيفتح..راح كمال ومدحت وسعد مصقفيين جامد وعنيهم تدمع  
وتصقفيهم خلا الناس تصقف معاهم وعصام معاهم بغیظ..قسمت مسكت قلبها وهي مش  
بصالو..

كمال من وراه/كفایه كده يا احمد

..احمد هز راسه..راحو ساندینو وخرجوا من المكان خالص وخدوه على الشارع وهما  
بيواسوه..



بدأ العد التنازلي للساعة ١٢ وطرا بيزة تورته كبيره جات على شكل دواريات فوق بعض.. ووقفت قدام قسمت اللي عصام مش راضى يسيب ايديها

..قسمت صت للتورته وهى بتحاول تتخيل احمد بدل عصام وهو مبتسم .زبعدين تشوف ضجكو عصام ال السمجة..تروح مبوزة

..النور اطفى مافيشاي ضوع..عصام ساب ايديها ومسك سكينه..جات واحده وشوشت قسمت فى ودها وخذتها من ايديها بسرعه والناس ومن ضمنهم عصام بيعدوا بالعكس ١٠..٩..٨

..قسمت ووقت جنب طرابيزة تليفون وهى بتحط السماعه على ودها وقلبها بيدق جامد وهى سامعه صوت انفاس احمد المتتاليه ورا بعض بدون توقف

..عنيها لقلقت بالدموع وعرفت انه احمد..

..احمد من كابينه فى الشارع واصحابه واقفينله برا..

واتكلم وهو بيقول/أخ من عذاب الحب..وما ادراك بعذاب..نار تحرق الجسد..وغيره تشعل القلب..

..4..5

أحمد/ومعركة تخوضها اما الحياة ام الموت وانا اخترت الانسحاب

..3..

احمد/لعن المحب يوم ماأحب ويوم مابعده..ولعن كل من حب وتعذب من حبه..أشد عذاب ♥  
(:)

..قسمت عنيهامدعت وهي بتتنفس بسرعه..احمد سمع انفاسها وهو بيعيط..وراح حاظ  
السماعه..قسمت سمعت صوت غلق السماعه وماقفلتش

..1..

النور فتح وعصام بيقطع التورته وبيبص جنبه وهو بيضحك مالقاش قسمت..راح قالب  
وشه..

شوقيه بعياط/ليه بتعملي كده؟..ليه تعذبي نفسك وتعذبي احمد معاكى..حرام انتو الاتنين  
بتحبوا بعض سيبي كل حاجه واهربى مع أحمد

قسمت بعياط/أنى



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

340





..وماكملتش ولقت قلم بينزل على وشها من ايد عصام...

\*\*\*\*\*

ويرن تليفون قاسم ويخرج من اندماجه اللي وصل لدرجة المشاهدة الواقعية..

ويرد عليه بخنقه/نعم

زينهم/الساعة ٣ ياكبير ومعاد الطائرة بعد ساعتين يادوب تروح المطار

قاسم بص في ساعة ايده وقال/أه..معلش انشغلت في شويه حاجات..انا هقوم البس وانزل بس لحد دلوقتي ما اعرفش هعمل ايه؟

زينهم/الأخبار هتوصلك هناك ياكبير

لبس قاسم ونزل خد تاكس لحد المطار واعد على كرسي شويه لحد ماجه معاد معديه الشنط على جهاز الاستكشاف.قاسم وقف في طابور الجهاز وهو متوتر لأنه لحد دلوقتي ماجالوش اي تعليمات..



..جه دورة ورفع شنتته يسلمها للراجل اللي هيحطها على الجهاز وهو بيلىف يمين  
وشمال..

الراجل/هتنزل من الطيارة هتاخذ تاكسى على العنوان اللي هقولهواك

قاسم لف راسه بسرعه وبص للراجل..

الراجل ابترسم وكمل وهو بياخد الشنته ببطء/وباقي التعليمات هتوصلك فى معادها

..وراح قايلو على الفندق اللي هينزل فيه..قاسم بص على الشنته وهى داخله الجهاز  
وعلى الراجل وهو بيهز راسه وعدى..

..مشى كام خطوة بعيد عنه وهو عمال بيصله وهو متوتر..وراح للجوازات وادا التذكرة  
للظابط والباسبور وهو عمال يبص حواليه..وفى وسط نظراته وتوتره شاف  
الظابط" عادل" وهو بيغمزله..راح قاسم مبتسم وارتاح..الظابط عادل هز راسه..وخذ قاسم  
الباسبور ودخل ممر يوصل للطيارة..

..أول ما دخل قاسم للطيارة سأل المضيفه على المقعد بتاعه ودخل أعد وربط  
الحزام..وظلعت الطيارة



ابتسم قاسم وقال لنفسه/أحسن حاجه عملتها

..وراح مطلع كتاب الهارمونيكا من شنطة صغيره كانت فى ايده ..

وضحك وهو بيقول/ازاى جيت على بالى وخذتك..ياللا عشان اتسلى

..وبيبص جنبه لقي الراجل اللي فى المقعد جنبه بيبصله باستغراب..راح قاسم لامم بؤة  
وبمل ضحك وبص قدامه..وقام فاتح كتاب الهارمونيكا ونسى الدنيا بما فيها ..

\*\*\*\*\*

قسمت خدت القلم واتزقت على طرابيزة التليفون والتحف اللي على الطرابيزة اتهزت  
وواحدة منهم وقعت واتكسرت ..

شوقيه بز عيق/أنت اتجننت





عصام بصلها وهو مبرء ومعرض صدره.. وراح حاظط صوباعه على بؤة وقال/أنتى  
تخرسى خالص

شوقيه/خرصه تجيك ان شاء الله

عصام جاى يضربها بالقلم راحت قسمت واقفه قصاده ومسكت ايده وهى بتقوله  
بتحذير/عصام

..عصام بص لقسمت اللى مبرءة.. وراح شايل ايديها بغضب..وشد دراعها بلوحه وخذها  
وخرج من الطرقة على فوق..

..شوقيه خرجت من الفيلا وهى متغاظه وحاسه ان فى حاجه من استسلام قسمت..واول  
ماخرجت لقت أحمد واقف مع اصحابه على جنب فى الضلمه بتاعت الشارع ومستنيها..

..قربت شوقيه بتوتر وكل ماتقرب التوتر يزيد ويبان على وشها واول ماوصلت راح أحمد  
ماسك ايديها وشدتها للضوء وشاف توترها..

احمد/مالك؟

شوقيه/م..مافيش

أحمد/عملك حاجه..حد ازاكى؟



كمال/اكيد مافيش حاجه..ماحدث يقدر يا احمد

أحمد بصله بغضب بعدين بصلها وقال/أنا عارف أختي كويس..قولى فى ايه

شوقيه/أأ..مش قادره اقول

أحمد بز عيق/بقولك انطقى

..وبصلها وهو مبرء..

عصام رمى قسمت وهو بيزقها على السرير وبيقول/أنتى بتهنينى

قسمت/واللى أنت عملته فيا ده يبقى اسمه ايه

عصام شد شعره بنرفزة وراح جارى تحت رجليها ومسك ايديها وهو  
بيقول/حب..غيره..أنتى خطيبتى

قسمت بتعب/دى تمثيليه

عصام قام بنرفزة وهو بيرزع فى الدولار وبيقول/يووووة بقى

قسمت/أنا وانت كان ده اتفقنا عشانه

عصام بز عيق/عشانه عشانه عشانه..كل حاجه هو..وانا ولا حاجه

قسمت/أخرس..أنت ماتحطش نفسك فى مقارنه معاه..ابدا..أنا ملك أحمد..أحمد وبس

عصام زاد نرفزة وقال/وهتكونى ملكى وهتبقى مراتى قريب..قريب اوى..مرات  
عصام..وأسم عصام هو اللى هيبقى فى قلبك وعلى لسانك مش حد تانى

قسمت/هبقى معاك جسد بلا روح..وردة من غير ريحة

عصام/وأنا مش هسمحك تجرحينى بشوكك..وهقطفك بين ايديا الآتين وهتبقى ملكى انا  
وبس



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

346

قسمت/مش هتقدر

..عصام جز على سنانه وهو بيحرك راسه بسرعه وراح عادل شعره اللي نعكشه بصوابه وهو بيتهز وعدل جاكيت البدله بكل برود وقال/فى تغير بالخطه..فرحنا الخميس الجاى

..قسمت قلبها طب وبصتله وهى بتدمع وقالت بصوت مش طالع/أنت اكيد اتجننت

عصام لسه هيترفز عليها تانى راح ازاز الشباك مكسور..وظلع صوت أحمد وهو بيقول/يا عصاااااام..أنزل يا جبان

..عصام وقسمت بصوا للشباك..وعصام كله غل وقسمت كلها خوف..

..أحمد رمى زلط على شبابيك الفيلا وهو عمال يبص على شباك شباك وبيقول/أنز زلى  
هناااا

..خرج ابو عصام ووراح المعازيم وهو بيزعق..ولقوا أحمد بيكسر الأزاز وهو شبه  
سكران..



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

347



..خرج عصام من نص المعازيم وهو بيزقهم عشان يوسعوا وعلى وشه ملامح  
الغضب..وقسمت وراه بخوف..

..وراح نازل عصام على درجات الفيلا الخارجيه لأحمد..

ابو عصام/شوف الأشكال اللي حضرتك عاز مهوملى فى خطوبتك..دول مش جابين يباركوا  
دول جابين يعملوا مصيبه

عصام وقف على الدرج ولف لبابه وهو بيقول/أنا هحل الموضوع

باباه/تحل ايه

عصام بز عيق/يقول أنا هحل الموضوع..من فضلكم أدخلوا جوا..مافيش اى مشكله..ده  
صديقى وبحيب يهزر

ابو عصام/بس يا عصام

عصام تمالك اعصابه وقال/باشا..ادخل وانا ليا تصرف تانى

والد عصام يتصنع الضحك/ياللا ياهوانم يالا يا حضرات..صديقه ويبدلع ..اهاهاها





..ودخلوا المعازيم وهما بيوشوشوا بعض وابو عصام يلهيهم بالكلام..وفضل قسمت قدام باب الفيلا وعصام كمل نزول وأحمد شعره نازل على عينه الحمرا وايده مربوطة والرباطه مليون دم ولبسه متبهدل وبيبص بكل غضب لعصام..وكمال وسعد ومدحت واقفيين على الرصيف التانى مع شوقيه ومش راضيين يدخلوا إلا فى الوقت المناسب..وشله عصام واقفيين بعيد والفرقتين مستحلفين لبعض..

عصام مشى لأحمد ووقف قدامه وحط ايده الشمال فى جيبه واتكلم باليمين بكل برود/أدبنى نزلت يابطل

أحمد بز عيق/انت ازاي تمد ايديك على قسمت

عصام هرش فى دقنه بكل برود وقال/وأنت مالك؟

أحمد بلقلقه/م..ماا

عصام/ما آيه؟..يقول!

وقدط خطوة لأحمد وبقي فى وشه وقال/أختك؟

..أحمد رجع خطوة وهى مش راضى يبص فى عنيه..

عصام اتقدمها وقال/أمممم..خطبتك؟



..أحمد بص اللدبله فى ايده عصام وفى ايد قسمت وهى بتخبى ايديها بخوف..وراح منزل  
راسه وماردتش..

عصام رفع صباع الصبابه ونغز أحمد فى كتفه وهو بيقول/يبقى..تبعد..عن ها.دى خطيبتى

..أحمد بص فى عينه بسرحان وهو مش مستوعب كلمه خطيبتى..

عصام/قولتلك وأنت مافهمتش..الكتكوتة دى بتاعتى انا

..وراح سايبه ولافف لقسمت ومسك دراعها بغضب وطلع أول جرجه للسلم..راح أحمد  
الدنيا لفت حواليه وقام جارى على عصام ولكل مافيه من قوة ضربه من ظهره ووقع  
عصام على السلم وراسه اتخبطت فى الدرجة..

..عصام اتخبط وماتأثرش وراح لافف وهو مكانه وصرخ..

أحمد مسك ايد قسمت وقال/دى بتاعتى أنا











كمال/ياللا بينا يا جماعه ناخده على البيت

..ومدحت سند احمد مع شوقيه وكمال سند سعد..

مدحت لشوقيه/وانتي؟

شوقيه/شوقيه

مدحت بصلها اوى وقال/شوقيه..أ..أنسه شوقيه هتعرفى تعالجي جروح أحمد؟

شوقيه/أنا واخده درسه اسعافات أوليه..اكيد هعرف

مدحت بصلها يا عجاب وقال/اكيد

..وخدوه ومشيووا..



تانى يوم فى الكليه ..

كمال واقف على منصبه وجنبه سعد وهو كله كدات وايده مربوطه و راسه مربوطه بالطول  
وبؤة ورام وعينه زرقه وأحمد جنبهم وشه كله ضرب وبؤة متعور والمعد كله ملموم  
عليهم ..

كمال/وهى دى نتيجة الديكاتوريه والديكاتاتور..سكوتنا مش هيستمر ونما قال ابن تميمه  
والساكت عن الحق شيطان أخرس..وأحنا مش شياطين..بيأمة عاشت تحت الأحروب  
وظلت شامخه بين العروب..شعب سعد والأساطير..هل سنصمت أكثر من ذلك..أم نتكلم  
ونحسم الأمر..فقراء الطبقة القادحه هى دى نهايتهم فى حفل الديكاتوريه  
المستبدة..سنعيش كراما رغم أنف كل الظالمين

..استمر كمال والطلاب يهتفون وراه..وعصام وشلتنه واقفيين يتفرجوا من بعيد..وراح  
عصام حاسم الأمر بكلمتيين والباقي هز راسه..ومشيو ..



بالليل كمال ماشى فى شارع ضلمة وبصيص نور من المحلات المغلقة بيجى عليه ويعكس  
خياله من وراه..وصوت رجليين ورا كمال متبعاه..

..كمال سمع صوت الرجليين راح مسرع خطواته..والرجليين تسرع وراه..راح  
واقف..والرجليين وقفت..قام ماشى تانى وشويه وسمع صوت الرجليين تانى..راح لافف  
ومالقاش حاجه..راح مبتسم على تخيلاته..ولف..وقام مخضوضه أول ماشاف فى وشه  
أتنين من شله عصام..ولسه هيتكلم لقى طعنه سكينه بتدخل فى بطنه وحد بيحط ايده على  
بؤه ويخرج السكينه ويدخلها عدت مرات..



ذات يوم تعرفت الى صديق..ضحكت..مرحت..لعبت معه..علمنى معنى الحياة..وكيف ادافع  
عن مبادئى..علمنى معنى الحرية..وكيف أحافظ على حقوقى..علمنى معنى الحب وكيف  
اضحى فى سبيل من أحب..ده كمال صديقى الصدوق..

..ودى كانت كلمات أحمد قبل دفن كمال..وعلامات الحزن والأسى واضحة على وشوش  
الحاضرين..

وقف أحمد ومدحت وسعد وسلامه اللى أول ما عرف بخبر وفاة كمال جه جرى على  
الدفن..ووقفوا صف واحد قدام تابوت كمال..

..رفع سلامة مزمار كمال على بؤة ونفخ فيه تغمات ملوكى برغبه من باقى الشله عشان  
يحصل على تكريم فى جنازته..أحمد ومدحت وسعد أول ما سمعوا المزمار رفعوا ايديهم  
بشدة لجسهم وحيوا الجثمان وهما بيحازوا رجليهم جنب بعض وعنيهم نازله بدموع  
جزينه وهما مش داريين..

سعد/هتوحشنى يازعيم

أحمد/مش هنسالك يازعيم

مدحت/أحسن زعيم كمال فى الدنيا كلها

سلامة نزل المزمار ومسح دموعه وقال/أعز الحبايب يازعيم





..وعيط أكثر وابتدا ينهأ ..راح مدحت واخده فى حضنه وأحمد مسح وشه ولما مسكو  
نفسهم شالو التابوت ومشيووا بيه خطوتين للمدفن بتاع العيله وشاركوا فى الدفن...



أحمد ومدحت وسعد واقفيين فى الصوان للى داخلين ويسلموا على الناس وتواسى أهل  
كمال..

أحمد مال على مدحت/عرفت حاجة؟

مدحت/بعد مارجع من الشغل اختصر الطريق للسكن الجامعى بشارع ضلمه ويعتبر  
مهجور..طلعوا عليه رجاله ضربوة وخذو محفظته!

أحمد/يعنى ايه؟..انا متأكد ان عصام هو اللى عملها

مدحت/عارف..بس المحفظه وضحت أنها عمليه سرقة مش قتل!



أحمد/يعنى مش هنعرف نثبت عليه حاجه؟

مدحت/البوليس لسه بيدور على الفاعل بس أنا وأنت عارفين ان عصام حبكها كويس

سعد تدخل/بس أحننا مش متأكدين انه هوا..ولا ايه؟

..أحمد وهو مدى ودنه لمدحت بص لسعد ولسه هيرد عينه جات على الباب..مدحت استنى رد أحمد هو وسعد..ولاقوه باصص على الباب..بصو هما كمان..ولقو عصام داخل الصوان وأحمد هيهجم عليه راح مدحت موقفه..

مدحت/أحننا فى جامع ياأحمد

..أحمد كتم غيظه ووقفه مكانه..

..عصام دخل سلم على أهل كمال بعدين على مدحت وسعد وهو بيمد ايده للسلام ووشه كله شماته..مدحت سلم من غير مايتكلم وسعد زيه..وجه الدور على أحمد..أحمد بص على ايده وماسلمش..

عصام لم ايده وقال/ملحوقه

أحمد بتأكد/أكيد ملحوقه



..عصام بصله بضحكته السمجه و عدى ..

-----

أحمد أعد على كنبه خشبيه فى ضهر بيت كمال وحواليه زرع وبيوت على مرمى البصر  
وإبراح واسع بيلعب فيه اطفال ومنهم طفل عامل نفسه مدرس وبيعلم التلاميذ..وأحمد  
بيتفرج عليهم وراح بخياله وسرح أيام ماكان كمال بيهتف فى المعهد والطلاب بتسمعه  
وتهتف وراه..وجملته وهو بيقول/سنعيش كراما..سنعيش كراما..سنعيش كراما

"أحمد..ياللا يالا بينا"

..كان مدحت بيهز كتف أحمد وبيفوقه عشان يمشوا وأحمد سرحان..راح مدحت زقه جامد  
وهو بيقول/ياللا يااحمد القطر هيفوتنا





..أحمد فاق وهو مبتسم وفي عينه دموع محبوبسه..راح مدحت اعد جنبه وهو بيظطب  
على رجله..قام أحمد ماسح دموعه بايده كلها وهز راسه..

صوت قطر بيهز جسم أحمد كله وهو أعد مستنيه وماسك الشنطه..ويجيبى مدحت على  
أحمد وسعد وهو بيجرى عليه وفي ايده تذاكر ويقوله/ياللا أنا جيت التذاكر

..أحمد فضل مكانه ومش عايز يسيب البلد ويمشى..راح مدحت وسعد شدينه ومطلعينه  
على القطر وهو في دنيا تانيه..

سعد وهو بيدور على الكبينه بتاعتهم/أنا مش عارف أنت سرحان كده ليه..خلاص خدنا  
العزا في ٣ ايام وعملنا اللي علينا

..أحمد ما تكلمش..





مدحت/معلى ياابو حميد انا عارف..كمال كان غالى علينا كلنا

أحمد بصله بزعل ومااتكلمش..

سعد وهو ماشى قبلهم وبيبص على التذاكر وعلى الكباين/أهى الكبينه..ياللا بسم الله

..وفتح الباب ودخلو وراه وحطو الشنط واعد أحمد على كنبه لوحدده وسعد ومدحت جنب بعض وعمالين يرغوا..

..القطر صفر والركاب طلغوا..وأحمد بيحط ايده فى جيبه لقى الهارمونيكا وككل مره مش عارف جات ازاي فى جيبه..طلعها وحرك صوابه عليها..

سعد/الله..ياللا ياأحمد خلىنا نفاك شويه

..أحمد بصله بتساؤل..

مدحت/سعد مايقصدش..بس مافهاش حاجه ياأحمد..دح حتى لو كان سلامه هنا..كان زمانه قالك يالا..بس ماينفعلش يسبب شغله..

..أحمد ضحك بسخريه وسعد قام فتح الشباك والقطر طلع..وأحمد حط الهارمونيكا على شفايفه..وباتدا ينفخ عليها نغمه هاديه بتعكس لى سامعها الراحة النفسية والطمئنيه اللى على وشه بتريح اللى شايغه وصوت الهارمونيكا مسمع القطر..



..وفى آخر القطار بنت واقفه فى الشباك وسرحانه وشعرها الاسود بيظير مع الهوا اللى ماشى مع القطر..وتنزل طحه خفيفه عملاها شال لرقبتها على كتفها والهوى يشيلها خالص من الكتف التانى وتظير مع الهوا الماشى مع القطر وتحاول البنت تمسكها ماتلحقهاش وتظير الطرحه وتجري البنت بلهفه من جوا القطر وهى عماله تبص عليها من شبابيك الكباين المفتوحه والطرحه تظير مع الهوا وهى ملحقاها..وتقوم الطرحه لازقه فى وش أحمد وهو بينفخ على الهارمونيكا..يقوم أحمد مخضوض وينزل الهارمونيكا وهو بيشيل الطرحه بغضب..فى نفس لحظه فتحة البنت لباب الكبينه بأيديها الأتتين على آخره..أحمد وهو بينزل الطرحه يشوف البنت وعلامات الخوف على وشها..الأتتين بصوا لبعض وساكتين..مدحت وسعد يبصوا لبعض ومش فاهمين فى ايه..

أحمد وهو بيحاول يشرح/الطرحه؟

البنت/بتاعتى

..أحمد وقف وهو ببص لعنيها العسلية الجريه..يالله قد ايه بتفكره بقسمت..

مدلها ايده بالطرحه والبنت خادتها بخوف وقالت/ش شكرا

أحمد/العفو

البنت خادتها وحطيتها على رقبته وهى بتلف تخرج..

سعد/مش نتعرق؟

البنت لفت وهى بتقول بتلقائيه/ليلي



وبصت لأحمد وقالت/أسمى ليلى

مدحت/ماتتفضلي معانا ياليلي

ليلى/لو مايضايقوش

..أحمد بص لمدحت..راحت مدحت مبرانله عشان يعزم على ليلى..

أحمد/لا أتفضلي

..ليلى سابت الباب مفتوح وابتسمت وهي بتعد جنب أحمد وكان الصمت سيد الموقف..

ليلى كسرتة وهي بتقول بتردد/أنا سمعت وأنا برا..صوت موسيقى

سعد/عجبتك..حقيقي عجبتك؟

ليلى بكسوف/ايوة

مدحت/ده أحمد اللي كان بيعزف على آلة الهارمونيكا

ليلى/ال آية؟



سعد/الهارمونيكا..ده أحسن واحد ينف

..ولسه مكملش حماسه لقي أحمد بيبرائه..

سعد بلقلقه/ينفخ ببوة متهيائل

ليلى/أنت..أحمد؟

..أحمد هز راسه..

ليلى/أه..كانت حلوة أوى

مدحت/وأنتي ياليلي متغربه ولا جايه زيارة؟

ليلى/لا أنا كنت بزور قبر والدتي هنا وراجعه على مصر

مدحت/الله يرحمه

سعد/مصر أم الدنيا..أنت منها..وانا اقول منورة ليه



..ليلى اتكسفت وأحمد خبطه فى رجله ..

مدحت/وعايشه لوحدك فى مصر؟

ليلى/لا..مع والدى..بس هو مقعد ومش بيعرف يجيبى وانا بصمم كل شهر أجي هنا اشوفها  
وامشى على طول

أحمد/وبتصممي ليه؟

ليلى/اصل بابا بيخاف عليا

سعد/يخاف عليكى واحنا فى القرن الكام؟

..ليلى ضحكت بهدوء وقالت/لا..أصل انا مريضه وغلط عليا السفر

أحمد/مريضة آيه؟

ليلى/قلب...ايمنى قلبى مفتوح

سعد بهزار/كلنا قلبنا مفتوح يعنى

مدحت زغده وأحمد برائله..ليلى دمعت ومسحت دموعها بسرعه ..



سعد/أنا أسف

ليلي ضحكت وعنيها كلها عياط وقالت/بعد الشر عليكم..بس انا قلبي مفتوح بجد ومحتاجه جراحة

أحمد/مستنيه ايه؟

ليلي/نجاح العمليه هنا مش مضموع ونجحهاها بره حوالي ٧٥ فى الميه وده محتاح سفر

مدحت/برضو مستنيه ايه؟

أحمد لحقها قبل ما ترد وقال/أكيد عشان الوالد

..ليلي هزت راسها..

أحمد طلع قلم وأجينته صغيره من جيبه وكتب رقم البيت وأداه الورقة لـ ليلي وهو بيقول/ده رقمى..لو فى أى وقت احتاجتيني لآى مساعده كانت..هكون موجود دايمًا

ليلي وقفت ايده بإيدها وقالت/لا شكرا

..راح أحمد بصلها بمعنى ماينفمش..وراح مطبطب على ايديها بإيده التانيه وطبقها بالورقه..ليلي خدت الورقه بكسوف وهى بتعدل الطرحه على رقبتها..



..وجه الكمثرى وهو بيقول تذاكر تذاكر..وكل واحد طلع تذكرته..

-----

أحمد بياخد كوبايه شاي من المطبخ وهو بيخرج ومامته واقفه بتعمل فى الأكل..

مامته/شوفلى النهارده ايه والنبي يا احمد فى النتيجة

أحمد/حاضر

مامته/ابوك على وصول ابقى انزل خد منه شنط الفاكهه والحاجه اللي جايها

أحمد/حاضر

مامته/هتنزل المعهد أمتى؟





أحمد/حاضر

مامته/والله

أحمد وهو في الصالة/والله يالمر فاضل شهر على الامتحانات وأقل من شهر..أذاكره  
في البيت أحسن

مامته وقفتله على المطبخ وهي سانه على بابو ومسكه سكينه ويتقول/عشان الامتحانات  
برضو

..أحمد بصلها وراح على النتيجة وسكت..

مامته/ياابني اللي بيموت مايبيرجش..ارحم نفسك

أحمد/ماما..النهارده الأربعاء ٤/٢١

مامته/طيب

..وراحت داخله المطبخ..وأحمد مشى خطوة بعدين وقف وهو مبرء وبص تاني للنتيجة  
وأأكد ان اليوم"الأربعاء"..يعنى بكرة الخميس..فرح قسمت!!



..الذكريات رجعتله من تانى وهو واقف فى مكانه وحبه لقسمت شعلل فى قلبه من تانى  
ويوم خطوبتها والضرب واللى حصل وضحكت عصام السمجه وهو بيقول "رهان" وموت  
كمال والعزا..

..وجرس الباب يرن وأحمد واقف مكانه وكوبايه الشاى اللى من غير يد فى ايده وهو مش  
حاسس بالسخونية..

يفوق أحمد على صوت والده وهو بيقول/بقالى ساعة بنادى من تحت على  
أبنك..وحدى..وهو واقفلى بيشر بشاى ولا بيحس على دمه ولا حتى رد ولا فتحلى  
الباب..دى خلفه ايه دى يارى

الأم/هدى نفسك بس ياابو أحمد

حمدى/ياستى اهدى ولا أهبب..الله يرحمك يانينا قولتلى خلفه البنات تغور وخلفه الولاد  
تعمر..تعالى شوفى البنات كل واحده فى بيتها مريحانى والولد مطهقتى فى عيشتى والببت  
اللى فاضله مالهاش صوت ..أوعى أوعى

..وراح داخل اوضته ورزق الباب فى وش مراته..

الأم بإخراج/مش قولتلك انزل خد الفاكهة..شوفت





..وراحت داخله المطبخ بزهق..وأحمد كما هو مااتحركش..

..شوقيه تفتح أوضتها وهي لابسه وخارجه وبتقول/فى ايه؟

أحمد/بابا..انتى رايحة فين؟

شوقيه ارتبكت/رايحة..رايحة..لقسمت..بكرة فرحها والبنات بيحبوا يعملوا اعده للعروسه ويودعوها

..أحمد بصلها من فوق لتحت ودخل أوضته وقفل على نفسه..وراح رازع كويابه الشاى فى الأرض..وأعد على المكتب..حاول يفتح أى كتاب ويذاكر ماعرفش..يقوم فأتاح شراعة المكتب ويلقى الكتاب بتاعهم..يمسكه ويقلب فيه ويقرا كلامهم ويبتسم..وراح واقف عند آخر صفحة وكتب فى صفحة جديدة/تمنيتك زوجة لى ومازلت

..وحط ٣ نقط وقلب مقسوم نصين وقفله ودخل البلكونه وصفر..قسمت كانت فى اوضتها وأول ماسمعت الصفاره بصت للبلكونه وقلبها بدأ يدق والبنات حوالها بيهزروا ويضحكوا..



..أحمد شب وخط الكتاب على السور ووقف..قسمت قلبها ماطاوعهاش وراحت قايمه  
وفتحة الشيش..أحمد شافه بيتفتح راح مستخبي في الشيش بتاعه من جوا..قسمت بصت  
على بلكونته مالقتهوش لكن لقت الكتاب..قلبها دق وايديها اترعشت وهى بتمدها تاخده..

..وأول ماالمسته افكرت ذكرياتها مع أحمد والكتاب وضحكهم وخصوماتهم العبيطه  
وصلحهم على شوية كلام فى الكتاب وعنيها لقلقت وابتسمت وهى بتفتحه وبتشوف الكلام  
بتاعهم وهى بتستنشق عبير كلماته بحب..

..وجات على آخر جمله كتابتها أحمد وبتقراها..راحت مدمعة وحطت ايديها على  
بؤها..وراحت بصره عليه كويس فى البلكونه ومسحت دموعها بسرعه وخذت الكتاب  
ودخلت للبنات قبل ماحد منهم يشوفها..أحمد كان واقف شايفها من ورا الشيش ودموعه  
نازله فى صمت..

\*\*\*\*\*

قاسم خرج من خيالة الواقعي جدا..على هز المسافر اللي جنبه وهو بيقوله/وصلنا..ياستاذ  
وصلنا

..قاسم لوح راسه بفزعة وتبرنيه للراجل اللي خاف من منظره..





الراجل/أنا اسف..بس..الركاب ابدت تنزل وحضرتك في دنيا تانيه

..قاسم بص على الركاب لقي معظمهم نزل والباقي بينزل ولأنه عارف أنه بيسرح بخياله مع الهارمونيكا مااستغربش..وراح قافل الكتاب وحطه في الشنطه وفتح الحزام اللي مااتفتحش من ساعة ماطلع الطائرة..

..خرج قاسم من الطائرة ومشى في الممر اللي هيوصله للمطار وعدى على الجوازات ودق الباسبور وخذ شنطته اللي مشيت على جهاز الكشف..وخرج خد تاكسي وقاله على العنوان اللي راجل المطار المصري قالهولو..

..نزل قاسم في غرفه في أوتيل والعامل حط الشنطه وخرج..وقاسم خلع البالطو وعلقه على الشماعة وهو بيبيص على الغرفة وبيتفحصها كويس..وراح جارر الشنطه بالعجل بتاعها وحطها على السرير وابتدا يطلع هدومه..وجاله واحد تبع العميل فهمه على كل حاجه واداله كارت دعوة ومشى ودخل قاسم خد شاور..

وخبط على الباب جرسون وهو بيقول Room service/

قاسم فتح باب الحمام وقال No Thanks/

الجرسون Room Service please/



قاسم نفخ وقفل الدوش ونشف ولبس البرنوس وخرج وفتح الباب وهو موارب..

..ولقى الباب بيتفتح من عريبه أكل والجرسون بيدخلها..

قاسم.. No Thanks No /انا

..والجرسون مش معبره وراح قافل الباب برجله وواقف مبتسم وهو بيقول/حمدالله على السلامة مستر قاسم

..قاسم عقد حواجبه عشان يفهم..

الجرسون راح للشباك وبص من ورا الستاير وهو بيقول/حمایتك حتبقى تحت ایدی..الظابط عادل..هو اللى امرنى بده

قاسم/يعنى ايه؟

الجرسون وهو بيشيل الاكل لطرابيزة الغرفه/هحميك لحد ماتقضى مهمتك هنا بسلام

..قاسم هنز راسه..

الجرسون/المقابلة هتكون الساعة ٧ فى حفلة صح



قاسم/عرفت منين؟

الجرسون/دى حاجه تخصصى

قاسم/مش فاهم..أنت مين؟

الجرسون/أنا ظابط مخبرات مصرى!

قاسم/بس الموضوع ده كان سر بينى وبين الظابط عادل..ازاى وصلك؟

الجرسون/مستر قاسم..الموضوع اللى أنت جيت بيه للظابط عادل مش قليل..وزى مانت ماكنتش واثق فيه..هو كمان ماكنش واثق فيك عشان كده كان محتاج يتأكد وبما أنه موضوع يهدد أمن الوطن..فكان محتاج انه يوصل للمخابرات العامة..وانا عايزك ماتقلقش خالص وتفضل هادى زى مانت..أنت بالنسبة لمصر حاجه مهمة أوى وسلامتك تبقى بتاعتى..ياللا يابطل جهز نفسك لمهمتك

..وراح ماشى بالطرايبزة الفاضيه للباب..

قاسم/بس أنا ما اعرفتش اسمك؟

الجرسون لف وهو مبتسم وقال/أنا ماليش أسم

قاسم/وانا ازاى هثق فيك؟



الجرسون/مع الوقت

..وراح فاتح الباب وخرج الطرابيزة وقفل الباب وهو بيقول/استمتع

..قاسم ضحك وعدل البرنوس بكل فخر..

\*\*\*\*\*

فى قاعة مليانه ناس معظمهم اجانب وهوانم وسادات وكل واحد واقف مع مجموعة على طرابيزات طويلة من غير كراسى والكاسات فى ايديهم وسلامات وقبولات وتحيات ..

..ومن باب الدخول بادي جارد واقفين وبيأخدوا الدعوات من الضيوف ومنهم قاسم ودخل من الباب بمنتهى الشياكة والأناقة وعينه على كل واحد فى الحفلة ..عدى جرسون من قدامه والتانى لحد ماجه جرسون "ظابط المخابرات"





وقدمله صنيه ويسكى وهو بيقوله/منتهى الأناقة

"وبجدية" العميل هيجيك

قاسم وهو بياخد الكاس/وهو عرفنى منين؟

الجرسون بابتسامه/أنت غانى عن التعريف

"وبجدية" أكيد قالو

وراح حازز راسه وهو بيقول/مسيو..بالهنا

..وراح ماشى وهو قاسم ببص على شخصيته..

..تعايش قاسم مع الجو شوية ووقف على طرابيزة وهو بيستمع الى أحاديث المجموعات  
وشويه يتفرج على عروض الرقص الفرنسى..لحد ماجه واحد من وراح وحط ايده على  
كتفه وهو بيقول بالفرنسى/مسيو قاسم

..قاسم لف وهو بينزل الكاس من على بؤة وبص على اللى بيكلمه..كان راجل فرنسى  
أصيل بملامح فرنسيه باحته وجفاء على وشه غريب..



قاسم بعد لحظات تفكير استوعب وابتسم ومد ايده وقال/مسيو؟

العميل/باولو ادريان

ولف ضهر قاسم ومشى بيه وهو بيقول/فرنسا بلدى الأم،، هنا أتعلمت فيها كل حاجة..الكفاح الاحترام

وخذ كاس من جرسون وهو ماشى جنبه وضحك وقال/واللعب

..ورفع الكاس على بؤ واحد وقاسم باصصله وهو بيقول لنفسه/ياولاد الكلب

باولو/أنا بهنى مسيو نعيم على اختياره لك..المقابلته اللي فاتت كانت لا تسر..واحد لا يصلح للمكانه دى جه هنا لا..أنما أنت واو

'لوبصوت على' ووالللااو

..وساعتها كان بيقولها لواحد لابسه فستان بلون الجسم ومغرز راح غامزها وأول ماقربت عليه قام شادها من وسطها عليه ورقص معاها فى نفس المكان وهو بيغازيلها..وقاسم واقف يضحك ويدارى وشه..

باولو/زوجتى





يلف ابو قسمت وهو مبتسم ويفتحه حزنه ويقوله/باولو

باولو/شريكى

..وحنوا بعض..بعدين شاورله على قاسم وقاله/مدير أعمال مسيو نعيم..صاحب أكبر شركات استيراد وتصدير فى الشرق الأوسط..العملاء الجديده ها

أبو قسمت/أوووه

قاسم مد ايده وقال بمصريته/أهلا

ابو قسمت/مصرى؟..أنا كمان مصرى

قاسم/والله

الراجل/أفـ

..ولسه مكملش ولقى موسيقى اشتغلت على إعلان معين وواضح أن الكل مستنيه وبصوا على السلم وبعديهم قاسم اللي أول ماسمع الموسيقى بص على السلم ولسبب ما حس ان الزمن بيرجع بيه لورا وخياله الواقعي للهارمونيكا أختلط مع الحقيقة وبقى شايف نفس المشاهد اللي كان بيثوفها وهو بيقرا الكتاب ..



..استنى شويه ولقى فرقه خارجه بشموع ووراهم عريس وعروسه ..ابتسم وهو بيفتكر  
الهارمونيكا ورفع كاسه يشرب وهو بيتفرج عليهم ..وأول ماوش العروسه بان والضوء  
اتوجه عليها ..وقف الكاس وهو مبرء ..

..لأنه المره دة ماشافش أى عروسه ..لا ..دى كانت قسمت ..لابسه نفس لون فستان قسمت  
زمان "البينك" بس طويل وحرير مفصل على جسمها وعلى كتفها شال فرو ابيض ورافعه  
شعرها لفوق كحكه استايل وهو ملولو كله ..وحطه اكسسوارات فيه رقيقه وجنبها العريس  
لابس بدله وماسك ايد قسمت ومبتسم وهى مبوزة جنبه وبتبتسم للكاميرات ..قاسم  
ماصدقش نفسه ..

باولو/زفاف التاريخ ..دانييل باولو ادريان و قسمت شريف عصام

..قاسم لف بسرعة ويصله وهو حاضن أبو قسمت وياتدا يستوعب الموقف ..دى قسمت  
وده باباها ودى خطوبتها على ابن العميل ..جات امتى وازاى وحصل ايه مايعرفش

شريف/بقينا خلاص شركاء ونصايب ..مين يصدق ان بعد العداوة دى نبقى قرايب

باولو/عزيزى ..ماتفكرش فى الايام دى خلىنا فى دلوقتى





..قاسم مستمع وهو مصدوم وبيبص على قسمت اللي نازلة جنب عريستها وذكريات كتاب الهارمونيكا بتلاحقه وهو شايف نفس المنظر بتاع خياله ونفس موقف خالو أحمد هو بقى فيه ..

..قسمت نزلت تحت وجه سمير كلم والده وخده لقسمت وباولو حظ ايده على كتف قاسم وهو بيقول/هاه..غبي

قاسم بصله بتساؤل ..

باولو خد كاس تانى وهو بيقول/فاكر أنى ممكن احط ايدي فى ايد واحد زيو..هاء..شركة سخيفه وشريك اسخف..بمناسبة الشركة..طريق التسليم هيكون بشحنه من تصدير شركتنا..البضاعة هتكون جوا صناديق مغلقة هتوصلك للمطار..طريق خروجها من هنا للطيارة علينا..وطريق استلامها من الطيارة للخارج عليك ..

..قاسم بصله بز هول..يعنى ابوقسمت بيضحك عليه!

رفع باولو الكاس وهو بيقول/استغليت كل مامالك حتى أبني..حطيته فى خطوبه سخيفه عشان مصلحتي..فى قانون الدنيا مصلحتك أولا

..قاسم بصله وبص لأبو قسمت اللي والدها بيبوسها وبيقولها/أنتى كده بنتى من لحمى ودمى..وافتتى على جواز مش عايزاها عشان ابوكى مايفلسش..دانيل شاب كويس ومش زى والده..اللى كان شرطة الخطوبة مقابل الشراكة





قسمت دمعت براحه ومسحت دموعها بسرعه لأن موافقتها على الجائزة ماكنش عشان باباها وبس..قاسم عينه لقلقت وهو باصص على قسمت من بعيد وشايفهم بيتكلموا ومش قادر يتحرك..

باولو/أه..طريق الدفع هيكون عن طريق حسابى فى البنك شركتكم هتبعثها لشركتنا بمناسبة تعاقد التصدير

..قاسم هنز راسه..

معاد تلييس الخواتم..قاسم انسحب بهدوء لأن الموقف كان فوق احتمالاه..وخرج قاسم للبلكونه بتاعت القاعة وجاله الجرسون..

الجرسون وهو بيبيص حوالياه فى الضلمة/قالك ايه؟

قاسم/الاستلام هيكون تبع شركة جديدة

الجرسون/دى الشركة اللى مع شريف عصام

قاسم/أنا حاسس أنه بيوقعه فى الغلط..الراجل مايعرفش اى حاجه عن التجارة واللى



بيحصل من وراه

الجرسون/وأحنا مالنا

قاسم/أزازى وأحنا مالنا؟

..الجرسون بصله..

قاسم/ق قصدى..ده مصرى زينا

الجرسون/المصرى ده باع بنته لدانيال وباولو عشان مايفلسش

قاسم/ايه؟

الجرسون/يستاهل اللي هيحصله..التجارة تتكشف وهو هيلبس

قاسم/يعنى ايه؟

الجرسون/الشركة دى كلها..مكتوبه باسمه وأى اوراق بتخرج بتبقى تحت امضته..المهم دلوقتي انا هأمنك دخول مكتب باولو وهتصور الأوراق والمعلومات والصفحة اللي هتم وتخرج بسرعة

قاسم/وده مافهوش خطر





## الجرسون ضحك وقال/لا

..وحس برجليين جايه راح طالع يجرى فى الضلمه وقاسم عمال يبص عليه وأول مالرجليين وقفت لف قاسم ولقاها قسمت ولآن الدنيا ضلمه ماشافش دموعها..

قسمت بصت جنبه وه بتحقق وقربت وهى بتقول/قاسم!

قاسم/قسمت..مبروك

قسمت دخلت سكينه فى قلبها من مباركته وقالت/الله يبارك فيك

قاسم بغيظ/يعنى جيتى وعيشتى مع والدك ومراته

قسمت/ماليش غيرهم

قاسم بسرعة/طب وأنا

قسمت/انت ايه؟..أنت اللى سبتنى ومشيت

قاسم/أنا اللى مشيت ولا أنتى اللى كل يوم اخبط عليكى مالقاكيش..وأختفيتى مره

واحد له ليه..ليه ياقسمت



قسمت/أنا مامشيتش أنا روجت أعد مع شاهنده عشان خطوبتها وجتلك وياريتنى ماجيت

قاسم/قصدك ايه؟

قسمت/قصدى أنى رجعت البيت من بعد الخطوبة وخبط عليك وفتحتلى واحده فى شقتك..فى شقتك ياقاسم بقميص نوم

قاسم فهم انها أنا وقال/اسمعى أنا هحكياك

..ولقى الجرسون بيشاورله من بعيد..

راح قايل بسرعه/فى حاجات..حاجات مش لاقيلها تفسير..حاجات بتحصل لازم افهمها..وعندى كلام كتير عايزك تسمعيه..وعايزك تعرفى أن ليكى مكانه كبيرة أوى عندى

..الجرسون شاورله تانى..

قسمت/قول انا سمعاك

قاسم/مش..مش دلوقتى..بعدين





..وجرى بعيد وهو يببصلها وهي بتبصله واختفى عن نظارها..ولفت قسمت وهي مش فاهمه حاجة من كلام قاسم اللي مش واضح..وكانت المفاجأة أن أنا كانت واقفه بعيد وسمعت كل حاجه واللى كدبت على قاسم وماكنتش راحة راحة ولا حاجه وفي الحقيقة كانت بتراقبة لما شكت فيه ..



\*\*\*\*\*

الجرسون شاور لقاسم على ممر يدخله و هو بيلهي الحراس بشرب الخمره..ودخل قاسم فعلا من وراهم وهو بيفتح باب زجاجي واتسحب وجرى في الممر وفجاءة سمع صوت رجلين..راح مستخبي ورا عامود دائري..وصوت الرجلين كان لوحداه ماشيه جنب واحد وخرجورا وقاسم بيلف على العامود وخذ نفسه وراح لباب المكتب..وظلع أله حديدية شبه القلم وبسن..حطه على كالون الباب وحاول يفتحه وهو بببص يمين وشمال وفعلا قدر يفتحه وأول ماسمع تكة الفاتحه ابتسم..وفتح الأوركة ودخل للأوضة اللي كانت ضلمة..

..اتسحب قاسم ومشى وهو بيحسس على الأثاث لحد ماوصل للمكتب..يفتح الاباجورة..دور في الادراج بعديها مكبه الكتب مالقاش حاجه..دور تاني مالقاش..دور على أي مكان سرى ماعرفش..وفجاءة اتفتح باب الأوضة على قاسم..

..وبعدها نورر الاوضة كله ..وده كان باولو...

بدخل عشان يشوف نور الاباجورة اللي كان مفتوح..بص يمين وشمال بغضب

بعدين راح المكتب وقال/أخ منك زوجتى

..وقبل مايقفل الاباجورة فتح تانى درج للمكتب..بعدين الرابع بعدين الأول وآخر حاجه  
التالت وسمع تكه..ودى كانت كلمة السر لمخبا سرى اتفتح من خلال دواريه عاموديه  
للمكتب..وطلع منها ملف سميك وتخين وملفوف دورايه على حسب موضعة فى العامود..

..باطمن باولو أنه موجود..رجعة مكانة وقفل الأدراج زى مافتحهم وجاله تليفون..رد عليه  
و وشه كله قلب..وراح قافل الأباجورة وهو مكمل تليفون وخرج..

..قاسم خد نفسه من ورا ستارة للشبابيك وهو متابع كل اللي حصل وراح جارى على  
المكتب وفتح الأدراج بكلمة السر اللي عرفها وطلع الملف اللي فى العامود وراح فاتحه  
على المكتب وطلع الكاميرا الصغيره من جيبه وصور كل نقطه فى الملق اللي كان عباره  
عن سلسلة أسامى اكبر تجار سموم فى العالم واثباتات عليهم..خشية من باولو منهم  
وتحسبا لآى انقلاب عليه..ومن ضمن الأسامى تجار مطلوبيين للعدالة دوليا والبعض الأخر  
مشهور عالميا وسياسيا والموضوع أكبر من نعيم وياولو بس..

..بصور قاسم ورجع الملف بسرعة وقفل الأدراج وخرج من المكتب لأنه كان واثق أن لو  
الملف مارجعش مكانه واتقفل عليه كان جهاز انزار وصل لباولو وكان اتكشف..وخرج من  
المكتب زى مادخل وقفل الباب وهو فى الممر





..وبيلف لقي الحراس قدامه ..راح واقف متجمد ..الحراس هجموا عليه ..قاسم قابل الأول ببوكس ..راح التانى زقو على الحيطه ..والأول طلع مسدس عليه وجارى يضرب راح متشل مكانه وواقع على الأرض ..وظهر الجرسون "ظابط المخابرات" وهو ماسك مسدس بكاتم صوت ..قام التانى موجه المسدس بسرعه على الجرسون ..وراح قاسم ضربه فى رقبته بالفتاحة الحديد اللى فتح بيها الباب وهو حاطط ايده على بؤة وراح واقع ..

الجرسون/أنت مش قليل فعلا

..قاسم ضحك ..والجرسون خده فى الاتجاه المعاكس للمر وهو بيقوله/اللى حصل ده مش فى مصلحتنا ..أنا عطلت الكاميرات فى الممر لكن مش لوقت كثير ..أنت هتخرج من الشباك اللى هناك ده على بلكونه للحفله وكأنك ماجتش هنا والحكاية هتتلفق لأى حد ..الخواجة اعداه كثير

قاسم هز راسه وجريوا على الشباك وأول ماوصلوا قاسم حظ رجله وهينط/وأنت؟

الجرسون/مالكش دعوة ..ياللا

..ونط قاسم من الشباك ومشى على سور وهو ماسك فى الحيطه ونط على البلكونه ..



\*\*\*\*\*

باولو/جه وقت التسليم

.قاسم بص لملاح وشه البارده ومشى معاه..

..خرجوا من الباب الورانى للقصر ووقفوا قدام عربيه وفتح صندوقها..وأول مافتح لقى  
الجرسون مربوط فى العربية ورجالة الخواجه بتلم عليه..

الخواجه/الخاين بيكتب مسيرة بإيديه

..وفى لحظه حارس ضربه على راسه وغاب عن الوعى..

\*\*\*\*\*



قسمت أعدده فى الحفلة ومتوترة ودانيل بيرقص مع اصحابه وببشاورلها تيجى وهى تعتذر من بعيد وعنيها بتدور على قاسم وهى متوترة ومليون سؤال بيدور فى دماغها..

وجالها سمير وهو بيضحك وماسك ايد كاثرين وبيقول/أنا جبت لكى كاثرين لتتعرفى عليها

..قسمت ابتسمت وسلمت عليها واتلتهت فى الحفلة..

\*\*\*\*\*

حرس باولو بيرمى على قاسم ميه عشان يفوق وهو مربوط حوالين عجله خشبيه كبيره الجراج..ويتخض قاسم ويفوق من الميه وهو بيبرائله..







قربت أنا منه ولطشته قلم بغباء وقالت/ده عشان خنتنى

وضربته التانى وهى بتقول/وده عشان انا ماحدثش بسببها..أنا هى اللى تسبب

..قاسم بصلها بز هول..

باولو/عزيزتى..هدى نفسك

..أنا بصتله وعنيها كلها شرارة..

باولو/ده شيك بمبلغ هيعجبك..عشان أنتى جيتى فهمتيني حقيقة ارتباطه بقسمت وكل  
الخيوط اللى مفقودة لقيتها

..أنا خدت الشيك وهى مبتسمة..

باولو/أوكاى..خدوها

..ولقت الرجاله بتمسكها من ايديها..

أنا/آيه آيه؟

باولو/خلصوا عليها

أنا/لا..لا..قاسم قاسمم

..واعدت تتشقلط وتخبط فيهم وقاسم باوصلها بحزن وأسى..

باولو/مش عايزين للحكاية ديل..هاع

..وطلع موبايله واتكلم مع المعلم وهو بيقول مصرى مكسر/كلامك صحيح معلم..الولد بتاعك كان عنده هق..مهغوس..مش مهغوس..ده قاسم قاسم..اتصالاتك جات فى وقت ..بغد كدا خالى بالك كويس كونا هنغوه فيها أنت فاهم؟

..بقل باولو وشاور لحراسه وكلهم طلغوا مسدستهم..

باولو/دلوقتي كل حاجه تنتهى

قاسم/بس أنا معايا دليل

باولو/دليل..دليل ايه؟

قاسم/ملفاتك كلها متصورة..الى فى درج المكتب هاه..٢،٤،١،٣

..باولو اتفاجئ وراح مفتش جيوبه لقى الكاميرا..راح ضاحك وفتحها مالقاش الميمورى..







قاسم نط من الشباك على سور ومشى عليه وهو ماسك في الحيطه لحد ماوصل للبلكونه ونط..وأول مانط لقي قسمت في وشه..قاسم لسه هيبرر موقفه وليه بينط زي الحراميه..لقى الجرسون بيضرب على راسه تحت وهو متكفف وبيتحط جوا شنته عرييه..

..راح حاظط ايده على راسه وهو بيلف ومش عارف يعمل ايه..

راح لافف بسرعه لقسمت ومسك ايديها وقال/يهمك حياتي..يعنى..يعنى لو مت هتزعلى عليا؟

قسمت بعياط/انت بتقول ايه؟

قاسم/مش..مش هعرف اشرح..كل اللي طلبه منك أنك تصدقيني

قسمت بدون ما تحس هزت راسها جامد لأنها كدا ولا كدا مصدقاه من غير أى حاجه..

..قاسم حكلها باختصار على كل حاجه وطلع الميمورى من الكاميرا وأدا هولها وسط زهولها باللى بتسمعه وتفسيرها لتأخيرها طول الليل وخروجه من الصبح..ولأول مره حس قاسم أنه خايف عليها..

وارح ماسك وشها بين ايديه وهو بيبيض جوا عنيتها البرنيه وهى مليانه دموع وقال/الإنسان بيفضل طول عمره يدور على حبه اللي بجد وأنتى قدامى وماحستش بحبك



غير متأخر.. قسمت أنا بحبك.. وعمرى ماحبيت غيرك.. وأنا أسف على كل غلظه عملتها  
معاكى وكل دمة نزلت من عيونك بسببى.. أنا مش هقدر اضيعك من ايدى.. زى.. زى  
ماناس كتير ضيعت حب حياتها من ايديها

.. قسمت عنيتها دمعت ..

قاسم مسحهم بصوابع الأبهام وقال/ لو انكتبلى عمر جديد.. تقبلى تتجزينى؟

.. قسمت ماصدقتش اللي سمعته بل حست أنها اطرشت ..

قاسم/ لا؟

قسمت بسرعه وهى عنيتها بتدمع وتضحك/ أيوة.. موافقة موافقه

قاسم ضحك وقلبها بيدق من الفرحة وحاسس أنه كان هيموت لو مقالهاش وأنه ممكن  
تضيع زى ما قسمت زمان ضاعت من أحمد ..

.. وراح طابع قبله على شفايفها وراح جارى بسرعه جوا الحفله وهى مبتسمه وفى نفس  
الوقت حزينه ..







..قسمت دخلت بين الأسلحة وجريت من ورا قاسم وفكت الحبل بتاع رجليه وهو بيبيص مين اللي بيفك ومش شاييف..وبعدين فكت ايده ونزل على الأرض وهو بينط على ركبته..

..ووقف وهو بيدعك فى ايده وبيبيص قدامه لقي باولو موجه سلاح فى وشه وكله غيل وبيقوله/أنتاااااااااا

..وراح شادد الأجزاء وقسمت جريت بسرعه قدام قاسم وهى بتحميه بايديها..وخرجت الرصاصه من مسدس باولو وهو قاسم حاضن قسمت والأنتين مغمضين عنيهم..وجات الرصاصه فى صدر الجرسون اللي أول مافك ايده جرى عليهم بسرعه والرصاصه جات فيه..

ابو قسمت صرخ/قسسسسسماااات

..وبكل غضب ضرب باولو على وشه..باولو وقع على الأرض وفى نفس الوقت وقع الجرسون على ركبته وقسمت بتصرخ وقاسم بيقول/لاااااا

..وجرى قاسم بسرعه عليه وهو بينزل على ركبته ولحق راسه بسرعه وسندها..

الجرسون وهو بيضحك/جبريل أيمن مينا

..قاسم ابتسم وفهم انه اسمه..





..أصوات بوليس وهجوم وقبض على رجاله باولو وخوف ابو قسمت على بنته وهو  
بيجرى يحضنها..والقبض على باولو وهو يبقاوم عشان يدخل عربيه البوليس وشيل  
الإسعاف لجبريل وهو قاسم جنبه وشايل الجاكيت على ايده..

..وأول ماوصل باب الجراج خد نفسه وهو بيوظي عشان يعدى من الباب وشاف قسمت  
وهي واقفه مع باباها وعنيها مدمعه..وعدى من جنبه جثه أنا وهي متشاله على ترل  
ومتلطحه بالدم وبيغطوا وشها..راح مغمض عينه وهما عدوا..

..وفتح لقي قاسم قدامه..وقام مبتسم وفرد الجاكيت بتاعه وغطا كتفها وهي مسكته من  
الطرفيين..وراح واخذ وشها بين ايديه ومسخ دموعها وهو بيبيص لعنيها وحرك صوابعه  
على وشها الساقع

ومن غير تفتكير قال/بحبك

قسمت ضحكت فى وسط عياطها وهي فرحانه وقالت/وأنا كمان

..راح قاسم واخدها فى حضنه وهي مسكه ايده جامد ومتشعلقه فى كتفه وهو بيبيص  
للسما..

..دانيل كان واقف بعيد وبيبيص عليهم وأول ماشافهم..راح مبتسم وخالع الدبله اللي زنقه  
على ايده ورمها فى الأرض وكمل طريقه والدبله عماله تلف تلف تلف..









البنات بهزار/أوعى تهربي هههههه

قسمت/هههههه هركب القطر واجري

..وخرجتهم من الأوضة بالعافيه وقفلت الباب ولسه هتدخل البلكونة لقت أحمد بينط  
لبلكونتها ودخلها جوا..

..قسمت اتخضت ورجعت خطوة لورا..أحمد قدمها..

قسمت/خليك بعيد

أحمد/ماقدرش

قسمت/حافظ على المسافة ما بينا

أحمد/بتحبيني؟

قسمت ارتجفت وهي بترجع وقالت/أ..أنا بحب عصام

أحمد وهي بيتقدم/كدا به

قسمت وهي بترجع/أنا فعلا كدا به..وضحكت عليك..عش..عشان الرهان



أحمد قرب منها أكثر وقال/سيبيه وتعالى نهرب

قسمت/ماقدرش..أنا..أنا

..وراحت مخبوطه فى الدولار وهى مش لاقية مفر من أحمد..وراح مقرب منها..

قسمت وهى بتشاور على الباب/أنا هخرج..حد يشوفنا ويفهمنا غلط

..أحمد مسك ايديها اللى بتشاور بيها وهى بتترعش وبص فى عنياها..وراح فاتح الكف الأيمن وطبع قبله متعطشه بالحب والهويام فيه..وفتح الايسر وطبع قبله أحر منها شوقا وهى مستسلمة تماما..

..وراح ماسك معصم ايديها الأتئين جامد وهى بتتنفس ودقات قلبها تكاد تسمع وقام مثبتهم على الدولار..وهو بيقرب من رقبتها ونفسها..وخذ نفس جامد وهو بيعبيه من ريحتها ومش عايز يخرج نفسه..

أحمد/أكاد أختنق من عطر انفاس خلقت لى

..الباب خبط..



..قسمت حاولت تفك ايديها منه وهي بتحرك مغمصها..راح أحمد شايل ايديها ورازعها  
جامد على الدولاب وهي بتتوجع..

أحمد بغيظ/حسيتي بالوجع؟..هممم؟..أهو هو ده اللي بحس بيه كل دقيقه وأنتي معاه..كل  
نفس بتتنفسيه ده من حقي..كل ابتاسمه بترسم شفايفك دي من حقي..كل فرحه بتتور  
عيونك دي من حقي..أنتي قسمتي أنا..قسمتي ونصيبي..أنت حبي واللي عمرى ما هحب  
غيرك..

"وإغباء" أنتي حبيبتى محبوبتى ربيع حبي وردتى الشقيه أم العيون العسلية وفتاتي  
الحمقاء..اللي هتفضل طول عمرها حمقاء..كل ده ملكى وليا لوحدى..أنا فى حبك أنانى  
وماقدرش غير كده

..الباب خبط تانى بكذا ايد..

قسمت وهي بتتفادى النظر لعينه وبتتنفس بسرعة/سيبني..سيبني أخرج

أحمد/مش قبل ما أخلص كلامى

قسمت/اصحابى بينادو عليا

أحمد/خايفه منهم..سيببهم..سيببهم يعرفوا..سيببهم يشوفوا عذابى اللي معيشانى فيه

قسمت/أنت اللي معذب نفسك..أفهم بقى

أحمد/ردى على سؤالى وأنا أفهم





قسمت/قول...خلصنى

أحمد/بتحبينى؟

قسمت/ل لاء

أحمد ابتسم وساب ايدها وهى بتتحصر ورجع بظهره وهو يقول/أنا عارف أنك  
بتحبينى..بس أنتى قولتيها

..ولف وهو جنب مكتبها وخذ بايده وهو ماشى(الكتاب بتاعهم)..ورجع البلكونه زى ماجه  
وقسمت قلبها بيدق جامد واصحابها بيخبطو جامد..وراحت حطه ايديها على قلبها  
بوجع..وفتحت الباب واصحابها خدوها وهما يقولوا/العريس جه العريس جه

..ورحوا واخذنها وخرجوا وه بتنزل الطرحه على وشها وهى بتدارى دموعها..

..أحمد ماخرجش من بلكونتها وهو مستخبي وباصص عليها وبيدمع بعدين راح بلكونته..

..بسواق عصام استقبل قسمت وهو بيفتحها الباب وعصام مستنيها جوا العربيه..

..أحمد حط الكتاب فى طبق نحاس وهو طرفه باين على سور البلكونه وهو باصص لتحت..



..قسمت قربت للعربيه وهى مسكه ديل الفستان من قدام

..أحمد ولع عود كبريت والنار معكوسه على نينى عينه..

قسمت رفعت راسها للباكونه وهى داخله العربيه..

أحمد بصلها وراح رامى عود الكبريت على الكتاب

قسمت شهقت براحه..

..النار ولعت فى الكتاب كأنها والعه فى قلب أحمد

قسمت دمعة بغزارة وراحت داخله العربيه وهى مصدومة وحطه ايديها على قلبها..

..السواق قفل الباب وجرى يركب..

..عصام بصلها بشراسه وهو بيمسك ايديها بيوسها وهى لبسه الجوانتى..

..قسمت نهشت قلبها وهو عصام بيوسها والسواق ركب..

..أحمد بيص على نص وش قسمت اللى باين من ازاز العربيه للمره الأخيرة وهو بيشبع منها بجمود..



..السواق طلع بالعربية..أحمد عينه متبعاها والعربيات طالعه وراها لحد ما بعدت خالص  
ورن تليفون البيت وأحمد مش قادر يدخل ويسيب آخر ذكرة ليه مع قسمت ..

..دخل أحمد ورد على التليفون ببرود..

ليلي بعياط/أحمد..أحمد..أحقتي يا احمد

..أحمد طلع يجرى وهو سايب السماعه مددله من على الطرابيزة ..

-----

طيب وزمر ومطربين ورقاصه طالعه على سلاليم فيلا عصام وورهاها قسمت وعصام  
والأهل بيوصلولهم لبااب اوضتيتهم..

..أحمد بيجرى فى الشارع على بيت ليلي اللي عرف عنوانه فى التليفون..





..عصام يبسلم على الناس ويقلل باب اوضته وييلف بشراسه لقسمت اللي مدياله ضهرها بتوتر..

..أحمد بيجرى فى طرقة مستشفى وجنبه ليلي وباباها على السرير والممرضيين بيجرو بيه وهو بالأكسجين..

..عصام هجم على قسمت وهو بينال عليها بالقبلات

..ليلي بتعيط وأحمد بيواسيها..

..قسمت قاومت عصام لحد ماهدت وراماها على السرير بعد ماشد الفستان وقطع السوسته..

..أبو ليلي دخل اوضه الأسعافات بسرعه وليلي بتعيط جامد..

..عصام خلع الجاكيت وهو مقرب لقسمت اللي حاميه نفسها بإيديها وعمال تفتكر أحمد..

..أحمد وليلي منتظرين بره الأوضة بتوتر والدكتور عمال يدى باباها بالصدمات الكهربائيه عبي صدره ومافيش اجابه..

..عصام هجم على قسمت وهو ماسك ايديها على طرفين السرير وبينها عليها بالقبلات الحاره..وهي عماله تقاوم ومش قادره..







..لآخر مره صعق الدكتور بالكهربا وهز راسه بالفشل وهو بييشيل الكمامه ويخرج من الأوضة وهما بصيين عليه من الزجاج..

..عصام خلع الفستان لقسمت وهو بيقترس دراعها وهى بتفرفس برجليها والجزمه تتخلع وتنزل على الأرض..

..الدكتور فتح الباب وهو بيهزر راسه بالنفى وعلامات الأسى على وشه..ليلى صرخت وهى بتبص جوا الأوضة وهما بيغطو وش باباها، أحمد حضنها بسرعه وهى عماله تصرخ وتعيط وهو خايف عليها وعلى قلبها..

..قسمت دموعها نزلت وهى همدانه وبصه للسقف وعصام بيسكر على الطرابيزة..

قسمت لابسه روب ويتلعب مع طفل صغير على الأرض وحواليهم ألعاب..

..والتليفون يرن..





قسمت/دادا..دادا..ردى على التليفون وحياتك

الدادا تيجى ترد/ألو..ألو..رد ياللى بتتصل

قسمت/مين؟

الدادا/ماحدش بيرد يهانم

قسمت/أمممم..ياااه..الساعة داخله على ١٢ وشريف لسه صاحى..والنبي يادادا خديه

فى أوضته ونيميه

الدادا/حاضر

..وراحت خدته من على الأرض وقسمت قامت وهى بتعدل الروب وبتودع ابنها

وتبعثله بوسه وهى بتقول/أحلام سعيده ياروح ماما

..والتليفون يرن..

الدادا رفعت السماعة/ألو..ألو

..قسمت قلبها دق..الدادا جايه تقفل



قسمت بسرعة/لا استنى

الداد/ماحدش رد ياهانم

قسمت راحت مسكت السماعة وصوت عياط ابنها واضح/طيب روى أنتى عشان

الولد بيعيط

الداد/حاضر

قسمت بتردد/ألو

..ماحدش رد والساعة دقت ١٢ ..وظهر صوت أنفاس على التليفون وقسمت قلبها بيدق  
بسرعة والأنفاس تعلق..

قسمت/أحمد♥

أحمد بصوت مليان حزن/كل سنة وأنتى حبيبتى..أنا أسف مااقدرش مااسمعش صوتك

..قسمت ابتسمت والدموع فى عنيتها..



..أحمد حظ الهارمونيكا على شفائفه وهو بينفخ فيها نغمات خاصه ألفها ليها بمناسبه عيد ميلادهم..وقسمت تسمع وهي مبتسمه وماسكه السماعه بشوق ونفسها تدخل جواها وتوصله بأى طريقه..وهو نفسه انها تسمعه كلمه حلوة ترجعه للحياه اللى هو ضلها من غيرها..

خلص وقال/هستناكى..لحد ماموت هستناكى..كنتى عروسى ومازلتى..تسكونين كيانى وتدخلين أعماقى بكل جوارحك

..قسمت دمعت وقفلت بسرعه التليفون وهي سامعه صوت عصام بينادى عليها..

..أحمد قفل السماعه المقفوله فى وشه وهو مبتسم وبمسح دموعه..

ليلى/أحمد..ياللا عشان نطفى الشمع..كلنا مستنينك

..يروح أحمد معاها ويسلم على اصحابه اللى كلهم أجانب ويطفى الشمع..

..قسمت واقفه فى اوضتها وهي بتنهش فى قلبها..يدخل عصام عليها ويلاقىها تعبانه..



عصام/ده ايه القرف ده..كل يوم دوا ومستشفيان وعيا وزفت..دى مابقتش عيشه

..ويزرع الباب ويخرج وتعيط قسمت وهى كتمة بؤها وترمى الدوا على الأرض  
وماترضاش تاخده تانى..

-----

ليلى لبسه لبس العمليات ومنتظره معاد عمليتها بتوتر على السرير..

يدخل أحمد وهو بيقول/ايه دا..أحنا ماصدنا نقنعك عمليتها وظبطنا التحاليل وكله تمام ليه  
التوتر بقى؟

..ويعد جنبها على السرير..

ليلى/خايفة



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

412



أحمد/لا مافيناش من ده ولا أنتى ناويه تاكلى عليا العزومة؟

ليلى بضحك/لا ياسيدى وبعدين تكونش فاكر انك بعد ما تخرجت وخذت شهادتك من  
اوروبا وبقيت معيد هتبقى حارس عليا ولا ايه؟..لا..ده انا بميت راجل

أحمد بضحك/أنتى بمليون راجل مش ١٠٠ بس

ليلى ابتسمت بهدوء ومسكت ايده وقالت/أنا عارفه انك بتتعذب من جواك..وانك بتمثل عليا  
الحب

..أحمد جه يتكلم منعه ليلي وهى بتحط ايديها على بؤه وقالت/مممكن تسمعنى..أنا كنت  
حاسه بيك..أنت عمرك ما حبتى ولا هتحب غيرى..لأن هنا

"وشاورت على قلبه" مش موجود غير واحده بس..أنت نفسك بتكابر وبتدفى الأمر..بس  
مش عليا..

"وبضحك" أنت ادتنى لحظات سعادته كتيرة وضحكنا وانبسطنا ووقفت جنبى كتير وساعة  
موت والدى ماسبتنيش وعرفت تخرجنى من حزنى وعشان نكرانا بتأملنا سفرنا لبلد  
غريبه وبعدت أنت عن أهلك وبلدك وحبابيك عشانى..ولحد دلوقتى ماسبتنيش ولا  
لحظة..وأنا بشكرك من كل قلبى على كل لحظة سعادته عيشتهالى..أنا عارفه أنى مش  
هعيش بعد العمليه

أحمد/بعد الشر عليكى

ليلى/خليني أكمل

"وخذت نفس وكملت" لما أموت.. عايزة أدفن فى مصر.. بلدى.. جنب والدى ووالدتى.. مش  
عايزة عياط والكلام ده.. عايزاك تفرحلى وتبقى مبسوط أن ألقى هيمشى خلاص

وبابتسامه مليانه دموع/هتوحشنى ياأحمد.. ممكن تحضنى بقى

..وراح أحمد واخدها فى حضنه وهو حزين وهى مبتسمه

المرضه/جاهزة ياللى

..الأثنين بصوا لبعض..

..ودخلت لىلى أوضة العمليات وهى بتعمله باى باى..

-----



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

414



أحمد نزل بجثمان ليلي من الطيارة على المدافن في البلد وعرف أصحابه وفتحوا المدفن  
وهو وصل ودفنوها وهما بيعطوا..

وهما خارجين..

أحمد/أنا اسف يامدحت ماعرفتش اباركلكم بنفسى

مدحت/ولا يهمن يابوحميد شوقيه عذراك

سعد/فى حاجه هقولهاك يااحمد

سلامه/سعد

مدحت/لازم يعرف ياسلامه

أحمد/فى ايه

مدحت/قسمت بتموت ياأحمد

..أحمد ماصدقش..

سعد/قسمت طلع عندها القلب ياأحمد والدكاترة بتقول أن حالتها اتدهورت بسبب أهمالها  
فى العلاج..ومافيش أمل







مدحت/وهي طلبه تشوفك

أحمد بز عيق/وماحدش قالى ليه؟

سلامه/ماحدش كان يقدر يقولك وأنت ماصدقت تبعد

أحمد/مين قالك..جد فيكو كان حاسس بيا..أنا كنت بموت كل يوم وهي مش معايا

مدحت/اهدى يا احمد

أحمد بز عيق/هي فين؟

-----

أحمد بيجرى فى طرفه المستشفى و وهو بيدور على أوضتها..قسمت نايمه على سرير  
ومتربلها اجهزة وجهاز الأكسجين على مناخيرها..وراحت مفتحه عنيا..



..أحمد لقي أوضتها من بعيد راح جاري عليها..

..قسمت ابتمت وهي بتشاور على الباب المقفول..

..باباها ومامتها مافهموش وبصوا على الباب..

..الأوكره اتلفت واتفتحت الباب وظهر أحمد وهو بينهج من الجري..

..أحمد بصلهم بعدين بص على السرير وهو مبرء ومش مستوعب..

..مامتها وباباها خرجوا وهما بيعيطوا..

..أحمد دخل وهو ببصص على قسمت اللي نحفت جدا وتحت عنيتها بقي اسود أووي ووشها  
مفر جامد ومده ايديها ليه كأنه طوق نجاه وجالها..

..أحمد باصصها بز هول وشوق وحزن وتعب..وقرب منها وهو مادد ايده..وهي روحها  
كأنها رددت أول ماشافته..

..ايديهم تلامست..قسمت كلبشت في ايده وهي بتشيل جهاز الأكسجين ..أحمد قرب وباس  
راسها ودموعه نازله على وشها والأبتسامه مش مفرقاها..

..أحمد أعد على السرير وهو بيقول/حبيبتى

قسمت بضعف/ك..كان نفسى اسمع ها..من زمان..وحشتنى الكلمه..اللى اتحرمت  
منها..كانت ممكن تعيشنى ١٠٠ سنة

أحمد بأمل/هتعيشى..وهقولها لك كل يوم وكل دقيقة..أنتى مافكيش حاجه..أنتى زى  
الفل..عايزة تخضينى عليكى وخلص

قسمت ابتسمت/ها ها..عشان اعرف غلوتى عندك

أحمد/أنتى نور عينى اللى بشوف بيها واللى بتنورى حياتى كلها..أنتى قسمتى أنا

قسمت/وأنا ماليش غيرك أنت..بحبك

أحمد قلبه اتعصر من جوا وقال/لو كنتى قولتيها من زمان ماكنش كل ده حصل..ليه  
ماقولتهاش وليه خبيتى عنى؟

قسمت/ماكنش ينفع تتجوز واحده مريضة قلب..وقررت أنى ابعده عنى بأى

وصيله..وصعام ساعدنى فى ده..لقيتك متمسك بيا أكثر..عصام خطط وظبط كل حاجه فى  
مصلحته وأنا اطوعه زى الدميه..ماقدرتش اعذبك بمرضى وكنت بموت وأنا شيفاك بتتألم  
وأنا معاه بس كنت هتتعذب أكثر وانت شايفنى بموت قدامك كل يوم وكل  
دقيقة..سامحنى..عذاب الحب أهون من عذاب موت المحب

أحمد/وأنتى بكده مش بتعذبينى؟

قسمت/عذاب أهون من عذاب





..قلب قسمت بدأ يضعف وهي مش قادره تقول..

وابتسمت وهي بتقول/فاكر..فاكر أول حاجه سمعتها على الهارمونيكا؟

..أحمد هن راسه وهو بيعيط وبمسح على راسها..

..قسمت مسحت دموعه بإيدها وقالت/سمعها..أنا عارفه ان الهارمونيكا معاك..دى مابتفارقكش

أحمد/بس بس

قسمت/هششش

..وشاورتله يطلعها..أحمد طلع الهارمونيكا وابتدا يسمعها وهي ضغطة على ايده وفي دنيا تانيه والابتسامه على وشها مابتروحش..أحمد دموعه نازله بعذاب وهي عماله تتألم ومش عايزة تحسسه..أحمد بصلها وهي بتمثل الأبتسام وضغطة على نفسها..قسمت قلبها دق بسرعه بعدين ضرباته قلت قلت قلت..وشها جاب الوان..عينها ابتدت تزغلل..بصت على أحمد والأوضه وهي بتحاول تركز..الرؤيه باقت مشوشة..سمعها بقى صدى صوت..أحمد دموعه مش واقفه..قسمت عجزت عن الرؤيه تماما..قلبها دق مرتين وسكت مره واحده..

..أحمد حس أن قبضه ايدها مش موجوده..بص عليها لقاها مغمضه..نزل الهارمونيكا وهو بيترعش..رفع ايديها وسابها..راحت مرميه على السرير...راح شايها في حضنه وايديها



باباها/لا يابنتي..انا اللي اسف..ولولا قاسم ماكنتش طلعت من الحكايه دي

قاسم/هو انت عرفت ازاي؟

قسمت/مانا ماقدرش استنى،ولما لقيتك اتأخرت روحت لبابا ووريته الميمورى وهو  
اتصل بالبوليس واتصرف عقبال مايوصلوا ..ماكنتش اقدر اسيبك

..قاسم حضنها وهو بيدعك دراعها براحه..وخرج الدكتور وهو مبتسم..

..اصابه جبريل ماوصلتش للقلب ورفم طلوعها بصعوبه الا أنه خف بسرعه وتم الرجوع  
لمصر بسلام..

\*\*\*\*\*



هارمونيكا



آيه صلاح



عصير الكتب للنشر الإلكتروني



FB.com/groups/Book.juice

421





حنان شافت قسمت فى شقه قاسم وراحت مقررہ انها تتنتقم..وعند باب قاسم  
وراحت راقعه بالصوت ولمه الجيران عليها وهما بيسألوها فى ايه فى ايه ..

حنان/يااللاهوى..يااللاهوى على الفضيحه

الجيران/فضيحه ايه..فى ايه..كفالله الشر

حنان/ماتسألونيش على اللي شوفته

الجيران/شوفيته ايه..شوفتيه ايه

حنان/لست اللي عايشه لوحدها وفكرنها محترمه اللي عامله نفسها شرررريفه..بايته  
فى بيت الأستاذ قاسم الجار الجديد اللي جاب سمعه خالو فى الأرض

الجيران فى بؤ واحد/ايه؟

حنان/وانا هكذب ليه..خبطوا وشوفوا

..الجيران خبطت ورزعت على الباب وجات قسمت فتحت وهى بتبصلهم بز هول..



حنان/شوفتو ووا

الجيران/عيب كده..دى عماره محترمه..دى قلله ذوق

..وحنان وقفه بتضحك..قاسم جه وهو بيسال قسمت بوشه..

قسمت/ما عرفش

قاسم/هو فى ايه..براحه

حنان/براحه..اما نشوف الست قسمت فى شقتك يبقى ابيه غير زنى..والعماره هتقلب لدعاره ياناس يامحترمين

قاسم/زنا؟!!!

وراح واخذ قسمت فى حضنه وقال/دى مراتى

..حنان اتكسبت و قسمت ابتسمت والجيران ضحكوا وقاسم و قسمت بصيت لبعض بحب..الجيران هنوهم وهزاعو حنان وكل واحد راح لبيته ماعدا حنان اللى مازالت واقفه مزهوله..

قاسم/أتجوزنا من يومين بس..مش تقوليننا مبروك





..حنان فتحت بؤها..راح قاسم قافل الباب فى وشها..

\*\*\*\*\*

قاسم أعد فى أوضة المكتب وفاتح الاباجورة وبيكمل كتاب الحارمونيكا بحكايته واللى كانت بقيت صفحاته بيضه..

..أن نسيت أقولكم ان قضيه حماده خدت حكم وحماده وأخواته دخلوا اصلاحيه وجات الهانم وجوزها يتبنوا حماده لآ أنه ماوفق غير بتبنى أخواته معاه..وتم التبنى لحماده وأخواته ال ه وحصلوا على الحياة المستقره اللى يستهلوها..زينهم أتصلح حاله بعد ماخرج بشهاده ملك وفتح محل ميكانيكا خاص بيه..احيانا بزورهم وبعد معاهم..اما حنان فاتقفشت مع واحد اطردت من العماره..

..أنا لحد دلوقتى مش عار ايه علاقتنا بقصة الهارمونيكا اللى كانت تقريبا بتحقق غايتها فينا أو يمكن توارد روحى وصل للتوارد فى الحب أو قوة حب قسمت وأحمد وصلت لرابط



الدم بينا..أنا كل اللي عارف دلوقتي أن مافيش غير قسمت دخلت في قلبي وزى ماهي  
بتقول..واسمك منقسم مني♥

..وتيجي صورة لآحمد وهو بيكتب في الهارمونيكا ولايس تضاره وعلبه الهارمونيكا قدامه  
على المكتب وتختلط الصورتين ببعض ونفس الكلام..

(أسباب..أسباب كانت بتخلي الواحد يحب وهو مش حاسس..لذلك..تعددت الأسباب والحب  
واحد)

..قسمت فتحت الباب بعدين النور ودخلت وهي بتقول/حبيبي..مش هتنام بقي

..قاسم بصلها بحب وهو مبتسم..قسمت قربت عليه وهي بتعرج على الجانين وبطنها  
قدامها..وأول ماوصلت قلسام باس القلم ولف بالكرسی لقسمت وحط ايده على بطنها وهي  
على آخرها وباسها بحب وهي بتمسح على شعره ومبتسمه..

قاسم بصلها وقال/دقايق وجاي

قسمت/هستناك..مش زى كل مره هاه

قاسم بضحك/أه أنا بقول أنا جاي أهوو ومش زى كل مره





وحط ايده الأتئين على ودنه وقال/هخخخخ..سيبنى انام تعبانه

قسمت/ده أنا؟

.ماشى

..وراحت خارجه بضحك..

..قاسم رجع الكرسى وهو مبتسم ومسك القلم وكتب(أحمد..قاسم)

..وراح قافل الكتاب والمره دى بالقفل وحطه مكانه وهو ماسك الهارمونيكا بعدين حطها فى علبتها..

..وتيجى صورة لأحمد وهو بيقوم من على الكرسى والصورتين يختلطوا ببعض والأتئين يقلعوا النضاره على المكتب ويقفلوا الأباجورة..ويخرج قاسم وهو بيقل نور الأوضة ويروح على أوضته ويقفل الباب..ويخرج أحمد من أوضه المكتب وهو بيقل الباب..

..ويخرج اصلاه يعد على الكرسى وهو بيطلع الهارمونيكا من جيبه ومفتاح القفل بتاع الكتاب بيخلل ويمشى بأطراف ايده عليها ويبدأ ينفخ أول نغمه عزفها لقسمت واللى ماتت وهى بتسمعها واللى هو كمان مات عليها فى اللحظة دى..

..يفتح قاسم الباب وهو مخرج راسه ويبص يمين وشمال..



قسمت من جوا/فى ايه؟

قاسم/سمعتى صوت؟

قسمت/تااانى

قاسم/لا لا خلاص

..وقفل الباب ويبتسم أحمد ويطببطب على إيد قسمت اللي كانت واقفه وراه وحطه ايديها على كتفه ويختفوا)

..ارتباط قاسم و قسمت ماكنش مجرد ارتباط جسدى ..بل اكثر من ذلك ..أنه الارتباط الروحى ..وكان بيحمى حبهم الأبدى روحين فرقتهم الظروف فى الدنيا وجمعهم الحب فى الآخره ..



هارمونيكا



آية صلاح



عصير الكتب للنشر الإلكتروني



FB.com/groups/Book.juice

428

..وقدرت الهارمونيكا أنها تثبت معناها الحقيقي "الحب"

..تمت بحمد الله...

لـ آية صلاح